


K. 1. 6 B. 4

G. 7. 7
6

Ma 10

11
h. 4

The Library of the
Wellcome Institute for
the History of Medicine

MEDICAL SOCIETY
OF
LONDON
DEPOSIT

Accession Number

Press Mark

CARYOPHILUS, P.
2 pts

Digitized by the Internet Archive
in 2018 with funding from
Wellcome Library

VIII 5
<https://archive.org/details/b30411828>

LONDON. MEDICAL
DE
ALBOS

P
c. 31

THERMIS HERCULANIS

N U P E R

IN DACIA DETECTIS PASCHALIS CARYOPHILI DISSERTATIO EPISTOLARIS

EDITIO II. POST VINDOBONENSEM

A N. M D C C X X V I I.

SECUNDIS CURIS AUCTA, ET EMENDATA.



PUBLICA AUCTORITATE EXCUDEBAT
MANTUAE AN. MDCCXXIX.

Apud Typographiam S. Benedicti Haeres Alberti Pazzoni,
Archiducalis Impressor.

*Sed tua me virtus tamen & insperata voluptas
Suavis amicitiae longum perferre laborem
Suadet & inducit noctes vigilare serenas.*

A D
EXCELLENTISSIMUM
D O M I N U M
A N D R E A M
HAMILTONIUM,

S. R. IMP. COMITEM, CAESARIS A CUBICULO
HONORARIO, EJUSQUE A SECRETIORIBUS,
ET A BELLICIS AULICIS CONSILIIS, COHOR-
TIS PRAETORIAE IMPERATORI APPAREN-
TIS CENTURIONEM, EQUITUM LORICA-
TORUM ALAE PRAEFECTUM,

LEG. AUG. PR. PR.
PROVINCIAE TEMESVENSIS.



Uum Tibi, Vir Ex-
cellentissime, CA-
ROLUS VI. Imperator sem-
A 2 per

per Augustus, propter tuam
eximiam disciplinae militaris
peritiam ac firmam multarum
rerum cognitionem, Temes-
vense oppidum, totiusque re-
gionis principatum ad guber-
nandum commisisset, ad aliud
sane animum tuum primum
non adjunxisti, quam ad regen-
das & moderandas gentes illas
ab immanitate ac tyrannide
ereptas, partim humanitate ac
justitia, partim sanctissimis le-
gibus & institutis, ac potissi-
mum ad cingendam muris,
munitionibusque firmandam
Orfaviam adversus immanes
Thracum irruptiones, quos
ut tutissime possis propellere,
quod-

quoddam aliud fortissimum
propugnaculum e fundamen-
tis condere adgressus es ab
ELISABETHAE CHRI-
STINAE AUGUSTAE CA-
ROLI VI. MAGNI AU-
GUSTI conjugis nomine nun-
cupatum. Singulari enim &
amplissima virtute Tua, cujus
laudandae difficilior est exi-
tum, quam principium inveni-
re, nationis Germanicae glo-
riam ac potentiam, quae Ger-
manis ipsis a suis majoribus
cum magna in rebus omnibus,
tum summa in re militari tra-
dita est, conservare, & praefer-
tim augere studes, ac praeclara
fidei Tuae argumenta, & mul-
ti-

tiplicia specimina amoris & ob-
servantiae erga Augustissimos
Principes Austriacos, a quibus
summis honoribus es decora-
tus, in bello Hispanico, Panno-
nico, Italico, & Rhenano sem-
per edidisti. Quumque sis sum-
ma temperantia, mansuetudi-
ne ac incredibili humanitate
praeditus, omnium animos, qui
tecum versantur, ita tibi ob-
strinxisti, ut ii beatissimi esse
videantur, apud quos tu com-
moraris. Quis vero mirari fa-
tis non potest praestantissimas
animi Tui dotes? quibus non
modo eorum hominum, qui
nunc sunt, gloriam, sed etiam
antiquitatis memoriam supe-
ras.

ras. In Te enim sitas universi
perspiciunt, atque admirantur
omnes illas Clarissimorum Du-
cum virtutes, quae vulgo aesti-
mantur, laborem in negotio,
fortitudinem in periculis, in-
dustriam in agendo, celerita-
tem in conficiendo, consilium
in providendo, quae tanta sunt
in Te solo, quanta in omnibus
reliquis, quos aut vidimus, aut
audivimus, non fuerunt. Tan-
dem difficile est dictu, quanto
in studio, ac exercitatione assi-
dua fueris versatus, quibus ab
ineunte aetate operam, curam-
que omnem consumpsisti, quod
& quotidiani sermones Tui de-
clarant referti Philosophorum
sen-

sententiis & doctissimorum vi-
rorum familiaritates, qui no-
bilissimam domum tuam per-
hospitalem semper frequenta-
re solent. Hinc quum a cura-
tione atque administratione
rerum aliquando vacas, nullam
aliam animi, corporisque leva-
tionem peropportunam repe-
ris, quam libentissime confuge-
re ad differendum cum sapien-
tissimis viris de philosophiae
praeceptis, quae ad recte, bea-
teque vitam ducendam quam
maxime referuntur, aut ad tra-
ctandum de publicis, & priva-
tis rebus, quarum cognitio sum-
mopere Reipublicae admini-
strationi convenit. Est enim
ad-

admirabilis quaedam continuatio, seriesque disciplinarum, ut alia ex alia nexa, & omnes inter se aptae, colligataeque videantur. Insuper quoniam antiquitatis studium curae Tibi semper fuit, summa diligentia ac ingenti industria quendam locum inter Meadiam, ipsamque Orfaviam positum prope Tsiernam fluvium nuper fodere iussisti, in quo aliqua vetustissima adparebant monumenta, ubi non solum statuæ & Herculis arae detectæ sunt, verum etiam quamplurima vota ipsi Deo dicata pro salute & incolumitate Imperatorum, ac Praefidum, variis quoque,

que, diversisque inscriptionibus ornata. Quis enim comprehendere animo potest? Quis non admirari? Quis non laude dignam judicare hanc tuam praeclaram, honestissimamque provinciam? quam exemplo praestantissimorum virorum, magna ac insigni omnium admiratione suscepisti, quibus certe res tam vetustate nobilissimas, quam elegantia & pulchritudine celeberrimas inquire ac perlustrare mos semper fuit. Sic enim Germanicus Aegyptum profectus *cognoscendae antiquitatis*, magna, ac diligentis contemplatione avita illius Provinciae monumenta perspe-

spexit. Sic etiam Julius Caesar
vir clarissimus ob perfectissi-
mam non minus in artibus in-
genuis, ac in rebus militaribus
scientiam, sed & propter sua
praeclara gesta, quae diuturni-
tate temporis confirmari, &
una cum seculis aetatibusque
hominum inveterari deberent,
antiquissimas Trojae reliquias,
& celeberrima ejus inclitae ur-
bis vestigia ingenti animi sui
admiratione observavit. Sic
quidem Tu adfido, ac pervi-
gili labore quotidie in Ther-
mis aderas, ad visenda varia
antiquitatis rudera, quae ibi
effodiebantur, graves solis ae-
stus, & noxiam aëris intempe-

B 2 riem,

riem, qua ea regio laborat, nunquam extimescendo: & ut plebeculam pasceres, animumque ei excitares, premium non mediocre pollicebaris, unde celeberrimam, atque laudibus florentem eam regionem reddidisti. Pro comperto enim habebas, nihil esse pulchrius aut praestantius ipsa antiquitate, quae ab omnibus gentibus omni doctrina, rerumque Majorum scientia clarissimis exculta semper fuit, & potissimum a Graeciae civitatibus, ac ab illis omnium doctrinarum inventricibus Athenis. Summa fuit, ut mihi videtur, veterum Graecorum sollicitudo, ac cura
in

in colligendis, aut custodiendis
antiquitatum monumentis &
vetustate & varietate notabili-
bus, ut integras urbes nobilio-
res fecerint ob vetustissimas ta-
bularum, signa, templa, aliasque
ejus generis antiquitates, qui-
bus erant ornatae, ac prae ce-
teris ob

incisa notis marmora publicis, Horat. IV.
od. 8.
Per quae spiritus, & vita redit bonis
Post mortem ducibus.

Qua de re Thespiae propter
unum Cupidinis signum vife-
bantur, aut Syracusae maxima
Graecarum urbs, & pulcherri-
ma in summo, atque indicibili
apud alias nationes honore ha-
be-

Apud Grut.
CCXLIX. 4.

bebantur ob pugnam eque-
strem Agathoclis Regis in ta-
bulis pictam praeclare, ac in no-
bili Minervae templo positam.
Nihil enim erat ea pictura no-
bilius, nihilque quod magis vi-
fendum putaretur. Quocirca
Dacia, quae olim **VIRTUTE**
HADRIANI AUGUSTI
IMPERIO ADDITA FE-
LIX erat, amplioribus nunc
ornamentis, beneficiis ac utili-
tatibus a liberali Principis in-
dulgentia in ipsam collatis,
summam felicitatem ac mayo-
rem nunc consecuta est digni-
tatem, quam illius Imperatoris
invictissimi ac sapientissimi
tempestate. **NAM CARO-**
LUS

LUS VI. MAGNUS AUGUSTUS bello acerrimus, virtute eximius, semper animo maximus, cujus laudes orbis terrae regionibus definiuntur, depulsis Thracibus in ipsam, in potestatem ditionemque suam redactam, e vestigio Christianam invexit religionem, sanctas atque solidas posuit leges, colonias deduxit, ipsasque incolumes conservare tueri, & confirmare decrevit. Quae summe haec omnia cunctis videntur magis esse laudanda, quum fidei Tuae Provinciam illam commiserit, ut reipublicae tranquillitati, salutique populorum consuleres, ac claustra
& pro-

& propugnacula Imperii Germanici custodires. Tandem, ne haec vetustatis monumenta, quibus simul & novitas gratiam & varietas delectationem & antiquitas ipsa auctoritatem conciliat, in tenebris sepulta diu jacerent, atque eorum penitus aboliretur memoria; cogitasti alicui onus hoc committere, ea nempe explicandi, atque interpretandi. At quoniam singulari amore ac benignitate in Tuam amicitiam, & fidem me jam receperas, quodam die, quum Tecum disce-rebam de utilitate, ac praestantia veterum numismatum, & laboriosum marmorum studium

dium celebrarem, non tam ob
Chronologiam ex iis eruen-
dam ac propter foedera, & Se-
natusconsulta, quam pro ope-
ribus publicis, atque Impera-
torum gestis cognoscendis,
quae omnia in eis expressa re-
periuntur; mihi notitiam ad-
prime gratam praebuisti, ef-
fossa juxta Tsiernam fluvium
quaedam balnea, variasque
Herculis icones, & aras inscri-
ptionibus ornatas, detectas fui-
se, quas ad illustrandas Tua
erga me auctoritate, qua plu-
rimum polles, animum meum
impulisti, ac altius erexisti,
quum Inscriptionum exem-
plar in potestatem meam tra-
C di-

ditum oculis perlustrassem, a quo certior factus sum, nullum omnino extare in iis vestigium Trajani, & Hadriani aetatis, sed solum quaedam potius peti posse argumenta circa Antonini Pii tempus ex Eris, quas ipsa marmora testificari videntur. Verum quum scivissem Te in eam provinciam iturum, deprecari non destiti, ut a peritissimis ac diligentioribus viris ea iterum e marmoribus excipienda curares, quae in Tuo reditu tandem mihi praebuisti; ac propterea majori delectatione, ac uberiori spe pristinam opinionem, quam jam exploratam habebam, sedulo con-

confirmavi, non extitisse bal-
nea haec Herculana ante Titi
Aelii Antoninii Pii aevum.
Sed quoniam nonnulla mihi
memoria iterum erant repe-
tenda, quamplurima vero in
Graecis, Latinisque scriptori-
bus investiganda, atque obser-
vanda, selectae librorum sup-
pellectilis usum perhumaniter
mihi concessit, & nulla prae-
termisit, quae nostris faverent
laboribus, eruditissimus Abbas
Josephus e Principibus a Tra-
utson, qui generis nobilitatem,
quae summa ipsi, & antiquis-
sima contigit, liberalium disci-
plinarum dote, & ornamento
amplificare optat, cui

*cor limante Minerva
Acrius, & tennes finxerunt pectus
Athenae.*

Sic hanc dissertationem, quam
citissime potui, ut Tuis obtem-
perarem jussis, confeci atque ad
umbilicum perduxi. In ea enim
breviter, atque dilucide de-
monstravi, qua in Daciae An-
tiquae parte hae Thermae fue-
rint sitae; rationesque uberius
expofui, ob quas Herculanæ
nuncupatae fuerint, nec non
omni sollicitudine ac diligentia
inscriptionum Eras reperire
curavi, ad quas non modo ex
antiquis nummis & marmori-
bus, verum etiam ex veteribus
Jurisconsultis disciplinarum
omni-

omnium cultoribus, illustran-
das sum adgressus

Materia vires exsuperante meas.

A quorum numismatum ac
marmorum studio nunquam
abhorruī, quinimo huic, non
minus ac aliis scientiis, multis
ab hinc retro annis omni meo
conatu incubui, quod summo-
pere ad exactam, omnibusque
numeris absolutam Romanae
Jurisprudentiae intelligentiam
pertinere cognoverim, ut jam
apertissime in nostris disserta-
tionibus **DE UNIVERSA
VETERUM JURISCON-
SULTORUM SAPIENTIA**
ostendi, quas spero ὅτι θεῶ brevi
typis daturum. Quae quum ita
sint,

sint, quis sane fateri non putet?
Te supra M. Scaurianum lau-
dibus cumulandum esse. Nam
etsi ille ab Antiquitate lauda-
tur, quod Trajani temporibus
Sarmigethusam coloniam de-
duxerit in Dacia; Tu vero ma-
jori laude extolleris, quum has
Herculis Thermas, quae per
immemorabile tempus sub ter-
ram jacentes dormierint, in
apricum protulisti, ut non im-
merito *Aquae Hamiltonianae*
sint nominandae, ut Aquas
Sextias a C. Sextio Proconsule
dixit Antiquitas. Quae qui-
dem majoris etiam praestan-
tiae, ac nobilitatis sunt, quam
DACIAE THESAURI
DE.

DETECTI sub Trajano, quum
Victo Decebalo Daciam te-
nuit, Romanisque legibus obe-
dire coëgit. Apud Grut.
XXI, 8. Aquae enim cali-
dae, quae e terra sponte erum-
punt, ut usus nos docet, variis
morborum generibus sunt sa-
luberrimae: sicque maximam
hominum sanitati opem tulisse
videris, qua nihil jucundius, ni-
hilque prestantius non solum
esse, sed ne cogitari quidem
quidquam melius potest. Hinc
ut humanae saluti majori com-
modo ac spe consuleres, lava-
cra, & fellas balneares iterum
restituere decrevisti: ob quae
hercle frequens ibi convenire
solet multarum gentium coe-
tus

Apud Grut.
CLXXVII. 7.

tus ac ingens fieri confluxus, ob
loci amoenitatem, calidorum-
que fontium salubritatem, qui-
bus corpora gravissimis morbo-
rum generibus correpta pristi-
nam sanitatem recuperant, mi-
rificeque recreantur. Pluri-
mum ideo utilitatis hominibus
adtulisti, quam olim non prae-
stitum fuit AQUA INDUCTA
COLON. DACIC. SARMIZ.
PER CN. PAPIRIUM AELIA-
NUM Legatum, & Propraeto-
rem Hadriani. Obsecro Te de-
nique, ut has meas lucubratio-
nes, atque ingenii mei hocce
munusculum grato animo ac-
cipere digneris, quod ego No-
mini Tuo dono dare, ac dedi-
care volvi.

Nullus



Ullus dubito, quin Thermas Herculananas, quae nuper detectae sunt in Dacia Trajani, collocandas censeam in Zernensi Territorio ex Inscriptione in Thermis reperta, quamvis e marmore indiligenter fuerit excepta, nam prae ceteris mensis abest in aris votivis nunquam omissus, ut videre est in collectione Gruteriana

III. IDUS. APR. SEVERO ET
VICTOR. COSS.

XII. I.

& passim X. KAL. MAJAS, vel KAL. DEC.,
aut XIII. KAL. FEB. Consulum epocha semper adjecta. Nunc vero inspicienda est Inscriptio, de qua dicebamus.

XXXIII. 9.

XXIV. 7.

XXXII. 6.

LXVII. 5.

HERCULI. AUG. VALER. M
FELIX. RUFI. SATURNINI. G. P. P
T. P. EXPR. IV. STATIONIS
D TSIER-

TSIERNEN. IIII. ID. ANNO. XI
BARBATO. ET. REGULO. COS
EX VOTO. POSUIT

Quum impraesentiarum Tsiernam vulgo vocitent
fluvium , qui Thermas praeterfluit e montibus
Transilvaniae decurrens , quae pars erat Anti-
quae Daciae . Eodem nomine insignitur etiam
fluvius in Bulgaria , quem τὸν Τζερναῦν λεγόμενον ποταμὸν

Hist. comp.
pag. 709. edit.
Parif.

Tsernam fluvium vocat Cedrenus , prope Pila-
grum , & Stypejum confluentem , quae ejus pro-
vinciae castra erant Basilii temporibus , cujus
res gestas enarrat . Hinc Zerni nomen inditum
a Tserna , qui fluvius , ejus praeterfluit territo-
rium , non levi argumento conjectamus : urbes
namque a fluviis saepe nomen accepisse legimus .

ap. Steph.

Carrhae urbs Mesopotamiae ἀπὸ Καρρᾶ ποταμοῦ Συρίας
a Carrha Syriae fluvio . Antiochia Mygdoniae

ἢ δὴ Μυγδόνι ποταμῶν κάλλιστὴν αὐτῆς περικείμενην Φήμην cui qui-
dem urbi Mygdonius fluviorum pulcherrimus no-

Orat. II. p. 62.
edit. Lips.

men suum communicat , teste Juliano : ut prae-
teream plerasque Siciliae urbes quae , ut Du-
ris apud Stephanum refert , a fluviis denomi-
nabantur . Sic Nestum Illyriae fluvium urbi no-
men dedisse suspicamur : & Istrus urbs in Pon-
to , quam condidere Milesii , ἀπὸ ἑποταμοῦ ἔλαβεν τὸ
ἑποταμὸς fluvii nomine fuit donata , juxta Auctorem

Peri-

Peripli Ponti Euxini . De Colonia Zerni Ul-
 pianus haec literis consignavit *Indicia quoque*
Zernensium Colonia . Sed error librarii in voce
Indicia latet , qui ex Basilicis emendandus in *Da-*
cia & ἐν Δακίᾳ ἢ τῶν Ζερμησίων ἀποικία , ubi mendum etiam
 irrepsit , nam loco Ζερμησίων *Zermensium* Ζερμησίων *Zer-*
nensium reponendum ducimus , uti in Pandectis
 Florentinis extat . *Zernis* enim dicitur in noti-
 tia Imperii , quae scripta Imperante Theodosio
 Magno . Graece vero Ζέρνις apud Procopium , con-
 venitque cum nostro marmore **STATIONIS**
TSIERNENSIS . Singulari quidem exemplo ,
 nam *Graeci* , & *Latini* , ut ait Vossius non ha-
 bent **TS** , & interdum **S** , interdum **T** omit-
 tunt . Ad *Zernensium* Coloniam , antiquam In-
 scriptionem refert Jacobus Cujacius , quo do-
 ctiores , acutiores , aut judicii sinceriores Ju-
 risconsultum nulla aetas vidit , nulla , opinor ,
 videbit .

L. I. π de cen-
 sibus .

Noris de epo-
 ch. Syrom. p.
 302. ed. Flor.

De Art.
 Gram. I. 37.

Observ. x. 35.

Isaac. Casaub.
 in Ael. Lamp.

I. O. ROMULO PARENTI
 MARTI AUXILIATORI
 FELICIBUS AUSPICIIS CAESARIS D. NERVAE
 TRAIANI
 AUG. CONDITA COLONIA DACIA
 ZERMIS PER
 M. SCAURIANUM PROPRAETOREM
 D 2 Ve-

Verum pace diligentiae tanti viri dixerim, quod non Zermis, sed *Sarmiz*. id est *Sarmizaegethusa* sit legendum: insuper non Dacia, sed *Dacica*, quemadmodum illam exscripsit Wolfgangus Lazius, ac in schedis Clusii, qui *Daciam* peragravit, fuit reperta

Apud Grut.
vi. 3.

I. O. M.

ROMULO PARENTI
MARTI AUXILIATORI
FELICIBUS AUSPICIIS
CAESARIS. DIVI NERVAE
TRAIANI AUGUSTI
CONDITA COLONIA
DACICA
SARMIZ
PER

M. SCAURIANUM
EJUS PROPR

Sarmiz. ita interpunctam, integram alia exhibent marmora

ccccxxvii. i.

COLON. ULPIA. TRAIAN
AUG. DACICA SARMIZGETUSA

Et alibi

cclxii. i.

COLONIA SARMIZAEGETHUSA

Ulpiano est *Zarmizegethusa*, Dioni *Ζερμιζεγεθούσα*
Ptolemaeo *Ζαρμιζεθούσα*, in Tabulis vero *Ζαρμισογεγεθούσα*.

380a. Quam ob rem quae primum Zernis dicta
semper idem nomen servavit. Romanis quippe
mos erat in deducendis coloniis, ut antiqua no-
mina nunquam immutarint auctore Strabone v. p. 216. edit.
Amst.

οἱ δὲ Ῥωμαῖοι παραλαμβάνοντες καὶ πέμπαντες ἐποίκους πολλαχῶς, συνεφύλα-
ξαν καὶ τὰ τῶν παρεπικησάντων γέννη *Romani autem rerum*

potiti, quum colonias in varia loca emitterent,
nomina tamen eorum, qui prius ibi habitavunt,

conservarunt. Trajanus Zerni Coloniae juris Ita-

lici beneficium contulit, ut Ulpianus adserit in

Dacia quoque Zernensium colonia a Divo Trajano

deducta juris Italici est. Floruit Ulpianus sub

Septimio, ejusque filio Caracalla, & Alexan-

dro Severo. Trajanus victo Decebalo πόλεις ἐν Dio lviij. p.
777. ed. Han.

Δακίᾳ κατώκησεν *colonias in Daciam deduxit*. Coloniae,

quae jure Italico gaudebant, praeter reliquas

liberalitates, plenam a tributis immunitatem

adipiscebantur. Quod singularis beneficii loco

nonnullis extra Italiam oppidis, aut coloniis ab

Romanis fuit positum: quem ἀτελείαν *tributorum*

immunitatem largiendi morem e Graecis desum-

serunt, eorumque exempla, quod in plerisque

aliis solebant, sunt imitati. Porro Athenien-

ses, & Lacedaemonii foedere facto Olympiade Thuc. v. p.
302. ed. Amst.

89. 3. Delphis αὐτονομίαν, & ἀτελείαν concesserunt,

ac utrumque Peloponnesi civitatibus ex foede-

re

P. 337.

Polyb. in Exc.
legat. 36. pag.
844. ed. Paris.

2. de Censib.

re Lacedaemoniorum , & Argivorum relictum Olympiade 90. 3. Frequentioribus tamen Romani beneficiis civitates affecerunt ob eximiam erga eos fidem , praesertim post bellum Antiochicum Graecas in Asia urbes *αὐτονόμους* *suis utentes legibus* reliquerunt : eas vero , quae singula-
ri fide in eo bello Romanis erant obstrictae *ἀπέλυσαν τῶν φόρων* *immunes a tributis statuerunt* .
Quas largitiones deinde magis amplificavit Augustus , ac insequentes Imperatores , ad quos summa Imperii pervenit . Hinc Berytus in Phoenice *Colonia Augusti beneficiis gratiosa* . Hinc Tyro in eadem Provincia , ut ceteras tacitus omit-
tam , ob egregiam in Rempublicam , Imperiumque Romanum fidem , Jus Italicum concessum . At non omnibus Coloniae id privilegii tributum , nam Ptolemensium Colonia inter Phoenicem , & Palaestinam sita , *nihil praeter nomen Coloniae habuit* . Similiter Caesariensis , & Capitolina *neutra Jus Italicum* sortita est . Antiochia pariter in Syria tantum Colonia facta *salvis tributis* . Itaque majus beneficium , amplioremque largitionem consecuta videtur a Trajano Zernis , quam ab aliis Imperatoribus Augustis Antiochia , Caesarea , ac Capitolina , quae Coloniae nomen adeptae , juris autem Italici beneficio caruerunt .

Pto-

Ptolaeus statuit Δίερνα non longe a Danu-
 bio, quam pro Ζέρνῃ posuisse videtur, quum duas
 hasce literas z & Δ, ut inquit Plato in Craty-
 lo, μετατρέπονται ad invicem commutant Graeci. Sic
 etiam Priscianus refert Latinos pro Mezentio di-
 xisse Madentio: unde Dierna vel Zernis inter
 Tibissum, & Alutam erit reponenda, non ve-
 ro inter Tibissum, & Rhabonem, sive Marif-
 sum; in quo turpiter alucinatus est Ptolae-
 meus, namque Rhabo in Danubium non exo-
 neratur, sed in Tibissum. Justiniani vero aeta-
 te Zernis πρὸς τῇ τῷ Ἰστρῷ ἡδὲ in ora Istri inter Φρέσια
 Castella recensita ad arcendas Barbarorum incur-
 siones. Romani namque Imperatores Danubii
 ἐν δὲ ἐν δεξιῷ τῷ ποταμῷ, ἀλλὰ καὶ αὐτὰ ἐν ἡμέρῃ τῇ δ' ἀπὸ πλείονα-
 τὰ π καὶ Φρέσια τῇδε δεινὰ μνησὶ oram oppidis, & castellis
 praetexuerunt passim a dextra, alicubi etiam a lae-
 va extructis. Id mihi in mentem revocat Drusi
 admirandam providentiam, qui in tutelam Pro-
 vinciarum praesidia, atque custodias ubique dispo-
 suit per Mosam flumen, per Albim, per Visur-
 gim. Nam per Rbeni ripam quinquaginta amplius
 castella direxit. Milites certis in locis locaban-
 tur, ut latrocinia prohiberent, unde stationarii
 dicti. Eusebius cujusdam loci meminit inter
 Aeliam, & Hierichum, quo statio militum
 collo-

III. 4.

Procop. IV. 6.
 de Aedific. Ju-
 stin. p. 80. ed.
 Paris.

Flor. IV. 12.

In loc. Hebr.

collocata , quive ob auxilia viatorum , Graecis dictus ἀνάβασις πύργων *ascensus sanguinariorum* . Loc-
cus , quo in praesentia positae Thermae , ob
frequentes grassationes ibidem fieri solitas , *Bal-
neum Latronum* vulgo audit . Quo spectat mar-
mor prope Thermas nuper effossum de Julio
e Tribu Sergia Basso decemviro Drobetae quaes-
store a latronibus interfecto

D. M

IVL. L. FIL. SERGIA
BASSO. DECEMVIR
DROBETAE. QVAES
TOR. INTERFECTO. A
LATRONIB. VIX. AN.
XXXX. IVL. IVLIANVS
ET. BASSVS. PATRI
PISSIMO
ET. IVL. VALERIANVS
FRATER. MORTEM
EIVS. EXSECVTVS

F. C

De Publio Aelio e Tribu Sergia magno, qui Murfae
natus in inferiore Pannonia , mentio fit in mar-
more Gruteriano Consulibus APRONINO ET
BRADVA id est A. V. C. 944. Christi 191.
Commodi Imp. 16. & 12. quamvis male inscri-
ptum

ptum APRONINO pro APRONIANO ; uti xvi. 9.

ex alio marmore constat . An circa id temporis , vel paullo post vixerit Julius Bassus decemvir Drobetae , temerarium quidem est divinare : satis autem probabile videtur ob locorum viciniam ejusdem Tribus fuisse , quam memorant Asconius , Frontinus & passim marmora apud Gruterum , & Reinesium . Drobeta sub Duce Daciae Ripensis in notitia Imperii , in qua sic habetur : *auxilium primorum Dacicorum Drobetae* . In Tabula Peutingeri post Aegetam in Moesia DRV BETIS posita . Augustus saevissimos latrones *dispositis per opportuna loca stationibus inhibuit* , viasque etiam construi curavit .

Svet. 32.

Strabo *προέθηκε γὰρ ὁ Σέβας· Καῖσαρ τῇ κατὰλύσει τῶν ληστῶν τὴν κατὰσκευὴν τῶν ὁδῶν nam Augustus Caesar latronum excidio viarum structuram adjecit* . Neque a veritate abhorret , Trajanum , cum ut viatorum , naviumque securitati , & commoditati prospiceret ; tum etiam ut latrones eliminaret , locis tutioribus hominum frequentia redditis , viam in viva rupe excisam aperuisse prope Danubium *montium difficultatibus sublati* , ut indicat marmor nuper detectum in Orsavia

iv. p. 141.

IMP. CAESAR. DIVI. NERVAE. F

NERVA. TRAIANVS. AVG. GERM

E

PONT.

PONT. MAXIMVS. TRIB. POTEST
PATER. PATRIAE. COS. P. P
MONTI D BV
S ATI

Verum quum Inscriptionem attentius postea per-
legerim , rationem aliam excogitare coepi , qua
ductum Trajanum viam hanc fecisse suspicor .
Quum enim Trajanus ad Sarmigethusam Daciae
metropolim ac Deceballi sedem castra movere de-
crevisset , excisis ac disruptis montibus iter sibi
patefecit , ac per praerupta saxa ad Regiam usque
penetravit , ut a Dione traditum ἐς αὐτὰ ἐπ' ἀκρὰ ἐπε-

LXVIII 773.

χέρησεν , λόφος ἐκ λόφων μετὰ κινδύνων καὶ λαμβάνων καὶ τοῖς τῶν
Δάκων βασιλείοις ἐπέλασε *contendit ad editiora montium lo-*
ca , indeque aliis atque aliis occupatis collibus non
sine periculo ad Regiam Dacorum pervenit . Ubi ca-

p. 774.

stris deinde relictis , ac regione cetera praesidiis
munita Italiam regressus est . E quo viae benefi-
cio tot publica commoda , ac utilitates opportu-
nae , multiplicesque derivarunt , de quibus supra
diximus . Hanc viam Dionis vestigiis insistentes
primo bello Dacico constitutam opinamur , id est
A. V. C. 854. Christi 101. quo tempore prius bel-
lum Dacicum fuit a Trajano susceptum , ut cla-
rissimi viri Casaubonus , & Fabretus existima-
runt: sic ut facile possimus adjicere TR. P. III.
IMP.

IMP. II. COS. IIII. quod in nostro marmore praetermissum . Sed haec ὁδὸς παύρεγον . Stationarii igitur milites positi erant in limitibus , unde hostium incursus timebatur . Qui primi id instituerunt , Aegyptios sub Psammeticho fuisse Herodotus ait . Rex ille prudentissimus φυλακὰς *praesidia* II. p. 30. ed. Amst. in urbe Elephantina adversus Aethiopas collocanda curavit , ad Daphnas Pelusias adversus Arabes , & Assyrios , & in Marea adversus Africanos . Quae etiam viguisse , quum Persae Aegyptum subegerunt , idem Herodotus testis αὐτόπτης narrat . Sub Romanis praesidia in Syene posita , quae Aethiopiam ab Aegypto disternat , ut tradit Aelius Aristides , ubi φρεσέχας *praesidii praefecti* meminit . Quoniam vero stationariis , vel Orat. Aegypt. p. 344. edit. Oxon. praesidiariis militibus claustra , & Imperii fines concrediti : idcirco Romani Imperatores prudenti sane consilio eos Romana Civitate donabant , ut ἐν τιμῇς αὐτὰς μέρει λήψεσθαι τὴν μετοσίαν τῆς πολιτείας *honoris* Arist. Orat. in Rom. p. 382. *ergo in civitatis communionem admitti se se intelligerent* . Id prius indicaverat Tacitus ubi sermonem habet de militari Ponticorum cohorte , Trapezunte in extrema Ponti ora ad loci praesidium relicta *qui donati Civitate Romana* . Veteranis in Hist. III. 47. p. 251. ed. T. Bat. Pannoniam deductis Vespasianus

IPSIS. LIB

DCCIII. I.

E 2

ERIS.

ERIS. POSTERISQUE EORVM
CIVITATEM DEDIT

2. cujus exemplum fecutus deinde Hadrianus Imperator . Quin etiam , ut ea , quae tuebantur loca , libentius ac fidelius custodirent , primus Ale-

Lamprid. 58. xander Severus donavit , dicens : *attentius eos militaturos , si etiam sua rura defenderent* . Ante Ale-

Pompon. L. xandrum vero agri ex hostibus capti saepe publicabantur . In Zerni militum stationem , qui si captivi π. de captiv. & postl. reversi. locum munitum propugnabant , locatam fuisse

liquet ex marmore aevo Antonini Pii in nostris Thermis posito a Valerio M. Felice .

EXPR. IV. STATIONIS

TSIERNEN

Quae , ut moris erat , ex equestri , & peditata Or. de sch. in- militia constabat teste Eumenio Rhetore *nam quid* flaur. p. 280. *ego Alarum , & Cohortium Castra percenseam toto* ed. H. S. *Rheni & Istri & Euphratis limite restituta ? Theo-*

dosii insuper ætate Tribunus Legionis XIII. Zerni morabatur , ut habet notitia Imperii his verbis praefecturae Legionis decimae tertiae Zernis .

Quem utilissimum Codicem ex tua Britannia , VIR EXCELLENTISSIME , delatum primus in lucem protulit Vir Clarissimus Sigismundus Gelenius.

Neque heic praetermittere existimavi nobilissimas

mas illas Daciae Thermas, quarum meminit Pto-
laemeus Alexandrinus (floruit enim Trajani, &
T. Aelii Antonini aetate) easque *ῥατα* AQUAS
nuncupavit ac post Sarmigethufam statuit: quam-
vis situm, & distantiam clarius exprimat Tabu-
la Peutingeriana a Clarissimo M. Velfero typis
edita, ac nuper delata in ornatissimam & locu-
pletam CAROLI VI. SEMPER AUGUSTI Bi-
bliothecam, qua locus ille Aquarum describitur
XIV. millibus distans a Sarmigethusa ad Orien-
tem versus: quae nunc Warhelius nominatur,
argumento petito ex ruderibus ac Inscriptionibus
ibidem effossis, quae ad urbem illam veterem,
& Daciae metropolim spectant, nomenque ejus
praefecerunt. Sed, quod mirum, hae aquae, qua-
rum meminit Tabula Peutingeriana, & Ptolae-
meus, sine speciali regionis nomine adpellantur,
ut haud facile recentiores scriptores divinarint,
quo in Daciae loco erant positae, vel incerti ali-
bi collocarint. Romani quamvis salubrium aqua-
rum loca plerumque AD AQUAS dixerint, re-
gionis tamen locum adjecerunt, ut ab aliis pos-
sint discerni. Itaque Antonini Itinerario *Aquae*
Tarbellicae a Tarbellis in Aquitania recensentur.
Aquae Bilbilitanae in Hispania a Bilbili denomi-
natae, salubres ob ferri metalla, quibus locus
ille

Liv. xli. 16. ille affluebat . Antonino item *Aquae Celeniae* in
 eadem Hispania . *Aquae Cumanae* , ad quas pro-
 fectus Cn. Cornelius Consul . *Aquae Cutiliae* opti-
 mae stomacho , nervis , & universo corpori , ubi
 Plin. xxxi. 2. Vespasianus , quum eas saepe frequentaret , mor-
 tem obiit . Quandoque aquae a Coloniae condi-
 tore cognomentum accepere , uti *Aquae Sextiae* ;
 Lxi. de quibus in Epitoma Livii c. *Sextius Proconsul*
viſta Salviorum gente , Coloniam condidit , ab Aqua-
rum copia , & calidis & frigidis fontibus , atque a
nomine suo ita adpellatam. Hasce Aquas in antiquis
 monumentis celebratas deprehendimus , uti in
 Dxlvi. 6. nummo Vespasiani COL. AQUAE SEXTIAE
 Ccccxv. 2. LEG XXV. Et in lapidibus AQUIS SEXTIIS ,
 Ccccxiii. 4. vel AQUIS JULIS , aut COL. JULIH AUG.
 AQUIS SEXTIIS .

Ad hunc Daciae locum AD AQUAS dictum
 referri videntur antiquae duae Inscriptiones CO-
 LONIAE AQUENSIUM , quarum una effossa
 extra Clausemburgum Trajani temporibus Colo-
 niam Napocensem adpellatam , ut adserunt non-
 Ulpian. L. i. nulli
 π. de Cens.

xxiii. 10. I. O. M
 V. VL. COR
 PRO. SALVTE. SVA. ET SVORVM
 JUL. AVR. DECORAT. DEC. COL
 AQ.

AQ. FLA. JUL. AEDIL. ET
M. AVR. FILIORVM. S. DEC
COL. AQ QVES
V. S. L. M.
PERPETUO. ET. CORIOLANO
COS.

VIII. IDVS IVNIAS

ubi AQ. QVES legendum AQVENS, & COR-
NELIANO pro CORIOLANO. Lapis positus
A. V. C. 990. Christi 237. Balbino, & Pupieno
Imperantibus, Coss. vero L. Ovinio Corneliano,
& P. Titio Perpetuo.

Altera vero Albae Juliae eruta, quae nunc
Weissenburg vocitatur

DEO. SOL
HIEROBO. L
AUR. BAS
SINVS. DEC
COL. AEQVENS
SACERDOS. NV
MINVM. V. S. L. M

XXXIII. 3.

Quum igitur in Dacia Trajani marmorea isthaec
monumenta fuerit reperta, colligere vel facile
possumus, ea non spectare, ut Reinesius, &
Cellarius opinantur, ad AQUAS in Moesia in-
ter Aegetam, & Dorticum positas Antonini Iti-
nera-

nerario, quarum meminit Justinianus Novella XI.
in Aquis quae est provinciae Daciae Ripensis; Ve-
 rum potius AD AQUAS in Dacia Trajani per-
 tinere arbitramur, quemadmodum etiam subo-
 doratus est emunctae naris V. C., & Criticorum

In Vet. Rom.
 Itinerariis p.
 219. & 269.
 Amst. an. 1735.

princeps Petrus Wesselingius. Neque heic alia est
 omittenda Inscriptio, in qua Colonia Aquensium
 etiam recensetur

XII. 8.

I. O. M
 PRO. SALUTE
 CL. POMPEJUS
 FAUSTUS. DEC
 COL. AQ

Sed nunc tempus est, ut reliquas Inscriptiones no-
 stris in Thermis repertas explicemus. Legio XIII.
 Gemina ab Trajani temporibus in Dacia erat po-
 sita. Hinc in nostris Thermis mentio T. Aurelii
 Geminiani Veterani Legionis XIII. geminae in
 base Herculis signi.

HERCVLI INVICTO. T. AV. GEMIN
 IANVS VET. LEGIONIS XIII. GEM
 ANTONINIANAE. EX VOTO. POSVIT

Occurrit etiam legenti Gruterum id cognominis
 praefertim

DELVII. 53

M. CASSI. M. F.
 GEMINIANI

Non

Non procul a Thermis nuper effossus lapis alter ,
quo eadem Legio memoratur

DIIS MAGNIS
ET. BONIS. AESCV
LAPIO. ET. HYGIAE
MARC. AVR. VETE
RANVS. PRAF. LEG
XIII.G.ANTONINIAN
V. L. M. S

Praefectus Legionis heic idem est , ac Marcel-
lo Jurisconsulto *Tribunus Legionis* , ille scilicet , L. 25. π. de
testam. milit.
qui ad aerarium , aut in commentarium principis
delatus erat , ut clarius explicat Modestinus . L. 32. π. ex
quibus causis :
Vegetio vero Tribunus major vocitatus Tribu- II. 7. p. 35.
ed. P.S.
nus major per epistolam sacram Imperatoris iudicio
destinatur . Minor Tribunus provenit ex labore .
Ac alibi Praefectus Legionis , qui absente legato , 9. p. 28.
tanquam vicarius potestatem maximam retinebat .
Hosce Tribunos ita distinxit aevo Alexandri Se- L. 2. π. de his
qui not. in-
fam.
veri Ulpianus Tribunus , nempe , sive cohortis ,
sive legionis . In lapidibus autem non Tribunus
major , aut legionis , sed Praepositus , vel Prae- CLXIV. 4.
fectus legionis denominatur , in altero praefer- CCCLXXXVII. 8.
tim marmore Dacico , ubi de C. Rutilio Coclite CCCC LXV. 2.
PRAEF. LEG XIII. G. Sub Imperatoribus By-
zantinis insignis praefecti legionis titulus adhuc

CCCCXLVII. I. vigebat , namque L. Voconio Viro Consulari , ac urbi praefecto sub Valente tributum fuisse e marmore Gruteriano edocemur . Quod in caussa fuit , cur Vegetius , qui sub Valentiniano II. flo- ruit , tam dilucide praeclarum munus illud mili- tare exposuerit , nam , ut patet , saepe *sui* , & *superioris aevi instituta aut mores miscet , aut con- fundit* . Sed in viam redeamus . De L. Aurelio milite ejusdem legionis lapis inventus Albae Ju- liae haec habet .

Lipf. de milit.
Rom. lib. I.
Dial. II.

DXXVIII 8.

L. AVRELIVS. INGENVVS
MILES. LEG. XIII. GEM
ANTONINIANAЕ

LV. p. 564.

Legionem XIII. Geminam Trajanus in Dacia locavit , cujus meminit Dio τό τε τρίτον καὶ δέκατον (στρατόπεδον) τὸ ἐν Δακίᾳ , τὸ Δίδυμον *decimatertia* (Legio) *Gemina in Dacia* , ita dicta secundum ordinem delectuum , uti Dio itidem prodidit , ubi de X.

I. de Bell. Gall.

XXXVIII. p 90.

Legione Caesaris *cui indulserat praecipue , & pro- pter virtutem confiderat maxime* . ἔγω δὲ δὴ τὰ πολιτικὰ στρατόπεδα πρὸς πλὴν τῶν καταλόγων τάξιν ὀνομάζετο . ὅθεν πρὸς καὶ νῦν ὁμοίως τὰ νῦν ὄντα πρὸς ὁπικλήσεις ἔχει : *sic enim secundum or- dinem delectuum Romanae Legiones nominabantur , bodieque eadem ratione cognomenta sua sortiuntur* . Historiam Dio scripsit sub Alexandro Severo . Geminae vero dicebantur , quum dissipatis aliis

Le-

Legionibus in caeteras admiscebantur αφ' επρ ηγ' LV. p. 564.

Δίδυμα ὀνομασμένα νερόμισα ex quo geminas appellationem trahere putatur, ut explicat idem Historicus.

Antoniniana deinde, ut opinor, adpellata ob virtutem in Dacia sub Antonini Pii Imperio.

Hinc in lapide Albae Juliae reperto

PRO SALVTE. IMPERII
ROMANI. ET VIRTUTE
LEG. XIII. G. SVB M. STATIO
PRISCO.

II. II.

Marcus Statius Priscus Legatus Augusti, Propraetor Daciae fuit sub T. Aelio Antonino, ut testificatur Inscriptio in Transilvania, quae pars erat antiquae Daciae, uti praediximus.

DIANAE

XL. 13.

AVG

PRO SALUTE IMP
CAES

TITI AEL HADRIANI
ANTONINI AVG. PII

P

P

M STATIVS PRISCVS
LEG. AVG. PR. PR

V. S. L. M

Sic etiam

ALA AVGVSTA APPELLATA OB
F 2 VIR-

Apud Grut.
MVII. 3.

VIRTVTEM IN BRITTANIA.

Et

MVI. 8.

ALA AVG. GORDIA. OB VIRTVTEM
APPELLATA IN BRITTANIA.

Ante id temporis Legionem XIII. Geminam tantum dictam arguit marmor sub Vespasiano positum, in quo de Lucio Lepido Proculo sermo habetur.

MCXCVI. 4.

PRIM. LEG XIII. GEMIN
DONIS DONATO AB
IMP. VESPASIANO AVG
BELLO IVDAICO

DXIII. 2.

3.

Columella Capitolina, in qua inscripta NOMINA LEGIONVM, habet XIII. GEM. uti & altera apud Maffaeos persimilis columna. Alia item inscriptio, quam divulgavit Antiquitatibus illustrandis natus Gisbertus Cuperus, quae Calpurnium Proculum *Tribunum in Dacia Legionis XIII. Geminæ* memorat.

Not. in La-
tan. de Mort.
perfec. p. 210.
ed. Ultr.

KEIAIAPXON

EN ΔΑΚΙΑ ΑΗΓΙΩΝΟΣ

ΙΓ. ΓΕΜΙΝΗΣ

Qui dein sub M. Aurelio, & Lucio Vero Legatus, ac Proprætor fuit Daciae, ut inscriptus lapis Albae Juliae exponit

LXXIII. 10.

FORTVNAE. AVG

SAC

SAC

P. CALPVRNIVS PROCVLVS

LEG AVGG

PR. PR

Qua vero tempestate , quave occasione id cognomenti adepta fuerit , haud facile cognosci licet . Verisimile fane videtur , tum temporis evenisse , quum *Germanos & Dacos* T. Antoninus contudit per *Praesides & Legatos* , de quo Capitolinus : nam in Dione , e quo plura exci- c. 5.
pere possemus , desiderantur gesta T. Antonini ,

ut Xiphilinus monuit τὸ πρὸς τὸν Ἀντωνίνου ἔργοις ἐν τοῖς LXX. p. 798.

ἀνθυπαφῶν τῶν Δίωνος ἔχει ἐπισημασθῆναι ἅττα Antonini Pii non inveniuntur in exemplaribus Dionis . Sub idem tem-

pus praeter *Antoniana* cognomentum , alia quoque fortitam fuisse legionem XIII. Geminam , *Piae* nempe & *Fidelis* , conjicimus e lapide Romano ,

Prisco Licinio posito LEG. AVG. PROV. DA- cccēxciii. i.

CIAE LEG. LEG. XIII. G. P. F. namque non ad alium Augustum pertinere videtur , quam ad

T. Antoninum , sub quo P. Licinius Legati , vel Praefidis Daciae munus exercebat , quum *Legatus*

sub nomine *Praefidis* contineatur . Idque cla- L. I. π. de Of-
rescit diligenter , accurateque marmor inspicien- fic. Praef.

ti : in eo quidem recenset Q. Cassius Domitius Palumbus , ordine licet praeposito , dignitates ,

qui-

quibus perfunctus Priscus Licinius , initio facto ab illis , quas , dum mortem obiit , possidebat sub AVGG. scilicet sub Aurelio , & Lucio Vero , ceterasque postea enumerat , quas ab AVG. acceperat , quo T. Aelius Antoninus designari videtur , ac demum a Divo Hadriano vexillo militari donatus in expeditione Judaica . Cognomenta isthaec *Piae & Fidelis* Legionem XIII. Geminam conservasse itidem sub Commodo ex Albae Juliae marmore liquet .

LVI. 7.

VICTORIAE

CCXII. 3.

ANTONINI AVGVSTI
L. ANNIVS. ITALICVS
HONORATVS LEG
AVG. LEG XIII. G
ANTONINIANAE
PRAEFFECTVS AERARII
MILITARIS SODALIS
HADRIANALIS. CVM
GLAVDIA TORQVATA
SVA. ET ANNIIS ITALICO
ET HONORATO. ET
ITALICA. FILIIS

Alius fuit ab Lucio Annio Fabiano cui

LEG. AVG

CCCLIV. 5.

PRO. PR. PROVINC. DAC
COL.

COL. VLP. TRAIANA ZARMAT

marmor posuit. Consulatum gessit cum M. No-
 nio Muciano, ut Chronicon Alexandrinum, & ^{xxxii. 6.}
 marmora testantur A. V. C. 954. Christi 201. ^{ccc. 6.}
 Severi 9. Caracallae Imp. 4. sed e diverticulo ^{cccxiii. 6.}
 in viam. Antoninus Pius quandoque Antoni-
 nus *ἀπλῶς* dictus, uti ab Junio Mauritiano ad- ^{L. 57. π. de}
 pellatus. *Divus Hadrianus in Plotinae, & pro- ^{Leg. ii.}
xime Imperator Antoninus in Faustinae Augustae
persona constituit. Quod Antonino Pio conveni-
 re exploratum est. Alibi etiam *Imperatorem* ^{L. 23. π. de}
Antoninum vocat, & in marmore Clausenburgi ^{usu, & usus.}
 Transilvaniae*

I. O. M

xi. 3.

TRAIANO
 PRO. SALVTE. IMP
 ANTONINI
 ET
 M. AVRELI CAES
 MILITES CONSISTENTES
 MVNICIPII
 POSVERVNT
 SĪ

Non negarim tamen in Pandectis Antonini no-
 men etiam Marco, ac Caracallae tribui ab Ju-
 risconsultis, qui sub iisdem Principibus, aut iis
 proxi-

proxime defunctis vixerunt , vix autem a posterioribus. Ad Antonini victoriam spectare videtur nummus Senatusconsulto in honorem **T.** Antonini Romae percussus apud **C. V. Comitem Mediobarbum** , in quo mulier stans , dextra galerum inversum , sinistra labarum tenet , cum epigraphe **DACIA** . In altera autem parte legitur **AE. ANTONINVS AVG. PIVS P. P. COS. II. S. C.** id est **A. V. C. 892.** Christi 139.

2. Antonini Pii Imper. 2. Statua item erecta Antonino Pio a Clodio Sexto praefecto militum Dacorum Iassiorum , ut in marmore patet vico proximo Ulpiae Trajanae

cēlix. 8.

EX VOTO XXX

MAGNO ET INVICTO IMP. CAES
T. AELIO HADRIANO ANTONINO
PIO AVG. PONT. MAX. TRIB. POT
XVI. COS. III. PP. PRO SALVTE. ET
FELICI PONT. MAX ET ANNIAE
FAVSTINAE AVG. CONIVGI. C. CLOD
VI PRAEF M. DACORVM. IASSIOR
HANC STATVAM. IN AVRARIA
NVMINIBVS MAIEST. EORVM

MCXXXII. 3.

Sextus cognomenti loco positus , ut in marmore apud Gruterum

M. CORNELIVS SEXTVS

Mar-

Marquardus Gudius de antiquitatibus cum Graecis, tum Romanis meritis COS. IV. pro III. ponendum putat, quem Antoninus iniit A.V.C. 898. Christi 145. Antonini Pii Imp. 8. sed tunc Faustina demortua, ut ait Capitolinus *tertio anno imperii sui Faustina uxorem perdidit*. Ideoque frustraneum fuit vota pro ejus salute solvi. At major difficultas nascitur ex anno TRB. POT. XVI. qui respondet A. V. C. 906. Christi 153. Quod non vidit Gudius, vidit tamen Massonius. Dicendum igitur Inscriptionem vel male fuisse exscriptam, aut marmor depravatum, quae libenter eruditissimis viris relinquimus, nam longe ab instituto nostro aberrare non licet.

Magnus Scaliger *ad* IN AVRARIA emendat INAVRARI FE. Sed male, nam Inscriptio indicat statuam Antonino, & Faustinae positam fuisse ad aurifodinas, quas ab Trajani temporibus in Dacia viguisse constat ex alia Inscriptione Schlathniae in Transilvania de Hermia Trajani liberto Aurifodinarum Dacicarum procuratore

D. M

DXIV. 7.

M. VLPIO. AVG. LIB

HERMIAE

PROC. AVRARIARVM

Hinc collegium *Aurariarum* in marmore Zalaknae

G

I. O.

cxiv. 6.

I. O. M

PRO SALVTE IMPERATORIS
COLLEG. AVRARIARVM
L. CALPVARNIVS

D. D

Constit. vi.

C. igitur Clodius Sextus praeerat militibus Dacis Jassiiis, qui metallarios adservabant, ne aufugerent, ut clarescit testimonio Clementis sanctissimi Pontificis Romani, ubi Christianos hortatur, ut eorum, qui propter nomen Christi ab Infidelibus affliguntur, si ad ludum, aut ad bestias, ἢ μέταλλον *aut ad metalla* damnati sint, curam gerant, καὶ εἰς μισθοποδοσίαν τῶν στρατιωτῶν, *ac milites donis cumulent*, ut ab eis alleventur, & curentur. Quin fratribus ἐν μέταλλοις *in metallis* datis pecuniam ac vestem conferre Ecclesiae Romanae in laudabili more semper positum fuisse fatetur

ap. Euseb. E. Dionysius Corinthiorum Episcopus in epistola ad
H. iv. 23. Soterem Papam. Lazius tamen vir doctissimus

in Com. Reip. ac de Antiquitate benemeritus Legionem XIII.
Rom. p. 624. Geminam non ab Antonino Pio, sed a Marco
& 678. Aurelio *Antonianam* denominatam arbitratus est.

Verum ex marmore in Vico Ostrohienfi Ulpiae reperto satis superque refelli potest

C. RVTILIO. C. F. COCLITI
VIRO. GYMNASIARCHAE

LEG.

LEG. IMP. CAES. M. AVR. ANTONINI CCCELXV. 2.
 AVG. PROPR. DACIAE HONORVM
 OMNIVM. CANDIDATO. PRAEF. LEG.
 XIII. G. DONATO. SACRA. CORONA
 MVRALI. OB. REM. FORTITER GESTAM
 IN EXPEDITIONE. DACICA. S. P. Q.
 VLP. TRAIA. SARM. PATRONO
 DE. REP. B. M. P.

Cur enim C. Rutilius dicatur praefectus Legio-
 nis XIII. Geminae tantum, sine accessione *An-*
toniniana, non video, quum sub M. Aurelio in
 expeditione adversus Dacos militaverit. Cui con-
 gruit, quod ob ipsius virtutem in eo bello mu-
 rali corona fuerit donatus. Si enim Legio XIII.
 Gemina a Marco Aurelio denominata fuisset, cur
 id cognomenti omissum in publico monumento a
 Senatu Populoque Sarmigethusae Rutilio posito,
 qui adhuc vivebat, ac munus gravissimum Le-
 gati Augusti, & Proprætoris Daciae gerebat?
 Dacos M. Antoninus vicit anno Christi 168., ut
 habet Eusebius. Ad Marcum Aurelium potius

spectare videtur Legio VII. dicta ANTONI- CCLX. 14.

NIANA P. FELIX uti ex inscriptione apud Capit. in An-
tonin. 9.

Gruterum, in qua Germanicus, & Parthicus
 denominatur. Neque cognominem a se Legio-
 nem XIII. Geminam Antoninianam fecisse vide-

tur Bassianus Antoninus Severi filius ; nam Antoniniana denominata fuisset in marmoribus in Dacia ei positis , dum adhuc vitam degebat : quod aliter evenisse marmor Albae Juliae ostendit

VI. 6.

I. O. M. ET
IVNONI. REGIN
PRO. SAL. IMP. M. AVR.
ANTONINI. PII. AVG. ET
IVLIAE. AVG. MATRIS. AVG
M. VLPIVS. MUCIANVS
MILES. LEG. XIII. GEM
HOROLOGIAR. TEMPLVM
A. SOLO. DE. SVO. EX VOTO
FECIT
FALCONE. ET. CLARO.
COSS

XXXII. 10.

XXXIX. 3.

Consules , qui Scaligero crucem fixerunt , sunt suffecti , non ordinarii , ut animadvertit CL. Reine-
sius . Bassianus Antoninus saepe in Inscriptionibus
Gruterianis M. AVRELIVS ANTONINVS ad-
pellatus , uti etiam in nummo ΚΝΙΔΙΩΝ *Cnidiorum*

M. ΑΤΡ. ΑΝΤΩΝΕΙΝΟΣ , ΦΟΥΛ. ΠΛΑΥΤΙΑΔΑ *Marcus Aure-*

Dio LXXVI.
p. 857.

lius Antoninus , Fulvia Plautilla ejus uxor Plau-
tiani praefecti Praetorio filia . Ab Antonino Cara-
calla Legionem VIII. ANTONINIANAE AV-
GV-

GVSTAE cognomentum obtinuisse evincit marmor, ubi mentio fit de M. Aurelio CL. Pom. CVIII. 1. pejano

MIL. LEG. VIII.
ANTONINIANAE
AVG

ut ex Era patet

IMP. D. N
ANTONINO III. ET
BALBINO II. COS.

A. V. C. 966. Christi 213. Carac. Imp. 16. Sic Legio XXII. cognominata ANTONINIANA ab Antonino Helagabalo

DEAE EPONAE. M. OPILIVS RESTIO LXXXVII. 4.
MILES LEG. XXII. ANTONINIANAE P. P. F.
IMMVNIS. COS. CVRA. SALENS. VICO
SALODOR. DD. XXII. KAL. SEPTEMBR
D. N. ANTONINO AVG. II. ET SACER
DOTE. II. COS. V. S. L. M.

Era expressa in Tabula lapidea Romae reperta in qua habetur

IMP. ANTONINO II. ET. SACERDOTE II. ccc.
COS.

P. R. C. ANN. DCCCCLXXII.

id est *post Romam conditam* ann. 972. qui respondet anno Christi 210. Helagabali Imp. 2.

Legio-

EV. P. 564.

Legionem V. Macedonicam in Dacia stativa
etiam habuisse auctor est Dio πέμπτον (πρωτόπεδον) Μα-
κεδονικὴν ἐν Δακίᾳ *quinta* (legio) *Macedonica in Da-*
cia : inter veteres numerata , nomine a Provin-
cia accepto , ex qua ab Augusto in Germaniam
inferiorem traductam Trajanus in Dacia locavit .
Quod adstruit marmor in Thermis Herculanis ,
quo Calpurnii Juliani viri Consularis Legati Le-
gionis quintae Macedonicae mentio fit perhono-
rifica

LEG. LEG. V. MAC

Monumentum quidem Antiquitatis praeclarum ,
nam in corpore Inscriptionum , quas collegit Ja-
nus Gruterus , quamvis Legio Macedonica fre-
quenter memorata in marmoribus , raro tamen
mentio ipsius facta in iis , quae in Dacia detecta
sunt , nam duas tantum Albae Juliae Inscriptio-
nes effossas offendimus , unam ubi de C. Julio
Frontoniano veterano LEG. V. MAC. Alteram
de Q. Cornelio Silvanio LEG. V. M. Binas ve-
ro reperimus , quae Legionem illam in Moe-
sia consistentem designant . Prima Tarracone ,
qua M. Valerius Propinquus Grattius nomina-
tus

V. 4.

IXVII. 9.

CCCLXXXI. 1.

TRIB. LEG. V. MAC
IN MOESIA

In al-

In altera autem Firmi in Piceno Lucius Volcatius recensetur

TRIBVNVS MILITVM LEG V
MACEDONICAE. IN
MOESIA

ccccxc. 2.

Sed haec ad Aureliani tempora , vel post amandanda , qui *Provinciam Daciam* , a Trajano constitutam , reliquit . Plenius haec profequitur Rufus Festus in Breviario : *Trajanus Dacos sub Rege Decebalo vicit , & Daciam trans Danubium in solo Barbariae provinciam fecit , quae in circuitu habuit decies centena millia . Sub Gallieno Imperatore amissa est , & per Aurelianum translatis exinde Romanis , duae Daciae in regionibus Moesiae ac Dardaniae factae sunt . Lactantius Daciam novam appellat , in eam deductis Legionibus XIII. Gemina , & V. Macedonica , quae postrema , nam de altera supra sermonem fecimus , per varias praefecturas in Moesia fuit distributa , ut in notitia Imperii , sub dispositione Ducis Daciae Ripensis , cuius dignitatis meminit Valentinianus in Leg. XIII. Cod. Theod. de operibus Publicis .*

Vop. in Au.
rel. 39.

Sub Imperatore Philippo Seniore legionem V. & XIII. adhuc in Dacia Trajani hyberna egisse nummi sub ipso cusi satis ostendunt apud Vailantium Antiquariorum vel facile principem . In

uno enim , ut ceteros praeteream , mulier visitur utraque manu duo



figna militaria tenens notis V. & XIII. insignita , cum epigraphe PROVINCIA DACIA . Sed in alio ejusdem Imperatoris nummo , qui non ad Daciam , sed ad Heliopolim pertinet , figurae duae sunt viriles cum vexillis duobus , & clypeis itidem , quibus innituntur , inscripto COL. HEL. LEG. V. MACED. VIII. AVG. *Colonia Heliopolis Legionum quintae Macedonicae , octavae Augustae*



Num-

Nummus in Heliopoli Phoeniciae Julii Colonia ,
 non vero Aegypti , ut quidam falso opinati sunt ,
 percussus , quae postea a *Divo Severo Italicae Co-* Ulp. L. I. π.
de Censib.
loniae Rempublicam accepit . In eam transmissi ab
 Augusto Veterani ad Coloniae supplementum eo-
 dem tempore , quo Berytum quintae Macedoni-
 cae , & octavae legionum milites traducti fue-
 runt . Hinc in nummo Augusti COL. BER. V.
 VIII. *Colonia Berytus , quinta , octava* , subaudi-
 tur *Legio*



Duae Aquilae Legionariae , quae ibidem visun-
 tur , Veteranos duarum Legionum in Berytum
 Coloniam deductos denotant . Nomina Legionum
 Strabo omisit , quum de Beryto mentionem fa- xvii. p.755.
 cit *δεδοξαμένη δύο τάγματα ἃ ἱδρυσεν Ἀγρίππας ἐν αὐτῇ duabus*
Legionibus ibi ab Agrippa collocatis anno tertio
 Olymp. CXCI. V. C. 740. juxta Eusebium ,
 M. Crasso , & Cn. Cornelio Lentulo Coss. uti in
 marmore Ancyrano : earum nomina nummus

H

Au-

Augusti exhibet , Philippi vero senioris numisma veteranos illos Legionum V. Macedonicae , & VIII. Augustae partim etiam in Heliopolim urbem ejusdem Provinciae Phoeniciae deductos fuisse manifesto demonstrat . Haec ampliore Commentario illustravit V. C. Vaillantius .

Praeter Legionem decimam tertiam geminam , & quintam Macedonicam , de quibus sermonem habuimus , occurrit pariter LEG. G. V. M. *Legio gemina victrix Minervia* in laterculis Thermarum inscripta , quam in Dacia hyemasse verisimile videtur , ex quo ei praefuit Hadrianus , etenim *secunda expeditione Dacica Trajanus eum primae Legioni Minerviae praeposuit , secumque duxit .* Quod adstruit item marmor priscum , ubi de Ti. Claudio Vitali BELLO DACICO SVCCESION. PROMOT. EX LEG. PRIMA MINERVIA .

DLXVI. 6. In lapidibus vero apud Gruterum (nam *πεδοχῆρα* amplius non sunt ex selecta & copiosa Bibliotheca C. V. comitis Pertusati , Reinesius , & Sponius) nusquam *gemma* , aut *victrix* , uti in nostro laterculo legitur , sed LEG. MINERVIA vel LEG. I. MINERV. Nec mirum , siquidem & *legiones ex usu temporis huc illuc mearent , gliscerent numero , & aliquando minuerentur .* Hanc Tac. An. IV. 5. Legionem Domitianus in inferiore Germania instituit ,

stituit, ut a Dione traditum Δομιτιανὸς τὸ πρῶτον (σεα-
 τόπεδον) τὸ Ἀθηναῖον τὸ ἐν Γερμανίᾳ τῇ κάτω. In altero autem ^{LV. p. 564.}
 laterculo etiam inscripta LEG. XIII. G. A. id est,
Legio decimatertia gemina Attilii. Lazius de An-
 tiquitatibus Romanis benemeritus ad Attilium ^{Com. R. R.}
 Histrium, qui Pannoniae praefuit sub Claudio, ^{v. 20.}
 eam Legionem referendam putavit. Auxiliares
 etiam copias in Dacia stativa habuisse comper-
 tum est ex Inscriptione in alio laterculo, qui
 Thermarum pavimentum exornat, in quo sic
 habetur:

VEXILLATIO DACIARVM

Quam expendere ac illustrare infructuosum non
 est, ut allucinationem detegamus clarissimi Viri
 Hadriani Turnebi, qui *vexillationem* intelligi tan- ^{Advers. III.}
 tummodo existimavit de veteranis sub vexillo re- ^{3. & v. 2.}
 tentis, donec praemia, agros acciperent: quo
 magis etiam indicare pro virili possimus ope alio-
 rum marmorum, quibus ex gentibus auxilia ist-
 haec in Dacia constarent. Vexillationes idem
 sunt ac vexilla, etenim quam Svetonius *Ger-*
manicorum vexillationem, Tacitus *Germanica ve-* ^{In Galb. 20.}
xilla nominat. Vexilla sunt vexillarii milites: ^{Hist. I. 30.}
 hinc *vexilla delectorum ex Illyrico, & Aegypto* ^{Ann. xv. 26.}
 apud Tacitum, vel ubi de *Germanorum vexillis* ^{Hist. I. 70.}
 mentionem habet, aut de *vexillis inferioris Ger-* ^{I. 53.}

maniae . Ex quo evidens est vexillorum appellatione semper de auxiliaribus copiis intelligi: quo nomine tam pedites, quam equites comprehensi, nam *vexillares cohortes*, quae *legionariis cohortibus* opponuntur, auxiliae sunt, uti & *vexillarii e cohortibus*. Vexilla Livio itidem sunt auxilia: *undecim vexilla socium nominis Latini*. Clarius in lapidibus PRAEF. AVXILIORVM Vespasiani, & Titi ejus filii tempestate, vel DVX AVXILIORVM sub Septimio Severo, & Caracalla, PRAEPOSITVS VEXILLATIONIBVS sub idem tempus dicitur: unde de auxiliis explicandum marmor M. Aurelii aevo, qui PARTHICVS dictus in nummis, positum Lucio Neratio Volcatio Proculo

ccccxli. 4.

MISSO. AB. IMP.
ANTONINO. AVG. PIO. AD
DEDVCENDAS

VEXILLATIONES. IN SYRIAM
OB BELLVM PARTHICVM

In qua significatione VEXILLATIO DACIARVM usurpata in nostro marmore, ut opinamur, auxiliares nempe copiae, quae in Dacia stativa agebant, quarum aliquot nomina in lapidibus memorantur: COHORS. I. PANNO-
NIORVM IN DACIA vel COHORS AFRO-
RVM

ccccxlviii. 3.

RVM IN DACIA aut EQVITATVS GAL- CCCCIV. 9.
 LORVM IN DACIA. Verum aetate Vegetii, DL. 5.
 qui vixit sub Valentiniano II. cuique opus suum
 nuncupavit, Vexillationes de equitibus auxilia-
 riis tantum dictae: *Equitum alae dicuntur ab eo* II. 1.
quod ad similitudinem alarum ab utraque parte pro-
tegunt acies, quae nunc VEXILLATIONES vo-
cantur, ab eo quod velis, hoc est flammulis utuntur.
Alarii enim equites erant, verum ex sociis con- Tac. IV. Ann.
stabant. Atqui longius ante Valentinianum ve- 73.
xillatio hanc significationem sortita fuerat sub
Imperatoribus Diocletiano, & Maximiano, ut
ex Codice Justiniano satis perspicuum est, ubi
de Veteranis, qui in Legione, vel vexillatione mi- L. 9. C. quan-
litantes: quae deinde Constantii Augusti aevo ma- do prov. non
gis vixit, namque dictum reperitur ibidem, est nec.
universis tam legionibus, quam vexillationibus. AC- L. 2. C. de he-
cedunt huc Vexillationes Palatinae, & Comitaten- red. Dec.
ses, id est, equites sub Theodosio Magno in no-
titia Imperii. Alia tamen est vexillatio legionis,
quae de Veteranis accipienda, qui exauctorati re-
tinebantur sub vexillis, ceterorum immunes, nisi Tac. An. I. 36.
propulsandi hostis. Sic lapidem effossum Vallo Se-
veri in Britannia interpretari oportet.

IMP. CAESARI
 T. AELIO HADRI

CCCLVI. 8.

ANO.

ANO. ANTONINO
 AVG. PIO. P. P
 VEXILLATIO
 LEGI. XX. VAL. VIC. E
 PER. MIL. P. III

LV. p. 364.

Hist. 2. 24.

III. 22.

II. 100.

De Legione XX. *Valeriana victrice* videsis Dionem, quae sua aetate, id est sub Alexandro Severo, id nominis non amplius retinebat in Britannia. Eodem modo apud Tacitum *tertia decimae Legionis vexillum*, aut *vexilla nonae, secundaeque*, & *VICESIMAE Britannicarum Legionum*, vel *Vexillarii trium Britannicarum Legionum*, de Veteranis usurpabantur.

Disquirendum nunc restat, qua tempestate, aut sub quibus Imperatoribus Thermae Herculi sacrae fuerint constructae, quumque aliunde auxilium frustra quaeramus, praestat nonnulla conjectanea deducta ab ipsismet marmoribus, quae in Thermis reperta sunt, in medium proferre, quam rem intactam relinquere. Ubi primum abs Te, VIR EXCELLENTISSIME, certior factus sum prope fluvium Tsiernam Thermas Herculi sacras detectas fuisse, in ea tunc eram sententia, ut facile crederem illas sub Trajano excitatas, quoniam Zernis colonia fuit Trajani: tum quia Trajanus Herculem praecipue colebat, unde

unde *domus Ulpiorum conservator* dictus in veteri
Inscriptione ab ipsius liberto posita

H E R C V L I
CONSERVATORI
DOMVS VLPIORVM
SACRVM

XLV. I.

M. VLPIVS
VERECVNDVS

Animo etiam alia succurrebant, quae magis me
confirmabant, Trajani vota Jovi, & Herculi
soluta ob subactam Daciam, ac regem ejus bel-
lo devictum.

IOVI STATORI
HERCVLI VICTORI
M. VLP. NERVA TRA
IANVS CAESAR
VICTO DECEBALO
DOMITA DACIA
VOTVM SOLVIT

XXIII. 3.

Vota insuper Herculi facta pro salute Trajani,
& Marcianae Sororis Augusti a Colonia Sarmi-
zegetusa Daciae metropoli

DEO HERCVLI
PRO. SALVTE
DIVI TRAIANI
AVGVSTI. ET

XLVI. I.

MAR-

M A R C I A N A E
S O R O R I S A V G
C O L O N I A D A C
S A R M I Z

CCCCXXVII. 1. Colonia Sarmizegetusa dicta COL. VLPIA TRA-
IANA AVG. quae *ejusdem Juris Italici* benefi-
Ulpian. L. 1. cio , ac Zernis gaudebat.
π. de Cens.

Verum inani spe deceptum statim me sensi ,
ubi Inscriptionum exemplar , quae in cellis Ther-
marum extant , mecum , VIR EXCELLEN-
TISSIME , communicasti , in quibus nonnulla
animadverti , quae seculum T. Aelii Antonini Pii
potius respiciunt , quam Trajani , vel Hadriani ,
non desperans , ut quae adhuc latent , & sub ter-
ram ibidem jacent monumenta , in lucem pro-
trahat aetas , e quibus possent clariora documen-
ta nobis manifestari . In primis marmor in Ther-
mis Herculaneis perfossus , ac nomen M. Sedati
Severiani praeseferens , ad Antonini Pii seculum
spectare videtur

S. V. C
PRO SALVTE
M. SEDAT
SEVERIANI
LEG. AVG.

Marcus Sedatus Severianus vixit sub Antonino
Pio,

Pio , ut bina marmora apud Janum Gruterum ostendunt , ac primum Tabula marmorea Palatii nobilissimorum Principum Columnensium , in qua M. Sedatus inter eos recensetur , qui ad ampliandum templum sub Antonino Pio pecuniam contulerunt .

M. SEDATIVS C. FIL
SEVERIANVS

CXXVI.

Epocha in marmore insculpta

IMP. CAESARE T. AELIO HADRIANO
ANTONINO

PIO. P. P. III. M. AELIO AVRELIO
CAESARE COS.

Id est A. V. C. 893. Christi 140. ut habet Chronicon Alexandrinum , Antonini Pii Imp. 3. Pergami M. Sedatum cognovit Aelius Aristides , ac honoris causa Senatorem Romanum designat *τινὶ* Or. sacr. I I.

τῶν ἐκ τῆς Ρωμαίων βουλῆς quem postea deinde nominat P. 301.

Σιδᾶτο ὄνομα αὐτῷ βέλτιστο ἀνδρῶν Sedatus ei nomen erat
vir optimus .

In tabula altera marmorea Ostiensi , quam exscripsit vir doctissimus Jacobus Sirmondus , nomen M. Sedati etiam insculptum reperimus.

MLXXVII.

M. SEDATVS C. F. SEVERIANVS

Epocha petenda ex Consulibus , quorum ibidem mentio fit

MV. ACILIO GLABRIONE
 M. VALERIO HOMVLO COS.

p. 26.

A. V. C. 905. Christi 152. Antonini Pii Imp. 15.
 Alteram nunc denuo proferamus Inscriptionem
 in Thermis repertam ac sub Antonino Pio posi-
 tam a Valerio M. Felice, qui HERCVLI. AVG.
 (ita enim designatur T. Antoninus , ac eodem
 titulo gavifum valde fuisse Commodum ejus ne-
 potem e nummis , & lapidibus constat) ex vo-
 to aram posuit , ut Epocha Consulium clare pa-
 tefacit

BARBATO. ET REGVLO. COS

A. V. C. 910. Christi 157. Antonini Pii Imp. 20.
 Cajus Julius Africanus *Barbarum* vocat , non Bar-
 batum : ita Prosper in Chronico , ejusque exscri-
 ptor Cassiodorus , ac marmor Romanum apud
 Sponium

In Miscell.
 sect. I. art. 5.

DEDICATVS X. K. AVG
 BARBARO. ET. REGVLO. COS

At Panvinus *Barbatum* nominat , quem Leun-
 clavius in Dionis editione κατὰ πόδας sequitur , cu-
 jus singulis libris annos Consulares praefixit ex
 Panvinii fastis exscriptos , quamvis nonnulli osci-
 tanter ac imperite Dionis fuisse existimarint . Sic
 pariter συναγωγή ἱστορικὴ in Chronico Eusebii edita ,
 non auctori Anonymo est tribuenda , ut opina-
 tur

tur Johannes Meursius in *Lectiōibus* : verum Josepho Scaligero , qui Collectionem illam ex auctoribus editis , & nondum editis diligenter concinnasse idem ingenue professus est . Adde etiam Inscriptiōem aliam , quae Albae nunc extat in palatio veteris tabularii : in ea quippe indicari videntur Aquae Thermales aevo Antonini Pii repertae , de quibus nunc agimus.

In not. ad Eur.
feb. p. 431.

PRO SALVTE DOMINI NOSTRI SANCTISSIMI ANTONINI PII NYMPHIS NOVIS
SACRVM. RVFINVS LEG. XIII. G.

ap. Reines.
p. 193.

Ubi *Nymphae* idem ac *Lymphae* , vel *Aquae* : quae sub Thermarum nomine continentur , uti apud Gruterum NYMPHIS SALVTIFERIS , vel NYMPHIS SANCTISSIMIS , vel AQVIS ALBVLIS SANCTISSIMIS . Hic est ille Rufinus Laticlavius Legionis XIII. Geminae , cujus meminit lapis inscriptus ad Vicum Kornesd Ulpiae proximum.

C. CVRTIO. C. F
POLLIA. RVFIN
TRIBVNO. LATI
LEG. XIII. GEM

ap. Grut.
cccc. i.

Fuit quidem e Tribu Pollia , de qua Livius , & antiquae Inscriptiōes . Idemque , ut opinor , munere deinde LEG. PRI. IMP. ANTON.

cccix. 6.

I 2 AVG.

AVG. PII. PROVINCIAE DACIAE functus
est.

Hisce argumentis satis declaratum constat ,
Thermas Herculi sacras aeram antiquiorem An-
tonini Pii aetate non ostendere , cuius ob pruden-
tiam in gubernatione Daciae extat monumentum
a metropoli positum , ac inventum in viculo Kor-
nesd , Ulpiae proximo.

ccixvii. l.

IMP. CAES. ANTONINO
PIO. AVG. COLONIA
SARMIZAEGETHVSA

Non possum omittere , VIR EXCELLENTIS-
SIME , quin Tibi breviter exponam , quod qui-
dam vir doctus , ac in Antiquitate versatus mihi
persuadere conabatur , Simonium Julianum Prae-
fidem Daciarum Thermas nostras Herculanus ex-
citasse , argumento ducto ex marmore ibidem ef-
fosso .

HERCVLI. SANC
TO. SIMONIVS
IVLIANVS. V. C
PRAESES. DA
CIARVM

L. 4. π. de Ope-
rib. public.

Sed nugatorem lepidum , quem nactus eram , le-
pide refellendum duxi responso Modestini Juris-
consulti : operibus publicis *neque praesidis quidem*

no-

nomen licebit superscribere, verum Principis, aut conditoris, qui sumptus fecerit de suo, teste Macro altero Jurisconsulto lib. 2. de officio Praesidis: *inscribi autem nomen operi publico alterius, quam* ^{L. 3. π. eod. tit.} *Principis, aut ejus cujus pecunia id opus factum sit, non licet*. Quin imo Theodosius Magnus edixit ^{L. 31. Cod. Theodos. de Operib. pub.} *ut majestatis teneantur obnoxii, si qui judices perfectio operi suum potius nomen, quam Imperatoris scripserint*. Conditoribus vero si aere proprio opus aliquod molirentur, jus fuit nomina sua inscribere, ut praeter Macrum indicat etiam hunc sui temporis morem Divus Basilus. Huic accedit, quod marmor nostrum non Thermarum constructionem a Simonio factam denotat, sed Aram Herculi tantummodo positam. ^{In Psalm. 48.}

Non desunt tamen in nostris Thermis pro salute M. Aurelii vota Herculi soluta, ut sequens indicat Ara.

HERCVLI. PRO
SALVTE. IMP
M. AVREL. ANTO

Alteram insuper Aurelio, & Faustinae positam exhibent Thermae, quamvis marmoris erosio finem anterioris epigraphes, uti & principium hujus subsequenter nobis eripiat.

M. AVREL. FAVS

TI-

TINAE. AVG. MATRI
AVG. ET. CASTRORVM
SVB. CVRA. IVL. PA
TERNI. PROC
SYNTROPHVS
VIL

In Com. 3.

Anno V. C. 929. Christi 176. M. Aurelii Imp. 16. Commodus Aurelii, & Faustinae filius, Imperator Augustus fuit denunciatus, ut narrat Lampridius, *cum patre Imperator est appellatus quinto Kalendarum Decembrium die Pollione, & Aspro Cos.* Etsi aliqui Chronologi ad annum Christi 177. Augusteum Commodi titulum referant. Quocirca tunc temporis, vel paulo post lapis positus in nostris Thermis. Faustina *mater castrorum* dicta ab eodem M. Aurelio, *quam secum, & in aestivis habuerat, ut matrem castrorum adpellaret* teste Capitolino. MATER CASTRORVM etiam nuncupata in nummo apud Patinum. Exstat in ejus honorem lapis inscriptus, ac inventus in ruinis Warhelii, quo in loco sita erat Colonia Trajana Dacica Sarmizaegethusa.

6CLX. 12.

FAVSTINAE
AVG
DIVI PII
FILIAE

COL.

COL. SARMIZ

Marco item Aurelio ejus viro ob rectam Daciae gubernationem lapis inscriptus, inque ruinis Ulpiae Trajanae effossus.

IMP. CAES

CCLIX. 7.

M. AELIO ANTONINO
PIO. AVG. PONT. MAX.
TRIB. POT. XVI. P. P
CVIVS. NVTV ET AVSPI
CIIS PROVINCIA DACIA
GVBERNATVR

M. SCAVRIANVS. PR. PR
NVMINI EIVS

Syntrophus igitur, qui aram M. Aurelio, & Faustinae posuit, servus, vel libertus videtur fuisse, ut frequenter in marmoribus animadver-
timus.

D. M

L. AGRIO

DCCCXXX. 10.

SYNTROPHO
LIBERTO. OPTIMO

Inter officia Domus Augustae munus Villici in marmoribus passim recensetur a Servis, vel Libertis administratum.

FELICI. CAES. SER
VILLICO. HORTORVM

DCII. 2.

MA-

MAIANORVM

MLXX. 8.

LXII. 10.

MCXII. 2.

Hinc pariter HIGINVS. SER. VILLICVS , vel
AMPLIATVS SER. VILLICVS . Procurator
aliquando dictus Titi Augusti aevo

T. FLAVIVS AVG. L

EPAPHRA

PROC. VILLARVM

TVSCVLANARVM

Verum aliqui mirabuntur , quod in nostro mar-
more servi nomen , vel cognomentum inscriptum
non inveniatur . Sed animum oportet ad priscos
Romanorum mores advertere , qui persaepe ap-
pellativis nominibus servos nominabant , ut in
Plauto , & Terentio perspectum est , qui Dippi-
li , ac Menandri Comoedias latine fecerunt :
Quod ex marmore apud Gruterum etiam con-
firmatur

DCCLXIV. 8.

SYNTROPHO. L.

Syntrophus nuncupatus VILLICVS , quod tam
rei rusticae , quam rationibus fundi praefectus erat .

Scaevol. in
L. 31. π. de
adim. legat.

CCII. 4.

Clarius in lapidibus , Coelius Herodianus dicitur
VILLICVS IN HORTIS SALVSTIANIS :
Attamen Villicus ad Praefectos quoslibet solet
transferri : sic

DCXL. 10.

EVTYCHES VILLIC

A PLVMBO

a Sal-

a Salmasio *procurator* plumbi exponitur : idem. In Lamprid.
 que denotat VIL. AB. ALIM. alibi enim legi- Alex. Sev. 15.
 tur PROC. AVG. AB. ALIMENTIS . Villi- LXXXIII. 9.
cus aerari Tibullo est praefectus aerarii , sic Ju- cccclvii. 103.
 venali *villicus urbi* . Syntrophum praepositum Sat. iv. 77.
 fuisse hortis Aurelii verisimile videtur , quos a
 Domitia ejus matre hereditate acceperat , in iis
 natus atque educatus , ut narrat Capitolinus :
natus est Marcus Romae in Monte Coelio in hortis ,
& educatus in eo loco , in quo natus est : iidemque
postea horti Commodiani dicti , quum ad Commo- Spart. in Pesc.
dum ipsius filium fuerunt delati : sic ut ad Au- Nig. 6.
relium , & Commodum Augustos spectare videat-
 tur antiqua haec Inscriptio Romana

FVSCVS AVGG
 NOSTRORVM
 VERNA
 VILLICVS
 TVTELAE
 VOTVM
 REDDIDIT

MLXXV. 5.

Quid vero PROCVRATORIS absoluto no-
 mine intelligatur in lapidibus in Dacia detectis ,
 operae pretium est nunc explicare . Julius Pa-
 ternus in nostro marmore *Procurator* nuncupa-
 tus , quoniam aurariis Daciae erat praepositus.

K

Sic

Sic enim binas inscriptiones in Transilvania repertas interpretari oportet.

I. O. M.
T. AVRELIVS
DIOCLES
PROC
V. S. L.

In altera vero Inscriptione haec habentur

IV. 8.

I. O. M. IVNONI REGINAE
MINERVAE. OMNIBVS
DIS. IMMORTALIBVS
Q. AXIVS. AELIANVS. VE. PROC
AVG. ET. AELIA ROMANA
EIVS CONI

Quibus adjicienda haec alia in Coloswar Transilvaniae pariter detecta aetate Lazii

LXXXII. II.

FORTVNAE
AVG
C. AVRELIVS
ATILIANVS
PROC. AVG

DXIV. 7.

Aliquando tamen expressum invenitur, ut de M. Ulpio AVG LIB. (Trajani scilicet) PROC. AVRARIARVM in lapide Transilvaniae , vel Albae Juliae de Aviano AVG. LIB. SVBPROC AVRARIAR. Curae , ac diligentiae Julii Pater-
ni ,

IV. 4.

ni , ut ara collocaretur in Thermis , a Syntropho fuit demandatum . Quod passim antiquis in marmoribus visitur , e quibus unum tantummodo adducere libet , Aurelii Muciani viri perfectissimi praefecti Praetorio .

HERCVLI. STATVAM
CVM. BASE. AVRELIVS
MVCIANVS. V. P. P. PR
PRO. SALVTE. SVA. SVO
RVMQVE OMNIVM
POSVIT. CVRANTE
GERONTIO

MLXIX. 9.

Atqui illustriore ornamento Thermas nostras Herculanas condecorat votum C. Julii Galli Consularis viri Legati ac Propraetoris Daciae Herculi factum , & arae insculptum pro salutē Augustorum Septimii Severi , & Antonini filii , qui Caracalla cognominatus .

HERCVLI
PRO SALVTE IMPE
RATORVM SEVERI
ET ANTONINI F. CONSER
VATORI AVGVSTORVM
DOMINORVM NOS
TRORVM C. I. GALLV
S. C. V. LEGATVS EORVM

K 2

PR

PR PR. CVM SVIS
V. S. L. M.

Vopisc. in Ta-
cit. I.

Lapis positus, ut opinor, anno V. C. 951. Chri-
sti 198. Imp. Severi 6. Saturnino, & Gallo Con-
sulibus, quo Tribunatus potentiam, *quae pars
maxima regalis imperii est*, ac titulum Augusti
Antonino filio suo Severus concessit, vel paulo
post positus. Votum Herculi solutum, non ob
salutem ope Thermarum Imperatoribus restitu-
tam, sed quod ipsis virtutem dederit, ac victo-
riam largitus fuerit ad debellandos Nigrum, &
Albinum populi Romani hostes ac Tyrannos.

Or. I. p. 17. Hercules namque *σωτήρ salutifer* dictus ex senten-
tia Dionis Chrysostomi, quod tyrannos everte-

Or. in Hercul. P. 57. bat: quive etiam Aristidi adpellatus *τὸς δὲ τυράννους
αἰρῶν tyrannos de medio tollens*. Sic & Pythagoras
σωτήρ servator dictus, quod suis consiliis Siciliam

Jambl. in Vit. Pyth. p. 180. ed. Amst. crudelissima Phalaridis dominatione liberaverit
κατὰ τὴν τῷ Ἡρακλέους δίκην καὶ ἀνδρείην Herculis ritu & vir-

tute. Nisi dicere velimus C. J. Gallum preces
Herculi fuisse, sacraque fecisse, ut Imperato-
res in expeditionibus custodiret, a periculis tu-
taretur, ac incolumes, reducesque restitueret.
Vovebant enim milites, ut mos erat in expedi-
tionibus, pro salute Augustorum, ac postea re-
gressi vota persolvebant, ut in voto apparet

Her-

Herculi factō , & post reditum soluto pro salute
M. Aurelii Antonini , & M. Aurelii Alexandri
nobilissimi Caesaris ab aliquibus cohortis Prae-
toriae Piae Felicis

QVOD

PROFICISCENTES EXPEDITIONIBVS
SACRIS REGRESSI
CVM COMMANIPVLIS. LIBENTES
VOTVM SOLVERVNT

XLVI. 10.

Hercules enim inter Viales Deos accensebatur ,
ut indicat Inscriptio, quam vulgavit V. C. Geor- In praef. tom.
gius Graevius. x. Thes. A.R.

HERCVLI COMITI
CONSERVATORI SACRVM
L. AEL. L. F. ESQ. PENIO
MILES COH. VI. VIG. EX. V. P.

Cui addas licet hanc alteram ex Gruteri Thesauro

HERCVLI DEFENSORI
PRO. REDITV. ET. ITV
D. CLODI. SEPTIMI
ALBINI CAESARIS

XLV. 12.

Septimius quippe Severus expeditiones contra
Nigrum , Osrhoenos , Adiabenos , & Arabes
suscepit sub auspiciis Herculis tyrannorum domi-
toris , & Bacchi victoris Orientis , quemadmo-
dum ex nummo colligitur .

Cum



Cum epigraphe DIS AVSPICIBVS TR. P. III. COS. II. P. P. in quo Hercules cum clava , & cum exuviis Leonis , & Bacchus dextra vas , sinistra hastam tenet , nudi stantes , in quorum medio Tigris : quibus Diis νεῶν ὑπερμεγέθη ὠκοδομήσατο *permagnum templum aedificavit* . Sub Herculis effigie Septimius Severus in nummo visitur εὐλόθριξ , μεγαλοπύγων *crispus , barbatus* , ut eum designat Johannes Malela . Nummus percussus A. V. C. 947. Christi 194. Coss. Severo , & Albino Caesare , Severi Imp. 2. Aliud votum Herculi solutum a Calpurnio Juliano Legato Augusti ac Moesiae Superioris Propraetore exhibet marmor in nostris Thermis pro ejus recuperata salute , quoniam non modo Herculi , sed Genio loci , ac calidis fontibus ob aquarum salubritatem votum etiam ipse persolvit .

Dio LXXVI.

p. 869.

p. 383.

HERCVLI GENIO
LOCI FONTIBVS

CA-

CALIDIS CALPVR
NIVS IVLIANVS
V. C. LEG. LEG. V. MAC
LEG. AVG. PR. PR
MOE. S

V. L. S.

Balnea Herculana semper de calidis ; de frigidis
nunquam dicta , ut adferit Aristophanes

In Nub. 1047.

Πῶς ψυχρὰ δῆτα πωποῖ' εἶδες Ἡράκλειος λουτρά ;

Et ubi Tu unquam frigida vidisti Balnea Hercula-

na ? Lavacra τὰ ἡδυα Ἡράκλεια ἐπωνυμίαν ἔχοντά ἐσι quae-
cunque sunt suavissima , Herculis habent cognomen ,

Arist. or. in
Herc. p. 63.

calida scilicet , quibus usus Hercules . Strabo de

IX. p. 425.

Aedepso in Euboea hac habet ὅπερ τὰ θερμὰ τῶ Ἡρακλέους

ubi calida sunt Herculis lavacra . Nam haec exor-
dia concoctioni praebent , occultas membrorum
defatigationes mitigant , spirandi que facilitatem
exhibent . Contra autem frigida internis parti-
bus damnum adferunt , meatibus obsistunt , hu-
mores cogunt , vaporesque condensant , qui sem-
per laxari , & digeri suapte natura cupiunt , ut
docuit Plutarchus in laudatissimo opusculo de sa-
nitate tuenda . Huic accedit marmor in Campa-
nia de Thermis , quae ab Hercule ob eandem ra-
tionem sunt denominatae .

FABIVS. MAXIMVS. RECTOR

XLIII. 6.

PRO-

PROVINCIAE. THERMAS
HERCVLIS. VI. TERRAEMOTVS
EVERSAS. A FVNDAMENTIS
RESTITVIT

De aquis salubribus Montis Tifatae non longe a
Capua , ubi Sulla Norbanum fudit , explicanda ,
ut opinor , Inscriptio , C. Vellei Paterculi testimo-
nio firmata , qui eas *aquas salubritates , medendisque*
corporibus nobiles laudat . Fabius vero Maximus ,
alter ab illo qui unus cunctando rem restituit ,
Augusti temporibus floruit , Ovidiique clarissimi
Poëtae fuit amicissimus , quem *fidus Fabiae gentis*
Epist. ex Pont. lib. III. ep. 3. nominat . Ab Hercule genus trahebat , namque
Fast. II. 27. Fabii *Herculeae semina gentis* dicti : idcirco Ther-
mas Herculis , quem gentis suae auctorem habe-
bat , diligentius restituisse videtur . Sed haec obi-
ter , nunc ad propositum redeat oratio . Calidi fon-
tes , qui e terra erumpunt , Herculi a veteribus
XII. p. 512. sacri semper sunt habiti , ut tradit Athenaeus
τὰ θερμὰ λουτρὰ τὰ φαινόμενα ἐκ τῆς γῆς Ἡρακλῆος εἶναι τὰ ἱερὰ κα-
lidas aquas , quibus lavamus , e terra scaturientes
Herculi sacras existimavit Antiquitas . Ad quod
Probl. sect. 24. respexisse primus omnium videtur Aristoteles , ubi
p. 19. ed. Aur. ex superiorum sententia pronunciat *θερμὰ λουτρὰ ἱερὰ*
Allob. *calidas balneas sacras* . Hinc eximiam aquam di-
Anthol. IV. 19. xere , quae non igne , sed sponte calefcit .

Οὐ γὰρ ὑπὸ βροτέῳ πυρὶ θάλλεται ἀγλαὴν ὕδωρ

Αὐτομάτη δὲ λιβαῖς τίκτεται αἰθομένη.

Calidis lavacris usum Herculem ferunt , cui bo-
ves Geryonis per Siciliam agenti scaturire fecit
Minerva , non vero Vulcanus , uti voluit Ibicus, Schol. Ari-
stoph. in Nub. 1047.
ut fessas longo itinere vires , in iis lotus , recolli-
geret . Sic explicandus Sophocles in Trachiniis,
ubi chorus adloquitur

Ωἱ ναύλοχα καὶ πετραῖα

Θερμαὶ λαστρὰ

Ed. P. Steph.
p. 652.

O maritima , & saxosa calida lavacra , Siculo nem-
pe , ut aliqui viri gravissimi opinati sunt apud
Scholiastem ἐνιοὶ δὲ ἐν Σικελίᾳ φασὶν ἀναδοθῆναι τῷ Ἡρακλεῖ θερ-
μαὶ λαστρὰ , non vero in monte Oeta , ut Pisander
Rhodius statuebat , qui , ut nonnulli opinantur ,
Olympiade XXXIII. floruit , ac duobus libris At. xi. p. 469.
Herculis gesta versibus exposuit . Hinc propter Strab. xiv. p.
ὁμιλίαν & desideratam recreationem , Urbs ἡμέρας Hi- 655.
merae in Sicilia nomen accepit , nisi id nominis,
ut placuit Samueli Bocharto , deducere velimus
ab ἡ in *incallescendo* : unde in Chaldaica Paraphrasi
Jobi חממי עמ *viscera mea incaluerunt* , quum in xxx. 27.
Codice Hebræo חממי habeatur , quod de aquis Job. xli. 22.
ferventibus usurpatur . Universa , quae praedixi- Ezech. 24. 5.
mus , copiose probat nummus apud Goltzium ,
in quo Hercules visitur in lavacro , adstante Mi-

nerva , quae sacris operatur , cum epigraphe
 ΙΜΕΡΑΕΩΝ *Himeraeorum* .



quem nummum pro singulari benevolentia , ac
 humanitate mihi indicavit Excellentissimus D. Ca-
 rolus Pertusatus Antiquitatis callentissimus , Cae-
 saris a Consiliis Aulae secretioribus , Praefectus
 Praetorio Mediolani , ac itidem Magnus Cancel-
 larius . Qua de re Pindarus Ergotelem Hime-
 raeum collaudat ab ejus patria Himera Thermis
 conspicua

Olymp. Od.
 12.

Θερμαὶ Νυμφῶν λυτρά βασιλῆος

calida Nypharum balnea extollis . Colonia fuit Au-
 gusti , & Himeraei ob Thermas dicti Thermi-
 tani

ccccxxxiii.6.

ORDO. ET POPVLVS
 SPLENDIDISSIMAE. COL. AVG.
 HIMERAEOVRVM
 THERMIT.

Hinc Hercules dictus *salutifer* , eidemque ob re-
cupe-

*cuperatae valetudinis beneficium vota soluta in bi-
nis marmoribus e Thermis erutis*

HERCVLI
SALVTIFERO
Q. VIBIVS. AMILLVS
AVG. COL. DAC
PRO SALVTE
IVLIANI FILII SVI

Altera Inscriptio sic se habet

HERCVLI
INVICTO
P. CLAVDI
VS IVLIVS
COL. EO. O
B. R. V. B. V. S

SALVTIFER dictus Hercules ex Ethnicorum
sententia , quoniam omnibus , qui ipsum invo-
cant , opem fert , atque auxiliatur . Aristides

Ἡράκλεις βοῶντο ἐπὶ ᾧ πάντες τῷ χρεῖας ἰσαμένῳ *in quavis ne-* p. 62.

cessitate ei , qui Herculem invocat , adest : mala

item , & adversa propellit : ob id in Melita At- Schol. Ari-
ticae pago , ubi ei templum positum , ἀλεξίκακός *stroph. in Ran.*
233.

malorum depulsor vocabatur . Hesychius καλεῖται ὁ ἐν

Μελίτῃ Ἡράκλεις ἀλεξίκακος . Et in marmore apud Gru- xlii. 12.

terum ΘΕΩΙ ΑΛΕΞΙΚΑΚΩΙ . A Cois Ἀλεξίς adpellatus ad-

notante Aristide καὶ οἱ Ἀλεξίον τὸν Ἡράκλεια νομίζουσι . Aliis

vero ἀποσπῶν & *averruncus*. In nostro marmore SALVTIFER denominatus ob calida lavacra, quae sanitatem restituant, morbosque depellant, quibus homines vexari solent. Quod de Aquis salubribus novum ac inauditum non est in antiquis marmoribus.

XCIV. F.

NYMPHIS SALVTIFE
RIS SACRVM
M. LVCILLIVS LVCILLI
ANVS. AVG. COL. PRO
SALVTE. SVA. ET
L. ANTISTI. ONE
SIMI. AVG. COL
V. S. L. M

Et in alio, quo P. Aelius Marcellinus natione Britto aquis balnearibus e lethali morbo se liberatum profitetur.

2.

NYMPHIS
SANCTISSIMIS
P. AELIVS. MARCE
LLIVS. SIGNIFER
ET QVESTOR. N. BRIT
MORTIS PERICVLO LI
BER. V. S. L. M.
IMP. COMM. AVG
FELICE V. ET GLABRIONE

IT.

IT. COSS.

Id est A. V. C. 939. Christi 186. Commodi Imp.
 11. 7. Herodianus laudat Glabrionem omnium 11. 3.
 Patriciorum nobilissimum, eundemque iterum
 Consulem nominat. Salutifer Graece *σώτης* *is enim*
est Soter, qui salutem dedit, inquit Tullius. Ne-
 que minus salutifer putabatur Hercules, quam
 Aesculapius, & Hegia, qui *σωτήρες* adpellati

EXVIII. 3.

ΑΣΚΛΗΠΙΩ

ΚΑΙ ΥΓΕΙΗ

ΣΩΤΗΡCΙΝ

Hercules namque *ιατρικὸς* *medicinae peritus fuit*, ac Plut. amat.
 post obitum, numen ejus *τῆτο δὲ ἐν Μεσσηνί τῆς Σικελίας* p. 761.
πόσων τε αἰποσῶν ἐκλύεται in *Messana Siciliae morbos omnes* p. 57.
curat, uti de suis temporibus dicebat Aristides,
 qui sub Antoninis vixit. Ob eandem rationem
 & Medici *σωτήρες* denominati, ut Panacius apud
 Aristaeonem, quem *σωτήρα τὸν ἄνδρα περσεῖπον* *servato-* 1. ep. 13.
rem virum vocarunt. De Hippocrate etiam in XXXIX. 1.
 Anthologia dictum

Καὶ σώετο λαῶν

Εἴθνεα

Et servabat populorum coetus. Verum nullum ma-
 jus beneficium, ac praestantius commodum mor-
 talibus conferre poterat Hercules, quam calida-
 rum balnearum usum eos edocere, quas non im-
 meri-

VI. de leg. p. merito Plato pharmacis anteponit. At Pindarus
761. ed. H. S. in ea fuit sententia, quod

In Nem. Od.

IV.

Θερμὸν ὕδωρ τόσον

τε μαλθακὰ τεύχεα

Γῆα

Calida aqua tantum mollia facit membra. Maiores tamen dinumerat utilitates ❧❧❧ Hippocrates

De Rat. Vict.
in morb. acut.
p. 395. edit.
Fœss.

καὶ γὰρ ὀδύνῃς τῆς κατὰ πλευρὴν, καὶ στήθεα, καὶ μετάφρενον, παρηγορι-
κὸν ἐστὶ τὸ λυτρὸν, καὶ πτυέλων πεπαικτικὸν, καὶ ἀνάγωγον, καὶ εὐπνοον,
καὶ ἀκοπον. μαλθατικὸν γὰρ καὶ ἄρθρων καὶ τῶ ἐπιπολαίῳ δέρματι καὶ
ἐρητικὸν δὲ, καὶ καρθεαρίην λύει καὶ ῥίνας ὑγραίνει. *nam lateris, pe-*
ctoris, & dorsi dolorem balneum mitigat, sputum
maturat, educit, & facilem spirationem reddit,
& lassitudines tollit, cum articulos, & extimam
cutim emolliat, urinas provocat, capitis gravita-
tem solvit, & nares humectat. Nisi affirmare ve-
limus, Pindarum Philosophum Pythagoreum,
Strom.v. pag. 255. ed. Oxon. ut ipsum Clemens Alexandrinus adpellat, haec
eadem intellexisse, ac breviter significasse, quae
copiosissime post explanavit Hippocrates, Aqua-
rum calidarum ope fibras relaxari, unde oportet,
ut majore facta vasculorum diametro, liquores
liberius, & velocius fluant, totumque corpus
pervadant, atque irrigent.

At nobiliora & praestantiora in curandis mor-
bis balnea sunt calida, Herculana dicta, quae e-
ter-

terra exiliunt , nam quum particulis metallorum
sint referta , majori vi vel corpus emolliunt , vel
magis roborant , ac firmant , de quibus Graeci
Scriptores persaepe sermonem instituerunt : in
primis quae in Oeta Herculi scaturire fecit Mi-
nerva ad oram maris , ut Pisander contendit

Herod. vii.
p. 176.

Τῷ δ' ἐν Θερμοπύλῃσι θεὰ γλαυκῶπις Ἀθήνη

Ap.Schol.Ari-
stoph. in Nub.
1047.

Ποίει θερμαὶ λυτρὰ παρὰ ῥηγμῖνι θαλάσσης.

In Chalcite regione , a qua Promontorium se in
Pelagus porrigit , Pausanias auctor est , marina-
rum aquarum scatebras λυτρὰ *calidas balneas* edi-

In Achaic. p.
535. ed. Lips.

disse *μάλιστα τῶν ἐν Ἰωνίᾳ λυτρῶν ὠφέλημα ἀνθρώποις quae in Jo-*
niis sunt aegris maxime utiles . Quibus adjungit

Lebediorum etiam calidas balneas θαῦμα ἀνθρώποις ὁμῶς
καὶ ὠφέλεια hominibus adprime admirandas aequae ac sa-

lubres . Antiquae pariter ac celebres θερμαὶ λυτρὰ α-
quae calidae balneae Methenanses in Peloponneso ,

In Corinth.
p. 190.

quas , Antigono Demetrii filio in Macedonibus
regnante , erupisse traditum est . Antigonus obiit

A. M. 3762. quum in Macedonia quatuor & tri-
ginta annos regnasset . Quid referam Phazemo-

Strab. xii.
p. 560.

nitarum Thermas supra Amasenum agrum ὑγιεινὰ
σφόδρα admodum salubres ? Quid Bajanas ? πρὸς θερα-

v. p. 244.

πύειν νόσων ἐπιτήδεια *ad morborum sanationem idoneas.* Quid
de Pythecusae, seu Ischia Thermis dicam? θεράπυειν τὰς

p. 248.

ἀθῶντας *quibus sanantur qui calculo laborant .* Anti-
quis

- Λv. p. 190. quis Onesiaē similiter aquae in Aquitania καλλίστη
πομπωτάτη ὕδατι *praestantissimae, aqua ad potum opti-
ma*. Ex quo habent, qui medicinam faciunt, ut
usum aquarum, quae per metalla transeunt, ve-
teribus fuisse incognitum sibi non persuadeant.
- v. p. 227. Quid de Therinis in Hetruria? quae Bajanis non
cedebant. Quid de Tiberiensium *aquis calidis?*
quae tantae fuerunt nobilitatis, ut eas in num-
mo Trajani insculpserint cum Epigraphe ΚΑΛΟΤ-
ερ. Syro Mac. ΔΙΟΤΙΒΕΡΙ. ΕΤ. ΑΠ. *Claudio-Tiberiensium. Anno LXXXI.*
p. 465. Verum ut reliquas silentio praetermittam, quae
quamplurimae sunt, non omitam tacitus, VIR
EXCELLENTISSIME, calidas balneas, quae
in Tua celeberrima ac docta Britānnia olim per-
magni erant nominis, ut θερμά λυτρά Ptolemaeo
fuerint nominatae, Antonini vero Itinerario,
Solin. Polyh. *Aquae Solis*, quoniam ipsi, & Minervae sacra-
22. tae erant, ubi praeclara Civitas *Bathonia* a bal-
neis nomen, & decus adhuc servat. Quapropter
Imperatores Augusti, ut populorum commodita-
ti, ac saluti prospicerent, ad splendidas Ther-
mas exstruendas in oppidis, ac civitatibus Impe-
rii animum intenderunt. Nam Septimius Seve-
Johan. Malel. rus Antiochiaē exstrui curavit δημόσιον λυτρὸν μέγα πα-
p. 388. ρὰ τὸ ὄρη ὃ ἐπεκάλεσεν εἰς ὄνομα αὐτῆς Σεβηριανὸν *balneum publi-
cum Aquarum sua sponte calidarum ad montem,*
quod

quod a nomine suo Severianum vocavit : ejusdem naturae fuisse aliud Ephesi in Asia ab Antonino Pio prius excitatum suspicamur. Quam liberalitatem civitatibus sibi subjectis largiri non destiterunt , qui sequioribus seculis Imperatores vixerunt : unde Constantinus Magni filius

THERMAS. FISCI. SVI. SVMPTV CLXXVIII. 1.
A FVNDAMENTIS. CEPTAS. AC PERACTAS
CIVITATI. SVAE. REMORVM. PRO. SOLITA
LIBERALITATE. LARGITVS. EST
Julius item Constantius , & Julianus Thermas
Spoletinas restituerunt , ut sequens nos edocet
marmor.

THERMAS SPOLETINIS CLXXIX. 2.
IN PRAETERITVM. IGNE CONSVMPHAS
SVA LARGITATE
RESTITVERVNT

Privati etiam viri oppidis , municipiisque Ther-
mas suis impensis aedificatas donarunt , uti Ocri-
culanis in oppido Umbriae fecit L. Julius Julianus

IVLIAE LVCILAE CCCXXII. 9.
L. IVLI. IVLIANI. FIL.
PATRONI. MVNICIPI
CVIVS PATER
THERMAS OCRICVLA
NIS. A SOLO. EXTRVCTAS
M SVA.

SVA. PECVNIA. DONAVIT
DECVR. AVG. PLEPS
L. D. D. D

In Dacia pariter P. Aelius Gemelus V. C. a solo
extruxit Balneum, uti Ara e veteris Apuli rude-
ribus effossa anno 1622. ostendit.

Ap. Reines.
p. 67.

FORTVNAE
AVG

SACRVM
P. AELIVS GEME
LVS. VIR CLA
RISSIMVS

PERFECTO. AB. SOLO BALNEO
CONSACRAVIT.

INVICTVS etiam Hercules in nostris Thermis
adpellatus

HERCVLI IN
VICTO L. POM
PEIVS CELER
PRAEF. COH
I. VBIORVM V. S

Celeris cognomen in Inscriptionibus Militaribus
haud ignotum est apud Gruterum.

ccccxxxiv. 4.

I. O. M.
L. OCTAVIVS
CELER. PRAEF.

COH.

COH. VII. BREV

Et alibi

CN. ARVNTIO CN. F. CELERI
PRAEF. COHORTIS
LVSITANORVM

CCCLXVI. 5.

Passim in marmoribus Hercules INVICTVS ad-
pellatus, quoniam prae omnibus fuisse robustum
ac fortem ferunt: unde Graecis Poëtis Βίη Η'ρακλεείη.

Nam, ut inquit Aristides, βίᾳ μὲν γὰρ ἀρρίκτω εἰδὲν αὖ- P. 57.

τὸν ἐξέφυγε τῶν ἐγχεσθέντων *prae robore quidem ipsius,*
nihil poterat ejus manus effugere. Qui hymnis Her-
culem celebrabant, ipsum deprecari mos fuit, ut
fortitudinem eis largiretur

καῖρε ἄναξ Διὸς υἱέ, δίδε δ' ἀρετῷ τε καὶ ὄλβῳ.

Hom. hym.
in Her.

Quumque ob robur semper victor evaserit, idcir-
co καλλίνικος *victoriis pulcher* & egregius denomina-

Plut. de exul.
p. 607.

tus. Quod soli Herculi adfertum, ut affirmat

Aristides αἱ τοίνυν ἐπωνυμίαι καλλίνικός τε καὶ ἀλεξίκακος, ἡ μὲν, P. 62.

μόνον θεῶν, ἡ δ' ἐν τοῖς πρῶτοις δεδοται *Callinici praeterea,* &

Alexicaci cognomina partim soli, partim prae ceteris
illi tribuuntur. Apud Gruterum

ALCIDES HOMINVM. VICTOR
DOMINATORQVE FERARVM

XIII. 7.

Quoniam vero cunctos, ut diximus, robore, ac
fortitudine superabat, ἀλκῆς περὶ ὧς *roboris ac virium*

Athen. XIII.
p. 561.

praeses, & ΠΡΩΤΟΣ ΑΓΩΝΙΣΤΗΣ *primus locūtor nuncu-*

patus in Columnis Farnesianis , in quibus Hercu-
 Paus. in Mes. lis res gestae enarrantur , ac ejus signum in Palae-
 sen. p.356. stris positum. Quin γυμνικοῦς ἀγῶνας *ludos gymni-*
cos Herculi , & Mercurio dicatos indicat columella
 marmorea An. 1540. in portu Anconitano reperta

ΕΕCXXVII.

ΤΟΥΣ ΤΕ ΤΩΙ

ΕΡΜΕΙ ΚΑΙ ΗΡΑΚΛΕΙ ΤΙΘΕΜΕΝΟΥΣ

III. 155.

Aliquando Gymnici Ἡρακλέους ἀγῶνες *ludi Herculei di-*
 cti , uti apud Pollucem .

SANCTVS etiam nuncupatus Hercules in ara
 altera Thermarum

HERCVLI. SANC
 TO. SIMONIVS. V. C
 PRAESES DA
 CIARVM

XLVIII. II.

p. 362.

At SANCTISSIMO in marmore Gruteriano. Cur
 vero *Praeses Daciarum* Simonius dictus , quum in
 nummis , ac in lapidibus inscriptis *Dacia* legatur ,
 dubitationem omnem tollit Johannes Malela , qui
 de Trajano haec ait ἐπαρχίας δύο *provincias duas* ultra
 Danubium constituit ἁσινὰς ἐκάλειτο *Dacίαν* πρώτην ἢ δευτέραν
quas Daciam primam & secundam vocavit . Quod
 etiam confirmat lapis in atrio Bibliothecae Cae-
 sareae , ubi habetur

GENIO DACIARVM

Sic etiam in uno ex laterculis , quibus structum
 Ther-

Thermarum pavimentum , inscriptum legitur
DACIARVM VEXILLATIO.

Ulpianus quoque *Dacias* appellavit , ubi de *Prae-* L. VII. π.
sidibus Daciarum loquitur. interd. & r.
& deport.

Balnea tantis ornabantur statuis , ac marmori-
bus , ut se continere non potuerit Seneca , quin Epist. 86.
exclamaret *quantum statuarum , quantum columna-*
rum ? Aesculapii , & Hygiae signis Hippias cele-
bris Architectus Graecus Balneum suum conde-
coravit , nullis impensis , ac sumptibus parcens
in comparandis marmoribus permagni pretii .
Ejus constructionem diligenter , ut solet , Lucia-
nus descripsit in opusculo , cui nomen ἵππιας . Si-
gnum etiam Cupidinis in Graecorum λυτροῖς balneis
collocabatur . Theocritus

λαϊνέας δὲ

Idyl. XXIII. 59.

Ἰστάτο δὲ πρὸ κρητῖδος ἑξῶς , ὑδάτων ἐφύπερθεν .

Nam lapideus stabat ex basi Cupido eminens supra
aquas . Unde lux affulget marmori Hispanico .

ET BALINEVM

SOLO. SVO. CVM. PISCINA. ET SIGNO CXXXIV. 3.
CVPIDINIS.

Etruscus Thermas suas splendidis lapidibus con-
struxit , de quibus Martialis

Illic Taygeti virent metalla ,

VI. 42.

Et certant vario decore saxa ,

Quae

*Quae Pbryx , & Lybis altius cecidit :
Siccos pinguis Onyx anbelat aestus ,
Et flamma tenui calent Ophitae .*

Herculis statuae in cellis nostrarum Thermarum ,
Dicaearch.ap. quae *χιζία* , *νευρώδη* *quadratum* , & *nervosum* ipsum
Clem. Alex. in ostentant , septem numero sunt , quatuor inte-
Cohort. ad grae , tres vero mutilatae , quas non magno ar-
Gent. p. 9. tificio aestimat Daniel Antonius Bertolus rei an-
tiquariae peritus , cui parem in arte delineandi
imagines aetas nostra non vidit . Arae etiam vo-
tivae septem , quas ab antiquissimis temporibus
collocari solitas in Thermis Herculanis ex He-
rodoto colligimus , ubi de balneis calidis Oetae
VII. p. 176. καὶ βωμὸς ἰδρυτάς. Ἡρακλῆς ἐπ' αὐτοῖσι & *prope illa est ara
Herculi extructa* . Herculem coronatum alba fron-
de populea bina signa exhibent , quam e Thes-
protide primum in Graeciam intulisse ferunt .
Amnis Acheron Thesprotidem alluit , idcirco
Iliad. xv, 482. Ἀχερῶϊδα *populum albam* Homerus denominavit

Ἡριπε δ' ὡς ὅτε τίς δρυὶς ἥριπεν , ἢ ἀχερωῖς
cecidit sicut quercus aliqua cecidit , vel populus al-
ba . Exemplo Herculis Teucer

Hor. II, Od. 3. *Tempora populea fertur cinxisse corona* .
Graecis fuit in deliciis , quum Bacchanalia celebra-
rent : unde Demosthenes *pro Ctesiphonte* exprobat
Aeschini , quod τῇ λευκῇ *alba populo* coronatus per
urbem

urbem choreas duxerit intemperatiores : Athle-
tae etiam populum albam propter Herculem ge-
stabant. Artemidorus μόνη δὲ λευκὴ ἀθληταῖς συμφέρει διὰ τὸν ^{II. 25.}
Ἡρακλέα . Hinc Delphis athleta ea coronatus

Κρατὶ δ' ἔχων λευκὰν , Ἡρακλέῳ ἱερὸν ἔργον . Theoc. Idyl.

In capite autem habens populum , Herculi sacram ^{II. 121.}
plantam . Scholiaſtes haec adnotavit ὅτι ἀθλητικὸς ἐστίν ,

ὡς καὶ Ἡρακλῆς . οἱ γὰρ ἀθλητικοὶ τῷ τῷ ἐξεφανέοντο ὡς ἱερῷ . ἱερὸν δὲ ἦν

τῷτο Ἡρακλέους τὰς πολλὰς ἀθλὰς διενέγκοντο quia Delphis cer-

tator erat , ut Hercules : certatores hac coronantur ,

tanquam sacra . Sacra haec Herculi , quod multa

perfecisset certamina . Unde Homerus qui magni- Vell. Patere.
tudine operis , & fulgore carminum solus adpellari ^{I. 5.}

Poëta meruit , illum vocat

μεγάλων ἐπιτόροα ἔργων .

Iliad. III. 243.

Clava etiam Herculis insigne in statuis nostris vi-

situr , ex Oleastro , qui ἀγριοελαῖ Theocrito dictus , Paus. in Cor.
quem ad Saronidem paludem invenit . Thasii dedi- rinth. p. 186.

carunt in Olympia Herculis statuam ῥόπαλον δὲ ἐν τῇ δεξιᾷ In Eliac. p.
dextra clavā tenentis. Theocritus sic ipsum describit. ^{445.}
Idyl. XIII. 57.

Καὶ ῥόπαλον , τὸ οἱ αἰὲν ἐχάνδανε δεξιτερῇ χεὶρ

Et clava , quam semper dextra manus ipsius capie-
bat . Pellem insuper leonis , quem in Nemea con-
fixit , Herculis nostri signum gestat

Δέρμα λεόντειον μάλα οἱ κεχαρισμένον αὐτῷ .

Idyl. XXIV. 78.

Theocritus ita adloquentem Herculem inducit

Idyl. XXV. 278.

Καὶ

καὶ ἀμφιδέμην μελίεσσιν

ἔρχετο ἰναλίῃς ταμείχρως ὄφρα μοι εἴη.

et membris indui, ut munimentum mihi esset in pugnis, in quibus corpora vulnerantur. Tria mala, dicta Ἑσπερίδων μήλα *Hesperidum mala*, alia Herculis statua in Thermis dextra habet, uti in numismate Commodi: Nymphae etenim Hesperides ea custodiebant, quae Hercules rapuit, caeso serpente, qui arboris truncum amplexabatur. Ita expressum in numismate Regis Galliae, quod divulgavit Antiquitatis Aethereus Sol Ezechiel Spanhemius. Sic enim ab Antiquis Graecis repraesentatus Hercules poma manu ferens.

Anth. v.

μήλα λεοντοφόνῳ παλάμῃ χρύσεια κομίζων

Γαῖης ἔλβια δῶρα λιβυσιδῶ

Poma leones occidenti manu aurea ferens terrae beatae munera Libycae. Tria tantum fuisse censebat Antiphanes Comicus in Boeotio

φάσιν τὰ χρυσὰ μήλα ταῦτ' εἶναι τρία

μόν'

aurea haec mala tria esse inquiunt tantummodo. Pam-

Athen. III.
p. 82.

phylus εὐσμαι δὲ εἶναι τὰ ἄβρωτα *suaviter olere, sed in cibos non admitti dixit. Quocirca a Timachide Lib. IV. Coenae proditum ἐν Λακεδαιμόνι παρατίθεσθαι τοῖς θεοῖς apud Lacedaemonios illa Diis apponi solita. Ex quo non Cydonia, sed aurantia, isthaec poma*

au-

aurea fuisseprehendimus, νερόνπια Scholiaſti Ni-
candri in Alexipharmacis, Myrepſo vero dicta
νεράντζια, quae in Graeciam Hercules devexit

I. de Empl.
190.

Εὐόμοισεν ἐς Ἑλλάδα χρύσεα μήλα.

Anth. 17. 8.

Et Lucanus

Abstulit arboribus pretium, nemorique laborem IX. 365.

Alcides: passusque inopes sine pondere ramos,

Retulit Argolico fulgentia poma Tyranno.

Pro pignore amoris ac tessera aureum pomum
Graecis habitum. Theocritus

Βάλλει καὶ μάλοισι τὸν ἄπολον ὁ Κλεαρῖς

Idyl. v. 88.

τὸν αἴγας παρελθὼντα, καὶ αἰδύ τι πομπυλιάσδει.

petit & malis caprarium Clearista, capras praeter a-
gentem, & suave aliquid admurmurat. Quid vero

μηλοβολεῖν petere malis? innuere videtur Aristophanes In Nub. 943.

Μήλω βληθεῖς ὑπὸ πορνιδίᾳ

meretrix te malo petat, id est in amorem allicit:
mos enim illos petere malis, quos ad rem vene-
ream invitabant, quoniam Veneri sacra. Scho-
liaſtes ἀντι τῆ ἔρωτι. μηλοβολεῖν γὰρ ἔλεγον, τὸ εἰς ἀφροδίσεια δελεάζ-
ειν. ἐπεὶ καὶ τὸ μήλον ἀφροδίτης ἐστὶν ἱερὸν. Hinc Virgilius,
qui Theocritum saepissime imitatur, aliquando
latine facit, sic cecinit

Malo me Galatea petit lasciva puella.

Pomum uti amoris, & lasciviae symbolum, ex-
pressum in nummo Faustinae Aurelii conjugis,

N

quae

quae sui temporis mulieres corporis pulchritudine ac formae elegantia longe superabat.



At prae aliis singularem & praeclaram Statuam addere non negligam, quae quum magnam admirationem rei antiquariae studiosis ingerere possit, iisdemque non mediocrem voluptatem procreare, ipsius iconem heic ponendam duxi. Herculem repraesentat, qui sinistro brachio Hylam tenet, quem adamavit,

Theoc. Idyl.
XIII. 8.

Καί μιν πάντ' ἐδίδαξε, πάτηρ ὡσεὶ φίλον υἱόν.

In Herc. Fur-
rent. 375.
Ap. Vaill. in
numm. Elag.
p. 126. ed. Par.

Tunicae in sinu tria Hesperidum mala habet Hylas, ac pedem Herculis prope sinistrum Cerva stat erecto capite, eam namque Alcides agros devastantem occidit in monte Arcadiae Ceryneo, ejusque caede valde gavisam Dianam Euripides tradidit. In nummo ΓΕΡΜΗΝΩΝ *Germenorum*, qui Hellespontum incolunt, Hercules visitur manibus cornua Cervae discerpens. Poëtae Cervas cornutas fecerunt, ut animadvertit Pindari Scholia-
stes



Olymp. Od. iii. ftes εἰ μὲν τοι ποιηταὶ πάντες κέρατα ἐχέσας ποιῆσι. Sic in Anthologia *Μαινάλιν ἐλάφον* Cervam Herculis dixere, ut
 iv. 8.

In Phœn. 3.

thologia *Μαινάλιν ἐλάφον* Cervam Herculis dixere, ut Anacreontem Pindarum, aliosque omittam. At tamen Criticorum Graecorum mihi arridet sententia, qui Animalium adpellationes foeminino proferre in genere Poëtis morem fuisse diligenter observant: de quo videndus Scholiastes Euripidis: Quod de Jonibus pariter dixit Auctor magni Etymologici in *ἱππῶ*. Verisimilius tamen Herculis statua, ut opinor, Telephum ostentare videtur ipsius filium, quem ex Auge Aleonis filia suscepit, ac in sylva expositum cerva enutrivit: unde Corythus, a quo fuit educatus *προσαγορεύσας τήλεφον, ἀπὸ τῆς τρεφῆσης ἐλάφου* *Telephum* vocavit, quod *Cervae ubera sugentem*

iv. p. 167. ed.
 Han. vid. Aelian. xii. 42.
 Hygin. Fab. 252.

invenissent, ut adnotavit Diodorus Siculus. Cujus rei argumentum ex nummo Maximini Augusti peti potest, a Tarsensibus in ejus honorem cuso:



In quo Hercules visitur puellum sinistra sustinens, ad quem Cerva caput erigit, non dissimili ratione

ne ac in Statua nostra apparet , cum Epigraphe
 ΤΑΡΣΟΥ. ΜΗΤΡΟΠΟΛ. ΑΜΚΓΒ. Hunc praeclarum nummum
 maximi moduli servat Vindobonae Cimelium do-
 ctissimi Viri Caroli Granelli e Societate Jesu . Lite-
 rae vero ΑΜΚ in Tarsensi nummo non Ἀμφοτέρας Κυλικίας
 explicandae sunt , nam hujusmodi Harduini com-
 mentum jam pridem explofit clarissimus Norisius ,
 qui ex nummis , Pandectis , ac marmoribus osten-
 dit ante Arcadii Augusti decretum Ciliciam nus-
 quam in primam , & secundam partitam fuisse :
 verum interpretandae Πρώτης Μητροπόλεως Κυλικίας , uti
 & ΓΒ Γράμματι Βαλῆς *Decreto Decurionum* , quemadmo-
 dum Toinardus eximia eruditionis vir existimavit.

Neque heic praetermittere existimavi , et si extra
 oleam , ut dicitur , Inscriptionem Temesvensi di-
 tione nuper effossam , quam sibi poni curavit , prius-
 quam e vita excederet , Publius Aelius Ulpius De-
 curionatus munere perfunctus , namque saepe Tu ,
VIR EXCELLENTISSIME, memoriter eam reci-
 tare adsoles, ejusque politissimis nitidisque versibus
 jucunde delectari, qui Augusti potius seculum redo-
 lent, quam Trajani vel Antonini, sub quibus marmo-
 ri insculpta fuisse videtur , ut ceteras sepulcrales in
 Collectione Gruteriana Inscriptiones, quae quidem
 elegantissimae sunt , exaequet , vel facile superet .

Hanc sedem longo placuit sacrare labori

Hanc

*Hanc requiem fessos tandem qua conderet artus
 Ulpus emeritis longaevi muneris annis
 Ipse suo curam titulo dedit ipse sepulcro
 Arbiter hospitium membris fatoque paravit.*

Haec sunt, VIR EXCELLENTISSIME, quae non modo ex antiquis Graecis, Latinisque auctoribus, ut Tibi morem gererem, collegi; verum etiam ex ipsis vetustissimis inscriptionibus, quas Gruterus Vir doctissimus magno volumine complexus est, excerpfi, & excellentissima quaeque libavi. Persuasum est enim mihi propter singularem tuum in me amorem, & ob quandam eximiam benevolentiam, jucundum fore, ac gratissimum Tibi, me omnibus unum in locum coactis scriptoribus, haec minime dubia, & plane explorata compilasse: in quo non parum elaboravi in recondito, multiplici, subtilique negotio versatus. Quid autem magis arduum, atque gravissimum judicavi? quam veterrima rudera, antiquitate ipsa, & longo temporis curriculo depravata, ac macie confecta, in praeclaram, quantum potui, lucem reducere. Hoc tamen non praetereundum heic existimo, quod etsi Legionem XIII. Geminam nuncupatam fuisse Antoninianam dixerim, non quidem a Marco Aurelio, sed a Tito Aelio Antonino adversus Lazii gravissimi Auctoris senten-

tentiam, quam omnes fere, quantum scire potuerim, Antiquarii uno ore secuti sunt; tamen fateri oportere operae pretium judico, hoc non sine variis nominibus, praestantissimisque rationibus me fecisse, quas jam in hac mea dissertatione copiose exposui, ut a clarissimi Viri sententia discederem. Nec mirum; nam maxima hominum pars saepenumero, quo itur, sed non quo eundum est, temere pergit: quod nostris quoque temporibus factum vidimus. Opinati enim sunt omnes ferme, columnam Cochlidem in via Flaminia, Antonini Pii Patris esse, non Aurelii ejus Filii, quamvis bellum Germanicum in ea descriptum viderent, quod non ad Aelium Titum, sed ad Marcum Antoninum pertinuisse Dio enarrat: atque in hunc errorem raptos eos tantum temporis fuisse constat, donec in Campo Martio Antonini Pii columna fuit effossa ac patefacta expensis Clementis XI. Pontificis Maximi Antiquitatis Amantissimi, Literarumque Praesidis, ac Fautoris. Denique quum sis tot, tantisque nominibus generosus Avitis, ut morum nobilitate facile genus exsuperes, multum confido pro incredibili, & singulari Tua humanitate Te, eorum, quae ego de his Herculaneis Thermis jam differui, benignum tore cenforem; imo mihi quoque magna, ac exopta-

optatissima erit voluptas , si paulo diligentius ,
quid de his rebus dicant , attenderis , rei Anti-
quariae Triumviri , Sedis Apostolicae nomine ad
Caesarem delegatus Praeclarissimus Dominicus
Passionaeus , cujus auspiciis nunc iterum

illa inclita Roma

Imperium terris , animos aequavit Olympo.

Amplissimus Comes Janus Basilius Serbellonius ,
Caesaris a secretioribus Aulae Consiliis

sincera bonorum

Congeries , in quo veteris vestigia recti ,

Et ductos videas mores meliore metallo.

Et V. C. Pius Nicolaus Garellius , Caesaris a Bi-
bliotheca , ejusque itidem Archiater , qui potis est

vitae hominum ratione medendi

Porrigere , ac fatis amplificare moras .

Quae tamen severiori iudicii ipsorum censurae sub-
mitto , gravissimorum virorum adprobationem as-
sequi non desperans : sic , ut jucunde dicere possi-
mus , quod Aegyptii quodam festo concinere so-

Athenag. le-
gat. pro Christ.
p. 88. edit.
Oxon.

lebant *εὐχόμεν ; συγχαίρομεν* . Tandem , VIR NOBI-
LISSIME , ut instituisti , me diligas , rogo , pro-
prieque Tuum esse Tibi persuadeas .

F I N I S .

Die 3. Martii 1739.

IMPRIMATUR ,

F. Joseph Maria Chiesà Provicarius S. Officii Mantuæ.

V I D I T

Franciscus Bersellus .

D E
U S U
E T
PRÆSTANTIA
THERMARUM
HERCULANARUM

QUAE NUPER IN DACIA TRAJANI DETECTAE SUNT

PASCHALIS CARYOPHILI
DISSERTATIO EPISTOLARIS

A L T E R A

QUAE AN. MDCCXXXVII. KAL. AUG. CONFECTA
NUNC PRIMUM PRODIT.



PUBLICA AUCTORITATE EXCUDEBAT

MANTUAE AN. MDCCXXXIX.

Apud Typographiam S. Benedicti Hæres Alberti Pazzoni
Archiducalis Impressor.


Ταῦτα δεδοξάσθαι μὲν εἰκότες τοῖς ἐπύμοις.

Ista probabiliter sunt dicta, propinquaue veris.

Plutarch. Symp. ix. p. 746.

A D
EXCELLENTISSIMUM
DOMINUM
JANUM BASILIUM
A CASTELU.

ALAGON, ET BORGIA, COMITEM A CERVEL-
LON, ET BUNNOL, MARCHIONEM A VILLA-
TORCAS, BARONEM OROPRESSAE, HISPA-
NIAE MAGNATEM, CAESARIS A CVBICV-
LO HONORARIO, EJUSQUE AB INTE-
RIORIBUS, AC IN SUPREMO ITI-
DEM ITALIAE CONSESSU
A CONSILIIS.



OMINES hominum
causa generatos ef-
se, ut ipsi inter se alii aliis

A 2

pro-

prodesse possint, receptum est,
VIR EXCELLENTISSIME. Inest
enim in iis conjunctio, & quasi
quaedam societas & communi-
catio utilitatum: ex quo caritas
generis humani erumpit. Qua-
propter cunctis, qui eam miri-
fice, & aequè tueri cupiunt,
exoptandum est sui ingenii vi-
res, quando ipsis otii fructus
datus est, integras consumere
in celebrandis, recolendisque
rebus, quae ad totius comple-
xum gentis humanae pertine-
re videntur. At quid praestan-
tius? quidque magis utile eo-
rum conditioni excogitari po-
test? quam investigare, quae
corporis humani salutem & in-
co-

columitatem respiciunt : nam
ea saepissime, & quasi semper
homines laborant, quippe uni-
versa corporis coagmentatio
ab impulsione vehementi alio-
rum corporum labefactatur,
& frangitur, atque ad mor-
bos, senectutemque compelli-
tur. Hinc in variis morborum
generibus gravius, vehemen-
tiusque, quam a vitiosa victus
ratione, torqueri, affligique
nos sentimus a peculiaribus lo-
corum effluviis, ab assiduis ven-
torum commutationibus, & ab
aëris varietatibus, quae non
paucos quosdam, sed totas ci-
uitates interdum depascuntur,
ac misere perdunt, corporis
hu-

humani organis nimium laxa-
tis , aut contractis . Non im-
merito igitur sapientissimi il-
li , quos primum medicinam
excoluisse constat , apud uni-
versas terrarum orbis nationes
summum honoris gradum sunt
affecuti , ut ipsis simulacra ,
templa , araeque excitarentur ,
ac denique in Deorum nume-
ro esse posteritas voluerit , post-
quam ex hac vita migrassent ,
ac tanquam malorum depulso-
res , averrunci σωτήρες votis invo-
carentur . Haec saepenume-
ro , VIR EXCELLENTISSIME ,
mecum animo repetens , cogi-
tare coepi , aliam dissertatio-
nem de utilitate , ac praestan-
tia

tia Thermarum, quae in Dacia
Trajani nuper detectae sunt,
componere: quumque earum
situm, ac vetustatem, omni
qua potui, diligentia e tenebris
eruissem, omnesque inscriptio-
nes ibi effossas summo studio
explicare curassem: operae pre-
tium erat de aquis ipsis subtili-
ter, & copiose differere, & qui-
bus sane morbis opem, atque
auxilium ferre possint, sedu-
lo perquirere. Persuasum est
enim mihi ipsas, quoniam va-
ria aliorum corporum elemen-
ta continent, saluberrimas ef-
se, dummodo qui adversa va-
letudine afficiuntur, eas dili-
genti cura, atque consilio adhi-
beant,

beant , ut ad sanitatem pervenire possint . Quam ob rem hac cogitatione impulsus , ex analyse , quam Excellentissimus Comes Andreas Hamiltonius Legatus Augusti , & Propraetor Provinciae Temesvenfis , qui apud me & auctoritate & beneficiis & dignitate plurimum potest , a peritissimo Medico Joachimo Crammero in Thermis faciundam jussit : necnon ex quamplurimis experimentis , quibus non pauci gravissimis affectionibus atque diversis morborum cruciatibus oppressi , ab ipsarum usu , & medicina , tanquam a salutari remedio , opem acc-

ceperunt; intentis, ac liberioribus animis peruestigare suscepimus, qua ratione, & quibus ex causis, aegrotorum incolunitati, earum auxilio, subveniretur. Quis non animadvertat in hoc opere perficiendo multum operae, sudorisque oportuisse, non modo ob rerum materiam, in qua versari convenit, quae certissime multis scatet difficultatibus; sed etiam quia optimam aegrotantibus viam tradere opus fuit, quae eorum sanitati restituendae, aut conservandae summo opere conducere. Unde quamvis initio alteram hanc meam dissertationem in vulgus emit-

B

tere

tere dubitaffem, tamen animo
non defeci id quam citiffime
exequi, ubi ardorem ingenio
ac faces admovifti. Cogitabam
enim Te facile magnitudine
animi Tui fore, ut has meas
vigilias aequi bonique faceres,
qui non folum genere, & no-
bilitate, quam doctrina & pru-
dentia alios antecellis: imo &
amicitia & hofpitio flores do-
ctiffimorum virorum, quibus
etiam mea ifthaec examinan-
da poffis committere. Hi qui-
dem & praefentes quotidianis
Tuis fermonibus & abfentes
ex Tuis jucundiffimis epiftolis
multa elegantia, venuftate,
atque latinae linguae nitore
con-

conscriptis, indicibilem in Te,
ac perfectam rerum cognitio-
nem admirari solent. Namque
philosophiae multum tempo-
ris ab adolescentia consumpsi-
sti, veteresque scriptores quo-
tidie versas, e quibus praece-
pta ad bene vivendum atten-
tissime depromis, ac denique
historiam egregie, & pruden-
tiam juris publici & antiqui-
tatis peritiam & exemplorum
copiam mirifice tenes, jurisque
constituendi rationes, & rem
publicam regendi potestatem
sic recte calles, ut CARO-
LUS VI. semper Augustus,
qui omnia summo studio, opti-
mo consilio, & facilitate ge-
rens,

rens, suorum ingenia, ac mo-
res peracute discernit, Te in-
ter alios egregios viros ad sum-
mam rerum Italiae admini-
strandam selegerit, ac in pu-
blicis, arduisque negotiis Te
summis honoribus, dignitati-
busque decoratum semper ad-
hibere optat. Huc accedit,
quod omni tempore sapien-
tiae, atque eruditionis fautor
fueris. Nam maxima benevo-
lencia, & humanitate tutaris,
beneficiisque cumulas, qui in
studiis, literisque omne tem-
pus suaviter consumunt, ut di-
vinarum, atque humanarum
rerum scientiam consequan-
tur. Quid enim optabilius sa-
pien-

piencia omnium rerum moderatrice? quid praestantius? quid denique melius, & homine dignius? Sapiens enim maxime perspicit quid in quaque re verissimum sit, quique & acutissime & celerrime potest & vestigare & suaviloquis expandere dictis rerum causas, totiusque universi, in quo movemur, structuram admirabilem, armoniamque cognoscere. Sapiens mente Deos adit, rectique & honesti custos semper temperatus est, semperque constans in rebus agendis: caret illi petus inani ambitione, caret ira, quae inquietis affidens praecordiis somnos aufert, animique

que tranquillitatem: illum non
civium ardor, non trabeae, non
fasces, faevaeque secures, unde
alii metuunt, dolentque, sed
scelerum facies exterret. Om-
nes haec nobilissimi animi Tui
dotes, atque virtutes ab egregia
parentum Tuorum institutio-
ne, & optimis vitae praeceptis
mirabiliter Te comparasse quis
jam ignorat? semper enim ma-
jores Tui in promovendis lite-
ris, ac doctissimorum hominum
industria fovenda studium suum
omne posuerunt. Fuit quidem
hoc commune, atque laudabile
universae Hispaniae Tuae in-
stitutum, ut acutissimi ingenii
viri, liberalibusque artibus or-
na-

nati omni tempore in ipsa maxima omnium admiratione flo-
rerent. Et sane Romani ipsi,
qui omnia aut invenisse per se
sapientius, quam Graecos, aut
accepta ab illis fecisse meliora
gloriabantur; magno in hono-
re ac precio eruditissimos Hi-
spanos habuerunt, ut Romam,
quae una in terris omnibus do-
mus erat virtutis, libertatis, im-
perii, dignitatisque, munifice,
& large eos invitarint, quos in-
ter primus laudandus occurrit
Sextilius Hena vir ingeniosus,
quem M. Annaeus Seneca prae-
stantissimus rhetor itidem Hi-
spanus summopere ab elegan-
tibus, atque latinis carminibus
com-

Suas. VI. p. 50.
edit. Amstel.
1672.

Plin. xx. 15.

In Praef. con.
tr. p. 69.

commendat: necnon Lucanus,
Martialis, Silius Italicus, qui
inter excellentissimos quoque
poëtas adnumerantur. Hinc
etiam Portius Latro clarus in-
ter dicendi magistros, M. An-
naei Senecae amicus & sodalis,
omnium commendatione, &
fama illustris ipsam dicendi ar-
tem, atque exercitationem sub
Augusto Romae professus est:
& multo post, alterum Hispa-
niae lumen, Quintilianus, Ve-
spasiani Augusti auctoritate
fretus, publicam in Urbe ape-
ruit scholam, in quam omnis
confluebat juvenus, ut libera-
les artes, & optima dicendi
praecepta ab ipso edoceretur.
Nec

Nec silentio praetereundum
existimo Antonium Julianum
rhetorem, qui & ingenio &
auctoritate cum iis est compa-
randus. Is enim summa doctri-
na & iudicio praeſtans, ac fir-
ma ornatus memoria, quae the-
ſaurus omnium rerum eſt, at-
que inventorum cuſtos, Ha-
driani Auguſti temporibus rhe-
toricem Romanis adoleſcenti-
bus itidem tradidit. Multum
quoque debet antiquitas Ha-
driano, & Trajano, quos in
Hiſpania natos ad ſummum
Romani Imperii culmen eve-
xit tanta rei militaris ſcientia,
atque diſciplina, civilisque pru-
dentiae ratio, quae multis &
C ma-

Aul. Gell. xv. l.
p 662. ed. Lu-
gd. Bat. 1706.

magnis ex rebus constat, ut Romanam Rempublicam suorum praedecessorum vitio deturpatam, & incuria jam labentem restituerint ac fortiter repararint. Horum quoque vestigia recentiores Hispani diligentissime sunt profecuti, unde non minorem gloriam, estimationemque ubique terrarum apud posteros adepti sunt, quos leviter transire, & unumquemque perstringere opus non est, quum abs Te in doctissima, ac politissima epistola, quam eleganti Ferdinandi Ruizii Villegatis Burgenfis poetae eximii operi adjectam videmus, perhonorifica de iis men-

mentio nuper facta jam sit: solus tamen mihi, ne longe abeam, memorandus superest Franciscus Ximenius, qui ab Julio II. Pontifice Maximo ad Cardinalis dignitatem promotus, & a Ferdinando Hispaniarum Rege non tantum Toletanam Ecclesiam consecutus, sed & universae Hispaniae Reipublicae administratione sibi delata, laudabili instituto, non modo lapsam Ecclesiasticorum disciplinam, atque corruptos mores in meliorem statum restituit, verum etiam suis expensis sacra Biblia, Latina, Graeca, Hebraea, ac Chaldaea lingua conscripta, ut Ori-

genem aemularetur, Compluti
edere studuit : tantumque ad
opus perficiendum plurimis ve-
teribus codicibus undique con-
quisitis , homines orientalium
linguarum peritia instructissi-
mos admovit , quos inter Joan-
nes , & Franciscus Vergarae
cum Ferdinando Pinciano , &
Antonio Nebriffensi egregiam
operam navarunt . Quam Bi-
bliorum editionem Benedictus
Arias Montanus linguae He-
braicae, & Chaldaeae ad prime
peritus elegantiore forma Ant-
verpiae recudendam ex man-
dato Philippi II. Hispaniarum
Regis diligenter curavit, quin
Gallis, & Britannis meliora per-
ficien-

ficiendi viam commonstravit
ac patefecit. Quid dicam de in-
signi philosopho, & medico cla-
rissimo Gomeſio Pereira? quem
honoris causa nomino. Floruit
anno aerae Christianae 1554.
quo tempore Aristotelis, &
Scholasticorum doctrina homi-
num mentes adeo invaſerat, ut
nemo tunc reperiretur, qui eam
veluti e coelo demissa non ex-
ciperet, ac tutaretur. Sed in
tanta rerum difficultate ac di-
ſcrimine ſolus extitit, qui om-
nium admiratione

mortales tollere contra

*Est oculos ausus, primusque obſi-
ſtere contra.*

ac primus, qui philoſophandi
liber.

libertatem in res phyficas inve-
xerit. Hinc materiam primam,
quae in Scholis continuo au-
diebatur , omnino ab homi-
num animis delere conatus est.
Galenum etiam circa febrium
materiam objurgare non de-
stitit , quem non dolo , sed
ignorantia excaecatum aper-
tissime ostendit in sua *Anto-
niana Margharita* , quod opus
phyficis , ac medicis utile , a
suorum parentum nomine nun-
cupatum vulgavit Medinae an-
no 1554. Denique bruta ani-
malia penitus non sentire, sed
purastantum machinas esse do-
cuit: quam Graecorum opinio-
nem etsi antiquissimam , ipse
ta-

tamen denuo revocavit , solidisque argumentis confirmavit , ac clarissimum praetulit Cartesio lumen amplissime de eadem re postea disputandi . Unde a cunctis fere hujus sententiae inventor , & princeps habitus Gomefius . Hujus itidem dissimilis non fuit Bernardus Alderetes Hispanici nominis decus , atque ornamentum , qui Hebraicis , Arabicis , Graecisque literis ornatissimus , in aperiendis Hispaniae antiquitatibus , primus omnium acutissime indicavit colonias , quas Phoenices pluribus in Graeciae insulis , atque in ipsamet Hispania , & Africa constituerunt .

runt . Qua in re anteivit Sa-
muelem Bochartum , qui ipsius
vestigiiis incedens , magnum ac
difficile opus *Chanaan* inscri-
ptum condidit . Verum mira-
buntur nonnulli , VIR EXCEL-
LENTISSIME , qui in jure civili
rudes , aut non multum in per-
legendis veterum Jurisconsul-
torum libris sunt versati , me
de rebus , quae ad medicinam
pertinent , scripsisse . Sed Tibi ,
qui Romanae Jurisprudentiae
uberem notitiam habes , satis
notum , ac manifestum est , ne-
minem posse Jurisconsultorum
libros interpretari , nisi absolu-
tam scientiarum peritiam con-
tineat . Sapientissimi enim il-
li

li Romanorum jurisconditores
saepissime de venenis loquun-
tur, ac de quibusdam morbis,
praefertim de sacro, necnon de
variis medicamentorum spe-
ciebus, quae nocendi causa ab
hominibus parantur, atque de
abortu, & de octimestri, &
septimestri partu, quem vita-
lem doctissimi viri Hippocra-
tis auctoritate definiunt, ac
tandem de causis etiam disse-
runt, quae quum aërem pessi-
me inficiant, graves in huma-
no corpore valetudines produ-
cunt. Medicinam igitur fun-
ditus studuisse oportet, qui ju-
ris civilis cognitionem, & in-
terpretationem adgredi cupit.

D

Qua-

Quapropter ego , qui hisce
studiis non alio consilio ope-
ram dedi , quam ut Roma-
nam Jurisprudentiam profite-
ri possem , multum operae ,
onerisque substuli in hac dif-
fertatione conficienda , quam
Tibi dedicare audeo , tan-
quam perenne officii mei er-
ga Te monumentum , cujus
neque benevolentiam in me
ignorare , neque auctoritatem
aspernari , nec fidem negligere
debui, VIR EXCELLENTIS-
SIME.

Quan-



Quantum Recentiores In augendis ,
locupletandisque rebus , quae ad
medicinam spectant , diligentissi-
mi , atque excellentiores , quam
veteres fuerint , perfacile percipi
ac comprehendendi potest , non solum ex tot , tan-
tisque ipsorum inventis , quae anatomiam respi-
ciunt , & optimam philosophandi rationem , qua
duce in perscrutandis naturalibus , abditisque
morborum causis meliori methodo progressi sunt ;
verum etiam ex laudabili Chemiae cultu , cuius
auxilio praestantissima excogitarunt medicamen-
ta , quae corporis humani curationi summopere
profecisse in comperto habemus . Antiquissimis
enim Medicis cum Graecis , tum Latinis penitus
haec scientia ignorabatur , quae corpora omnia
igne , & variarum rerum conflictu in sua princi-
pia ac elementa dividere , eaque expurgare , at-

D

2

que

que iterum cōjungere docet. Et sane tum temporis Medici nullum Chemiae usum habuerunt in iis , quae nunc ad medicamentorum compositionem pertinent ; ignorabant enim primarias ejus operationes , ignemque non adhibebant in deducendis ex metallorum , fossilium , ac vegetabilium regno medicamentis , quod Arabes postea fecerunt , atque ex iis salubres elicuerunt vires , unde orta est Chemia medica , ut infra demonstrabimus . Nam ex Galeno , qui plurima de varia eorum praeparatione , & viribus scripsit , quae suo aevo cognoscebantur , nihil de Chemicis expressim colligitur etsi multa ex corporibus dedu-

De Ther. ad
Pison. 16.

ci ignis auxilio posse noverit , *multa ignis commercio meliora redduntur , & interdum latens rerum natura in apertum ab igne profertur .* De his quoque silent alii Graecorum Medici , qui amplissime de ea materia scripserunt , Oribasius , Aëtius , Aegineta , Aretaeus , Trallianus , ceterique . Eo enim tempore solummodo Metallorum Chemiam cognitam constat , quae in expoliendis mineralibus a suis foecibus versabatur , atque etiam in commutandis iis , quae vilissima erant , in alias nobiliores species . Hinc apud Svidam Chemia

Svid. in Χημεία.

ἡ τῆς ἀργύρου καὶ χρυσοῦ κατασκευὴ argenti & auri compositio dicitur : quin ita hominum mentes Diocletiani

tem-

temporibus hujusmodi desiderio flagrabant , ut Imperator ipse Chemicorum scripta , quae in Aegypto , ac vicinis regionibus reperiiebantur , comburi jufferit , ne amplius publicis seditionibus locus esset , quae ob divitiarum spem , & expectationem conflari ab iis solebant , quarumve copia Romanis in posterum obsisterent .

Arabes autem capta sub Amro Alexandria , ubi Graecanicae scientiae , & praesertim medicina summo studio colebatur , Medicorum Graecorum ex Syriacis versionibus in cognitionem venerunt . Syri enim , qui tunc temporis Christianam profitebantur Religionem doctissimi , literisque instructi , veteres Graeciae scriptores in suam vernaculam linguam jam transferre curaverant . Quorum vestigiis dein Arabes insistentes atque exemplo praecipue ducti Maser-Jawaihi Syri , qui anno Christi 683. primus omnium Aharonis Alexandri-
ni sacerdotis Mahumede imperante clarissimi pandectas medicinae Arabice fecerat . Atqui sub Abdalla Almamone Chalifa VII. , quo nemo inter Abbasidas doctior , anno Hegirae 198. Christi 813. Hippocratis , Aristotelis , Dioscoridis , Galeni , & aliorum Graecorum libros in suum sermonem convertere exorsi sunt . Quapropter Medicina summo-
pere sub ejus imperio inter Arabes floruit , quae
ante

ante a paucis exculta, & solum empirica audiebatur. Et quamvis rerum medicarum notitiam ex Graecorum scriptis hauserint, plurima tamen nova excogitarunt. Legimus enim quamplurimas simplicium medicamentorum species ex plantis deductas, atque antiquis Graecorum Medicis omnino ignotas, nobis demonstrasse, veluti mannam, rhaubarbarum, cassiam, senam, aliasque, quae mirificam in purgandis humani corporis humoribus operam praestant; imo & sacchari usum, quem Graeci ignorabant, in rem medicam communiter introduxerunt: namque ab Hippocrate, Galeno, ceterisque medicinae scriptoribus, ejus loco mel adhibitum fuisse constat. Quam ob rem ex sacchari frequenti usu, variae quoque remedium compositiones derivarunt, quae hodie magna ex parte *θεραπευτικῆς* apparatus designant. Sed quod laudi ipsis ducitur, primi quaedam medicamenta excogitarunt, quae ex recenti Chemiae studio exceperunt: unde magna hominum utilitate ex variis, diversisque corporum generibus, metallis, plantis, ac animalibus saluberrimas, optimasque per Chemicas operationes elicerunt opes, ex quibus aegroti ad pristinam sanitatem recuperandam in posterum eximiam utilitatem sunt consecuti. Antiqui Graeci harum
re-

rerum ignari magnopere inefficiendis medicamentis aridi, rudes, ac mutili extitere. Celeberrima haec Chemiae pars, quae sanitatem longe opibus omnibus praestantiorē tuetur, olim *I-muth* vocata est: quare Zosimus Chemius Aegyptius libros suos inscripsit *περί τῆς Ἰμύθου*. Hic est ille Zosimus, ut opinor, quem inter Medicos numerat Paullus, & Nicolaus. At quae ejus inscriptionis ratio? id sane obscurum & hactenus intentatum: dicam tamen quod succurrit. Hebraeis, quorum linguae in pluribus Aegyptia erat affinis *איה כבוד* est *ubi mors*? Non potuit quidem brevius, nec illustrius Jatrochemia commendari, hoc est, mors per ipsam in fugam acta est, & cum nusquam compareat, opus est quaerere, & rogare ubi gentium sit? Eadem forma in Malachia *איה כבודי* 1. 6. *ubi gloria mea*? id sibi vult, gloriam inter Hebraeos amplius nullam esse, alioque longe evolasse. Hanc Aegyptiorum medicinam, quam *ἱερὰν καὶ θεῖαν τέχνην* *sacram & divinam artem* Graeci posteriores adpellarunt, Prophetæ ediscebant, qui, ut eam in arcanis haberent, plantarum, quibus medendo utebantur, nomina immutarunt. Hinc aliter plantas vocabant ceteri Aegyptii, aliter Prophetæ, imo & metallorum nomina in ea Solis, & Lunae, ac reliquorum siderum abierunt.

vii. 19. de
unguent. 18.

De Simplicib.
2.

De Pillul. 117.

runt . Itaque apud Dioscoridem , & Apulejum plurimae occurrunt stirpium appellationes ab usitatis Aegyptiis diversae , tanquam Prophetarum propriae : sic Plantago , quae Aegyptiis *Aschat* , Prophetis est *cauda ichneumonis* : quinque folium illis *orphitebeoce* , istis vero *ibidis unguis* , atque alia sexcenta . Sollicite igitur Aegyptii cavebant , ne sua illa *I-muth* evulgaretur , idest Chemia , quae arcanam scientiam sonat ab voce Arabica *تم* *textit* , *servavit* . At nil sane mirum , si ad Arabes , qui jam Aegyptios subegerant , penetraverit . Rara extant vestigia in veteribus ejus gentis Medicis . Omnium antiquissimus , qui de ea re mentionem inierit , est Joannes Mesawiaihi , idest Mesue filius , qui alembicos *vasa sublimationis* vocat , eorumque ope absinthii , & rosarum aquas sublimari ait . Fuit Christianus , natione Syrus , sed Bagdadi , quo Chalifae sedem posuerunt , versatus est , annoque Hegirae 175 . Christi 791 . clarescere coepit . Abul-Casim itidem de alembico , & balneo-mariae loquitur , qui floruit anno Christi 1085 . Graeci , qui Arabum methodum secuti sunt , hos liquores sublimatione collectos , si ex intybis , vocarunt *εντυβόσγυμα* , ut Actuarius , si ex rosa *ροδόσγυμα* , quod saepissime apud Nicolaum occurrit , qui Alexandriae , post Myrepsum , & Joannem

nem Mesue floruit. Hujus interpretes Fuchsius stillatitios rosarum liquores idest *ροδόσαγμα* intelligit, per ignem elicitos. Idem visum Johanni Langio. Epist. 23. Nicolaus rhodostaci nomen aliter usurpat. Et re- De Zulapio 2. cte, quamvis veteribus Graecis in similibus vocibus alia mens. *Στακτὴ* Dioscoridi est lixivium decoctum ut stillatitium mel. Marcello est mel eliquatum, quod non solum elutriando, & decupulando fit, sed sacco etiam, & fisco, & linteo; imo lana in funiculum retorta. Hic tamen liquores influendi modus Antiquis haud fuit ignotus. Plato *ὡς περ τὸ ἐν ταῖς κύλιξιν ὕδωρ, τὸ διὰ τῆς ἐρίης ῥέον ἐκ τῆς πληρετέρας εἰς τὴν κενωτέραν* *velut in calicibus aqua quae ex* In Conv. p. 175. ed. H. S. *pleno in vacuum per lanam influit.*

Post hunc Rasis ad Almanforem Chorosanae Lib. VII. 5. in rectorem hydrargyrum sublimatum causticum ad Praef. antid. strumas delendas, aliasque carnis excrescentias deprimendas commendat. Obiit Rasis anno Hegirae 320. qui est Christi 932. Ejus verum & plenum nomen est Abubekir Muhammed Zachariae filius Al-Razi. De hydrargyro sublimato meminit etiam Aben-Zoar, qui vixit anno Christi 1163. Veteribus ergo Graecis nihil de Jatrochemia suboluit, & vanus est Melchioris Guilandini conatus, dum Aristotelem Chemicis medicis inserit. Movetur ex eo, quod oleum ex sale depromi testatur,

Problem. sect. statatur, quod nullus nisi Chemius praestabit *ἀπὸ γὰρ*
 23. quæst. 15. *τῶν ἀλῶν ἔλαιον ἀφαιρέσται, quoniam ex sale oleum depromi*
 p. 603. ed. Au-
 rel, Allobrog. *potest*. Attamen ille philosophorum maximus nul-

lum novit oleum, quod ex sale sponte exudat:

fic enim suam ipse mentem jam supra expresserat

λιπαρὸν γὰρ ἔνεστιν ἐν τῷ ἀλμυρῷ χυμῷ. σημεῖον δὲ ἐκκρίνεται γὰρ ἔλαιον

ἐν ταῖς ἀλέαις, inest enim aliquid pinguis in succo salso.

Indicium, quod die tepidiore oleosum quoddam se-
cerni videmus.

Verum majores, & indicibiles medicina pro-
 gressus confecit, quum Chemiae scientia, quae
 antea in Asiae, & Africae regionibus inter Ara-
 bes solummodo nota erat, excoli diligentissime
 apud Europae incolas coepit: unde ortae pluri-
 mae corporum non modo solidorum, sed fluido-
 rum solutiones in praecipua sua elementa, quae
 res physicas, atque veras omnium partium na-
 turas, quibus admiranda corporum structura con-
 stat, eximie illustrarunt. At quod novissimum
 fuit, aliisque medicorum antecessoribus inusita-
 tum, Chemiam in explicandis ac inquirendis ca-
 lidarum aquarum e terra sponte nascentium prin-
 cipiis sedulo Recentiores usurparunt, ut propriam
 earum indolem, & certam in explicandis morbis
 vim perspectam haberent. Natura quidem, quae
 provida semper, atque solers est, medicatos fon-
 tes

tes ubique terrarum , ad maxima hominum com-
moda , atque utilitates produxit ; incomparabi-
les , & ferme divinas mineralibus aquis virtutes
elargita est , non minus ad curandas aegrotatio-
nes , sed ad prohibendum , ne graves incideretur
in morbos , ut omnia exquisitissima arte concin-
nata remedia longissime exsuperent . Quis vero
de ullo alio medicamento id sibi polliceri potest ?
aut etiam hoc sperandum putat ? ut citissime , &
tuto sine aliqua virium defatigatione , per omnia
cujuscumque generis emunctoria , sordes , quae
graves valetudines foveant , e corpore hauriat , ac
expellat , quam Thermae ? quae non solum con-
gestam in ventriculo , & intestinis foecum collu-
viem promptissime detrudunt , sed etiam in sangui-
nem intrusae , sales , coacervationesque impura-
rum partium solvunt , ac per urinam ejiciunt , &
tandem per cutis poros subtilissime eliminant .

Neque aquae hae medicinales purgandi tantum
facultatem habent , sed insignem etiam concitan-
di vim possident ; quapropter adprime lentis , ac
tenacibus humoribus dissolvendis , acribus , & fa-
linis diluendis , ac moderandis , acidis inverten-
dis , & corrigendis , atque obstructionibus mini-
morum vasorum aperiendis opem ferunt : quin
corpus lassitudine exanimatum reficiunt , ac cor-

roborant . Et quod praestantissimum est , praeclaras has vires omni securitate , & absque aegrotorum molestia exercent ; ideoque tutissime non modo firmis corporibus , verum etiam admodum imbecillis , ac convalescentibus , necnon mulieribus puerperio egressis , ac gravidis , & denique senibus suaderi , & propinari possunt , atque omni aetati , temperamento , sexui etiam conveniunt , & quovis anni tempore , hyemali quoque , tuto , & utiliter adhiberi valent . Quod certissime non accidit aliis medicamentorum generibus , quae non promiscue , & communiter a Medicis praescribuntur .

Neque id praetereundum existimo , quod in his fontibus maxime admirari oportet , nimirum quod contrariis quasi viribus in medendis morbis polent . Etenim si alvi purgationes nimiae sunt , eas benigne sistunt , atque compescunt , & vicissim si deficiunt , ipsas optime promovent , imo si ventriculus , & praesertim duodenum , bilis copia opprimitur , vomitu deplent , atque etiam illico molestam reprimunt vomitionem , qua hypocondriaci acerrime affliguntur . Insuper si menstruus sanguinis in foeminis fluxus , aut sanguinea in hominibus per hemorrhoides consueta eruptio interrumpatur , praestantem vim in excitandis , ac
re-

revocandis iis habent; vel si ani, uterique venae plus justo cruoris fundunt, eadem nimium cohibent profluvium. Quapropter Galenus valde errasse mihi videtur, qui aquas nitrosas, falsas, & sulfureas plus nocere qualitate, quam evacuatione juvare judicavit: quod non minus experientiae, quam rationi adversari compertum est. Verba ejus heic exponenda censeo, *Balnea vero calida ex aqua potabili profunt, tum quia aliquid bilis educunt, tum etiam quia sua qualitate plurimum juvant: nam hujusmodi omnia balnea humectant, ac potentia refrigerant: Marinae autem aquae, & falsae, nitrosae, atque sulphureae plus quidem bilis educunt, sed multo minus, quam potabiles profunt. Praestat vero neque ipsas utiles dicere, quandoquidem plus qualitate nocent, quam evacuationibus juvant.* Quo magis miror Galenum infalubres credidisse, quum alibi fateatur aquas thermales suis temporibus ἰδατα φαρμακώδη vocatas, inque medicinae usu jam usurpatas fuisse, aegrotosque non solum corpora in eis abluere, sed & potare solitos esse.

De Arte curat. ad Glaucon. I. 9.

De Sanit. tuend. IV. 4.
De Medicam. sec. loc. III. I.

Non immerito igitur Recentiores Medici totas animi vires in perquirendis ac investigandis harum aquarum elementis posuerunt, unde tot tantique clarissimi viri in perficienda earum analyse apud varias orbis nationes, Chemiae ope, diligenter

genti industria ac solertia elaborarunt . Nec Thermae solum , sed acidulae aquae , quae apud Gallos , Anglos , Germanos , & Italos abundantissimae existunt , summa cura illustratae sunt , & earum vires & indoles detectae , ac quibus prosint aegrotantibus abunde patefactae , ut homines hoc naturae auxilio & largitione uti possint ad recuperandam pristinam salutem , ac seipsos a morborum impulsu fervandos .

Medicorum antiquissimus Hippocrates , qui pri-
 Plin.hist.Nat. mus medendi praecepta clarissime condidit , veterum-
 xxvi. 2. que medicinam in ordinem reduxit , nullam penitus de medicatis aquis mentionem facit . Solummodo in libro *de aëre , locis , & aquis* , quem ad sanitatis tuendae artem spectare , & ad Gymnasticen referri , quae illius artis pars est , Galenus ad *Trafybulum* scribit , & Erotianus inter *αἰτολογικὰ καὶ φυσικὰ* refert , de cognoscenda aquarum simplicium natura differuit , ut possent optimae , ac puriores ab illis dignosci , quae ob suas impuritates humano corpori infensas multum nocent : meminit tamen aquas ὥσων εἶεν αἱ πηγαὶ ἐκ πετρῶν . σκληρὰ γὰρ αἰνάγκη εἶναι . ἢ εἴτε ὅκχι θερμὰ ὕδατά εἰσιν . ἢ σίδηρῳ γίγνεται , ἢ χαλκῷ , ἢ ἀργυρῳ , ἢ χρυσῷ , ἢ θείῳ , ἢ συμπληρίῳ , ἢ ἄσφαλτον , ἢ λίθον . ταῦτα γὰρ πάντα ὑπὸ βίης γίνονται τῷ θερμῷ , quarum fontes in saxosis locis sunt (quas duras esse necesse est)

p. 284. edit.
 Foëf.

est) aut si ubi calidae aquae existunt , aut ferrum nascitur , aut aes , aut argentum , aut aurum , aut sulphur , aut alumen , aut bitumen , aut nitrum .

Haec enim omnia caloris vi proveniunt . Sed heic Hippocrates de iis tantum calidis aquis , quae in metallis erumpunt , locutus est , quod ex eo intelligi clarissime potest quod in salubres judicat

ἡ πόσις ἐν ποιότητι γῆς ὕδατος ἀγαθὰ γίνεται , ἀλλὰ σκληράτε καὶ καυσώδεα . διέρεσαι χαλεπὰ καὶ πρὸς τὴν ἀσχωρήσιν ἐναντία εἶναι , νε-

que igitur ex hujusmodi terra bonae aquae nascuntur , sed durae , & aestuosae , quaeque per urinas non facile feruntur , & alvi egestionem adversantur . Et me-

rito , nam quum hujusmodi naturae sint , quae in Metallorum fodinis prodeunt , ut ex ipsis fossilibus cruda , terrea , & constringentia hauriant ramenta , ipse Medicorum facile Princeps rejicien-

das jure censet . Explicatur hoc quidem ex Vi- Lib. VIII. 3.

truvii loco , ubi Auctor non ineleganter horum fontium pestilentiam definit , nec non quibus ex causis corporis diversimode noceant , scitissime

ostendit . Ubi vero aurum , argentum , ferrum , aes , plumbum , reliquaeque res earum similes fo-

diuntur , fontes inveniuntur copiosi , sed hi maxime sunt vitiosi . Habent enim vitia contraria aquae ca-

lidae , quam sulphur , alumen , bitumen emittit , qui per potiones , cum in corpus ineunt , & per venas

per-

Lib. VIII. 4.

In Dissert. de
Therm. Her-
cul. p. 88.

Odyss. VIII.
230.

*permanando nervos attingunt , & artus eos durant inflando . Igitur nervi inflati , ac turgentes ex longitudine contrahuntur , & ita aut neuriticos , aut podacricos efficiunt homines . Summopere naturalis philosophiae , ac medicinae scientia callebat : eique perfacile fuit de Thermis , earumque varietatibus largum habere sermonem . Suo enim tempore non pauca veterum Graecorum scripta extabant , in quibus , uti ipse asserit , multa invenit . Et quidem Theophrastus , Timaeus Posidonius , Hegesius , Herodotus , Aristides , Metrodorus magna vigilantia , & indicibili studio locorum proprietates , & aquarum virtutes scriptis declararunt , quorum fane libri hodie desiderantur . Praeclare tamen Hippocrates aquarum calidarum medicinam in balneis commendat , praecipue in libris ubi *de victus ratione* differit . At non de sponte e terra erumpentibus agit , quoniam tunc incognitae , aut minus in usu habebantur , sed de iis tantum , quae igne praeparari solent , ut alibi diximus , quas in deliciis constituit Homerus ad arcendas animi aegritudines :*

Αἰεὶ δ' ἡμῶν δαῖς τε φίλη , κίθαρις τε , χοροί τε ,
ἔσματα τ' ἐξημοιβὰ , λοετρὰ τε θερμὰ , καὶ εὐναί .

*Semper autem nobis conviviumque gratum & citbara
& chori ,*

Ve-

Vestesque mutatoriae, lavacraque calida, & cubilia.
 Heic locus videtur opportunus detegendi Plinii
 allucinationem, qui Homerum calidorum fontium
 non fecisse mentionem demiratur, quanquam la-
 vari calida frequenter morem indicaverit, quia xxxi. 6.
medicina tunc non erat haec, quae nunc aquarum
perfugio utitur. Sed fugit virum doctissimum lo-
 cus summi poëtae in Iliade, ubi fontes natura ca- xxii. 147.
 lidos meminit, quem singulari benevolentia mihi
 indicavit Illustrissimus Abbas Josephus e Princi-
 pibus a Thrauthson Graecis Hebraeisque literis
 multum versatus.

Κρηνὴ δ' ἱκανὸν καλλιρρόω, ἐνθα δὲ πηγαὶ

Δοισαὶ ἀναΐσασσι Σκαμάνδρῳ δινήεντο

Ἡ μὲν γὰρ δ' ὁδῶσι λιαρῶ ρέει, ἀμφὶ δὲ κἀπνὸς

Γίνεται ἐξ αὐτῆς ὡσεὶ πυρὸς αἰθομένοιο.

Ad scaturigines autem pervenerunt pulchre fluentes,
ubi nempe fontes duo erumpunt Scamandri vorticosi:
alter quidem aqua calida fluit, circumque fumus ori-
tur ex ipso veluti ab igne ardenti. Verum quum
 post Hippocratem aquae thermales in medicinae
 usu jam fuerint receptae, de quibus plura in dis-
 sertatione *de Thermis Herculanis*: inquirendum p. 90.
 nunc restat, quomodo antiqui Graeci, quomodo
 recentiores medici ipsarum levitatem, gravita-
 tem, aut vires exploraverint. Constat autem

antiquos Medicos aquarum mineralium naturam novisse tantum ex sapore , odore , colore , ac pondere , uti Hippocrates de simplicibus aquis faciendum praecepit , qui omnibus , qui medicinam facere optime cupiunt , inter alia , aquarum facultates in unaquaque regione scrutari jubet ,

De Aëre, loc.
& aqu. p.280.

ὥσπερ γὰρ ἐν τῷ σώματι διαφέρουσιν , καὶ ἐν τῷ σαθρῷ , ἔτω καὶ ἡ δύναμις διαφέρει πολὺ ἐκάστη ,

quemadmodum enim gustu , & pondere , ita & facultate singulae plurimum differunt .

Hunc morem aquarum mineralium levitatem examinandi ad stateram literis consignavit Athenaeus , ubi de Peirenes fontis in Corintho aqua sermonem habuit , quam appensam tradit , leviolemque fuisse deprehensam reliquis omnibus totius Helladis

II. p.43.

σαθμήσας τὸ ὑπὸ τῆς ἐν Κορίνθῳ πειρήνης καλεμένης ὕδαρ κερφότερον πάντων εὗρον τῶν

κατὰ τὴν Ελλάδα , *Peirenes fontis in Corintho aquam ego cum ponderassem , omnium , quae in Graecia nascuntur , levissimam deprehendi .*

CXXVIII. 5.

Sic etiam aqua quaedam mineralis Diocletiani temporibus inventa , ad stateram levior Tiberina fuit iudicata , ut indicat marmor apud Gruterum

CXXVIII. 5.

LEVIOREM. CVRANDIS.
AEGRITVDINIB. STATERA.
IVDICAT. TIBER

Et alibi.

AQVA.

AQVA. LEVIOR. TIBERI.
 STATERA. IVDICATA.

Incertum tamen est, nulliusque momenti hoc examen, quodve industriam optimi Medici eludit, adstantiumque spem frustratur. Aliam viam tentarunt, qui Arabum doctrinam sectati sunt, in discutienda aquarum gravitate, vel levitate. Duos pannos laneos, aut lineos accipi jubent, vel gossipia duo pondere vicissim paria, quae aquis, quarum levitas in dubium vocatur, eodem temporis momento madescant; dein sollicitè simul extracta nullo loci, temporisve discrimine ad siccandum ponantur. Tunc ea levior censenda erit, cujus pannus, aut gossipium, prius fuerit exsiccatum; nam partium tenuitas levitatem arguit: quapropter si eadem postea imponantur trutinæ, tunc consideratis ponderum momentis, levitatis dubium aufertur. Alii contra cylindro ligneo aquis injecto leviores probari posse adstruunt, hac quidem ratione, quia quo levior aqua est, eo & tenuissima, ideoque injectum corpus facile ipsam permeat. Hinc marina quoniam gravior, pergrandia sustinet corpora. Verum tentamina, quae cylindrorum staticorum ope ad pondus aquarum explorandum effici hodie a nonnullis solent, lubrica admodum, & fallacia sunt, quum diversa ratione

quantitas materiae , quae in acidulis , Thermisque inest , quam vini , cervisiae , urinae humanae , fontiumque aquae communis examinanda sit : nam quamplurimis experimentis , atque observationibus edocemur , quod hydrometer si in aquam a fonte recenter exhaustam demergatur , maxime sursum fertur , & gravitatem quandam mentitur ; contra vero si postera die in eandem aquam immittatur , altius descendit , & aqua majorem praeferre levitatem videtur . Cujus rei φαινόμενον non alia ex causa progignitur , quam ex illo spirituofo , subtili , & expansivo aëreo-aethereo elemento , quod minerales aquas abundantissime fovet , atque in auras sursum elasticitate sua corpora demersa repellit . Quapropter ubi ab aquis in auras evolavit , desinit , atque penitus aufertur nifus ille : sicque instrumentum in profundum libere mergitur , ideoque aquarum levitas exactissime hac via nequit dignosci . Nequit etiam justum ipsarum pondus per lancem hydrometicam , nec elementorum copia , quae in ipsis insidet , investigari , si expectamus donec subtilissimum illud principium aquis se subduxerit . Etenim eo penitus dissipato , aquae , ut plurimum fiunt turbidae , & ochreae partes unionem aliarum ingredientium partium deferentes , ad ima deferuntur , ita ut earum pondus , vel

levi-

levitas non possit penitus explorari. Denique multo minus instrumentum hoc hydrostaticum idoneum, aptumque est ad Thermarum gravitatem perquirendam; quandoquidem omnes aquae calore rarefactae, leviores fiunt, ac minoris ponderis: quo accidit, ut injecto calidis ollis instrumento, eximiam levitatem ostendant; perfrigeratae autem, cylindro ad superiora evecto, gravitatem longe majorem indicant. Et quidem solent aquae quandam peculiarem vim, ac conditionem ab exhalationibus terrae adsequi, non solum ubi permanent, sed & quum per ipsius viscera fluunt; nam varias aliorum corporum particulas in se recipiunt, ex quarum mixtione diversis se induunt qualitatibus: unde aliquando salsas, sulphureas, & alterius naturae experimur, quum aliquam sensibilem sulphuris, salis, aluminis, vel metalli materiam continent, veluti ferri, aeris, & hujusmodi: quapropter calidae sunt, & vario vel sapore, vel odore, vel calore praeditae, ac virtute aliqua ceteris sunt insignes. Quod licet verum sit; tamen arduum & ferme impossibile videtur hac methodo aquarum vires, & facultates posse perfectissime explorari. Nam ex diversa earum partium compositione ac natura, quamplures in nostris sensibus impressiones nascuntur, quarum

rum auxilio vix possumus investigare omnes minutissimos ipsarum nexus, atque essentias, ex quibus sapores, colores, aliaeque hujusmodi qualitatum species resultant. Quam ob rem Veteres hanc methodum adhibentes se ipsos fefellerunt in exquirendis aquarum mineralium dotibus, & multum quoque a vero aberrabant, ubi eas aegrotantibus praescripserunt: quum ignoraverint, quibus morbis opem ferre possent, sicque paucissima suis in scriptis inveniuntur, quae harum usum plenissime commonstrent.

A Recentioribus vero philosophis, & in rebus Medicis plurimum versatis hoc melius praestitum est. Hi enim aliis vestigiis insistentes ingenti studio universa elementa, quae ex variis corporum generibus aquae ipsae mutuari solent, funditus perscrutati sunt, non alio auxilio adjuti, quam Chemia, quorum aliqui quanquam magnis ejus scientiae, ac physices simul praesidiis instructi, rem adgressi sint; multum tamen auctoritatis veterum praejudiciis obcaecati in earundem elementis perquirendis longissime sunt allucinati. Pauci quidem fuere, quos ea Chemiae posuisse fundamenta constat, quibus inniteretur hujusce artis justa, & philosophica enarratio. Ceteri autem, non quae revera esset indoles corporum mechanica

ca indagasse videntur , sed suo arbitrio leges , & affectiones corporibus affinxerunt , quae nec mechanicae , nec sibi congruerent . Huic autem arti nemo maiorem attulit lucem , quam insignis ille Philosophiae experimentalis instaurator Boyleus , qui non solum nova , ac firmissima Chemiae constituit fundamenta , sed & vetera deiecit , ac uberem nobis materiem reliquit , unde erui posset vera , & solida rerum explicatio , quam etsi in paucis ipse attigerit , aliis tamen viam aperuit , ut universam Chemiam ad mechanica genuina principia perduxerint , ac perfecerint . His igitur positis operae pretium est nunc ad exponendas nostrarum Thermarum facultates accedere , quod fieri optime non potest , nisi prius attentissime , quibus elementis componuntur , consideremus . Cognitis enim iis perfacile erit judicare , quomodo corpori humano in expellendis malis auxilium per eas afferatur . Hinc primum animadvertere oportet , nostras aquas adeo calidas esse , ut paullulum manum in ipsis habere prohibeat eximius earum calor .

Perdifficilis , & perobscura tam apud veteres , quam Recentiores habita est quaestio de causis , quae calidas efficiunt aquas . Unde doctissimi viri ingenio perfecti , ac industria elaborati operam in
eis

eis dilucidandis diligentem dederunt, quorum opinionones heic afferre longum foret, atque molestum; ideoque nos tantum magis receptas inferere iudicamus, ut iis ad trutinam redactis, perspicere possimus, quaenam magis & naturae legibus & rationi conveniat. Plurimi veterum hunc aquarum fervorem ex igne deduxerunt, quem in terrae centro coactum per ipsius rimas, atque hiatus ubique diffundi autumarunt. Quam sententiam quum longe a vero distet, facilius est explodere. Nam sic omnes aquae, quae in superficie terrestri erumpunt, calidae deberent esse, ob ipsissimum illius ignis effectum. Quibusdam vero Soli calorem Thermarum adsignare placuit, quum tamen ejus radii non solum abditos telluris cuniculos pervadere non possunt, sed & Solis accessu, discessuque eundem fervorem aquae ipsae semper retinent. Huc accedit, quod alii fontes Solis radiis etiam patentes ferverent, quod experientiae adversatur. Qui vero in Chemicis rebus sunt versati, ab acidi, & alkali effervescencia, necnon calcis vivae cum aquae congressu, admirandam hujus *φαινόμενα* causam arcessere contendunt. Verum ipsos, ut alia omittamus, in errorem abreptos manifestum est; quoniam si hoc verum esset sal neutrum, quod semper, ut
usus

usus nos docet , ex horum commixtione conflare solet , in Thermis obvie reperiretur , quod autem non evenit . Quin etsi calcarii lapides sub terra existunt , nunquam tamen eorum materia nisi prius igne fuerit perusta , aliquem impertit aquae calorem . Sunt & alii , qui generalem aquarum calidarum rationem , ac originem soli bitumini adtribuunt , quia illud in aquis ardet . At hi etiam longissime a veritate aberrarunt . Nam fontes qui calidi sponte e terra emanant , bitumine referti forent , quod certe non comperimus , imo & rarissime memorantur ab Auctoribus aquae , quae ex bitumine flammam emittunt ; atque hae item invalidae plerumque in ipsis fontibus sunt , quod Plinius de aquis Scantiis tradit , quae nec fraxinum virentem inficere valebant . Tandem falsum adhuc est , quod bitumen in aquis contineat ignes . Etenim id prorsus contrarium ejus naturae observatur , quoniam ubi in iis accenditur , statim foras super aquarum superficiem erumpit . Praeterea quod vel maximum est argumentum , quo funditus evertitur sententia haec , pro comperto habemus , fontes scaturire uniformi , ac perpetuo calore : At bituminis incendia , flammae , seu ardores non semper eadem existunt ; ac propterea ex ipsis calidas generari aquas existimandum non est .

II. 107.

Solida quidem , ac verissima caloris in Ther-
 mis ratio videtur a communicatione , & accessu
 igneae substantiae derivare , eodem ferme modo ,
 quo accidit aquis , quae igne admoto calidae fiunt ,
 ac ejus absentia refrigerantur . Quapropter occul-
 tus in telluris recessibus , ac reconditus ignis prae-
 terlabentem aquam tepidam , vel ferventem effi-
 cit . Difficile autem est aliis principiis hujus ignis
 productionem in terrae visceribus definire , quam
 a sulphureis , & pinguibus corporibus . Quae enim
 sulphure constant , non modo flammam procreant ,
 sed etiam ob celerrimum motum in earum particu-
 lis excitatum , facile in ignem convertuntur . Idque
 ex ferro ediscimus , quod quum metalli species val-
 de sulphurei sit , prae omnibus adprime ad calorem ,
 atque ignem concipiendum aptum , idoneumque
 experimur , atque ejus fragmenta abrafa , si tenui
 flammae inspergantur , illico lucidas effundunt scin-
 tillas . Quocirca verisimile videtur , ac experientia
 quoque firmatur , calorem in aquis excitari ex mar-
 casitis sulphureis , sive pyritibus in terra accensis .
 Etenim aequalis pars sulphuris communis , & ferri
 rasurae simul conglutinata , ac in subtilissimum pul-
 verem redacta , & invicem mista , adjecta parva
 aquae copia , si vigintiquatuor horarum spatio
 postea in quodam vitreo vase recondantur , vehe-
 men-

menter ebullit , atque ad ipsius vasis fractionem incalescit , majusque occupans spatium , fumum , flammisque emittit si aëri exponatur . Itaque quum aliud non sint marcasitae omnium Chemicorum sententia , quam quaedam materia ex ferro , & sulphure coagmentata , facillime poterit judicari , quod quum magna , & ingens in terra earum copia existat , non solum aquarum accessu principiorum solutionem , quibus constant , effici , sed mutua deinde inter se actione , atque reactione , intensissimos oriri aestus posse , qui aëre per abditos telluris meatus libere ingrediente , in apertissimam erumpant flammam . Nam mirifice aër suo elatere calorem partium componentium circumagit , & auget , quae ideo lumen emittunt . Ignis enim quoties per lineas rectas oculos nostros intrat , ex motu , quem fibris in oculi fundo communicat , ideam luminis in mente excitat , quod facile probatur ex obstaculo , quo lumen intercipitur . Hic vero rectilineus motus in caloris productione non desideratur , sed magis aptus videtur quidam irregularis , ut ex sequenti experimento clarissime deducitur . Solis radii directe ab ipso ad montis apicem pervenientes , sensibilem caloris non edunt effectum , sed in valle , ubi irregulari motione variis , reflexisque percussionibus agitantur , calorem

saepissime creant maxime intensum . Hoc igitur
 subterraneo igne per ingentes telluris tractus prae-
 terlabentes incalescunt aquae , ac non tantum pro
 hujus intensitate , sed & situ , locove propinquo-
 re , vel remotiore ab sulphuris metallis , majorem ,
 aut minorem caloris gradum consequuntur . Sul-
 phur quidem multum ad excitandos hujusmodi ae-
 stus contribuit ex mutuo corporum sulphureorum
 congressu , ac confictione , quod contigit , quo-
 ties ipsum solutum agit in terras , & in metalla
 ferri , vel bituminis . Nam quum in terrae visceri-
 bus sulphur cum bitumine , seu alio fossili , sale
 acido adprime referto , ac marcasitis est commix-
 tum , & in acervos congeritur ; tunc acidum vi-
 trioli , quod in ipso inest , liquatur , & actione sua
 in materiam illam bituminis , vel alia in metalla
 agit , unde maximum congenerat calorem , & ali-
 quando quoties tellus ipsa summis scatet meati-
 bus , per quos aër copiose ingreditur , flammam
 facillime procreat . Hinc experimento constat ,
 marcasitas , glebasque sulphureas , ex quibus vi-
 triolum conficitur , aëri lucido , & pluvioso expo-
 sitas , brevi temporis intervallo aestum pergran-
 dem producere . E quibus evidentissime compre-
 henditur , sulphur subterranei ardoris , ac ignis
 ortum , veramque esse causam , atque ideo anti-
 qui-

quitas, quae balnea religiose, & sacris etiam verebatur nominibus, divinam iis, sulphuris causa, tribuit naturam. Graeci enim communi nomine illud cum divinis rebus *θεῖον* appellarunt, atque, ut Plinius tradit, in religionibus quoque obtinebat locum ad expiandas suffitu domos, *sulphur* nempe *purum* *θεῖον ἄπυρον* Graecis dictum, quo & alia quoque purgabant. Achilles Jovipatri libaturus, poculum *ἐκότης θεῖω* Iliad. xv. 228. *sulphure expiavit*. Eo itidem Ulysses in lustrandis aedibus procorum caede pollutis, usus est, ubi ad Eurycleam dilectam nutricem adloquitur

Οἷσε θεῖον, γρηῖ, κακῶν ἀκῶ, οἷσε δέ μοι πῦρ,

Odyss. xxii.

Ὅφρα θεῖωσω μέγαρον,

481.

porta sulphur anus malorum medelam, porta autem ignem, ut suffiam domum. Tanta denique de sulphure opinio invaluit, ut suffitu ejus daemones abigi, & terreri putarent, argumento, quod comitiales morbi, quos omnes a daemonibus agi persuasum erat, sulphuris suffitu deprehenduntur. Plinius, *ceterum tanta vis sulphuris est, ut mor-* xxxv. 20. *bos comitiales deprehendat nidore impositum igni*. Hinc Aristoteles asserit sacras cognominari consuevisse balneas, quoniam eandem sulphuris materiam, ac fulmen, continebant, quod veluti rem sacram ab Jove, qui Homero dictus *τερπικέρανος*, in terras ejaculari credebatur.

Illud

Illud etiam sedulo considerandum , mineralem , & sulphureum spiritum , quo aquae naturales incallescunt , ut diximus , adeo subtilem esse , ut subterranea loca permeat , ac metallorum venas inficiat . Verum sulphureae marcasitae quum motu expansiori , ac majori vi agitatae tenuissimam hujusmodi substantiam foras educunt , aquae largius ea imbuuntur , ac cum eis conglutinatur ob meatus ampliores . Siccos namque , subtilesque vapores facile aquae cohibent , iisque vehiculum impertiuntur , quod experientia adhuc edocemur spiritus vitrioli , nitri , & salis , esse nil aliud sunt , quam graciles , acidasque exhalationes in ipso humido constipatas . Id veteribus Philosophis haud obscurum penitus fuit , Empedocli maxime , qui

Sanctius & multo certa ratione magis , quam

Pythia , quae tripode ex Phoebi , lauroque profatur .

Hic enim adstruit ab ignibus subterraneis calorem in aquis excitari , cujus sententiam eleganter Lucretius exposuit , nisi dicere velimus , illius Graeca carmina *περὶ φύσεως* , ut saepissime solet , totidem Latinis reddidisse .

VI. 885.

Nimirum quia sunt in aqua permulta vaporis

Semina , de Terraque necesse est funditus ipsa

Ignis corpora per totum consurgere fontem ,

Et simul expirare foras , exireque in auras .

Pro-

Progignitur item simul cum his aquarum fervor ex salibus, quos in se ipsae continent, ac ex aliorum corporum particulis, quibus componuntur. Nam dissimiles sales, vel spiritus aquis etiam permisti, atque confusi, quoties sales metalli alterius ac contrariae indolis, occurrunt, magno-pere solent effervesce, caloremque aquis impartiri, ac thermales producere: necnon prout proxima, vel remotissima, abundans, vel parca extiterit materies aestus procreatrix, ita aquae ipsae minus fervidae, vel minerales emergunt. Comprobatur id clarissime ex experimentis, nam si accipiantur liquores acetosi, corallisque, & marcasitis affundantur: vel spiritus vitrioli cum sale, aut oleo tartari, aut quicumque alii salini spiritus cum volatilibus alkali fixis, aut fluorem adeptis: vel tandem, aqua fortis cum ferro, aut cupro, vel spiritus vini cum oleo therebintae commisceantur, valde omnes effervesce summa contentione, ac conflictu videbuntur, quoniam vehementius increscit motus. Neque heic omittenda quaedam observatio, quam clarissimus medicus Henricus Rochas suis sumptibus, ac operariorum laboribus fecit: perscrutatus est aquas, priusquam ebullirent, frigidas, & salibus quibusdam oneratas, quum vero in metallum inciderent hermeti-

cis,

cis, vel thermalibus dissimilibusque salibus refer-
tum, calidas fieri ob acerrimum eorum incursum,
collisionem, ac pugnam. Manifestum igitur ex
dictis apparet, nostras Thermas, quoniam cali-
dissimae sunt, continere in primis hunc minera-
lem, & sulphureum vaporem, qui praecipua, &
singularis tantarum virium causa habetur, quove
universi ferme medicati fontes pollent: aquae ete-
nim nostrae recenter ex ipso rivulo haustae copio-
se ebulliunt, quod absque dubio sulphurei vapo-
ris elasticitati tribuendum videtur. Quibus con-
gruit loci Thermarum indoles: decurrunt namque
a Transilvaniae montibus, e quorum radice emer-
gunt, sulphureumque edunt anhelitum, qui lon-
gissime sensus afficit. Cuinam non nota est in mon-
tium abditis pergrandis marcasitarum copia: na-
tura enim insignes ferri venas omnibus fere terra-
rum regionibus nimium elargita est, ex quibus
profecto mineralis ille, atque sulphureus vapor
arcessendus videtur.

Obtinent etiam quandam martialis terrae par-
tem, quae sane omnibus Thermis, acidulisque
aquis communis est, ut indicat ipsarum sapor
paullulum adstringens, atque facillime dijudica-
tur ex ochra, quae non minus in ipsa infidet sca-
turigine, sed & in ductibus, per quos aquae la-
bun-

buntur, deprehenditur . Nullus enim fons hujusmodi naturae reperitur , qui eam materiam non deponat magis , vel minus flavescentem , quae optime calcinata exhibet pulverem , cujus aliquae particulae promptissime magneti conjunguntur .

Thermae item nostrae quandam sulphuris copiam possident , cujus odorem longe sentiunt incolae . Sulphur quidem , ac hydrargyrum in cunctis reperiuntur metallis ; nam perspicuum est , ipsa si arte solvantur , ea continere elementa , ac sulphureum halitum , dum comburuntur , longissime emittere . Id confirmant pariter metallorum venae , quae ut plurimum sulphure , nitro , aliisque fossilibus scatere deprehenduntur . Confirmat & insigne speculum ustorium Parisiense , quo cuncta metalla exposita in auras abeunt , relicta parva terra vitri speciem exhibente : tenuissimae namque partes ac volatiles sulphureae potissimum Solis radiis , tanquam cuneo , divulsae ac impulsae extruduntur , & ab arcto aliorum elementorum nexu liberatae , tenues in auras labuntur . Sulphuris autem natura , quae plane , ut sensu percipitur , est mineralis quaedam terrae pinguedo sicca , ac foetida , adeoque accensu idonea , ut facile calidos concipiat aestus , atque inflammetur .

In Monum.
Acad. Scien-
tiar. Paris. an.
1709.

Continuo etiam vegetat, & permagnum adipiscitur incrementum ab inclusis terrae vaporibus: dumque incenditur, totum evolat, quoniam ex arctissima suarum partium unione vix fieri potest alteram ab altera dividi, quin reliquae tenues particulae non separentur, atque in auras non ascendant. Gravem item edit odorem oleosa ipsius substantia, atque eo magis foetidum fit sulphur, si igne cietur, vel calidis aquis, ut pluribus in locis accidit, dissolvatur.

Compertum quoque est nostris aquis inesse salem quendam alkalinae indolis, quem quidem in omnibus Thermis reperiri nemo amplius dubitabit, qui paullo accuratius medicatos fontes examinaverit. Hunc salem in nostris aquis existere satis insigni constat experimento, quoniam observatur argentum prius in spiritu salis ammoniaci solutum, in iis infuso nitri spiritu, adeo deprimi, ut id, veluti candida pulvis vasis fundo inhaereat, unde sale aliquo alkali refertae existimandae sunt. Id salis etiam sovent, quin ejus feracissimae sunt aquae Carolinae. Etenim ex una earum mensura duae hujusmodi salis drachmae haberi possunt, quamvis non semper hoc accidat: siquidem omnes medicati fontes, ut liquet, pro temporum varietate, ac effluviorum differentia sua elementa per-

mu-

mutant. Aquisgranenses item aquae, a Carolo Magno extractae, multum salis alkali amplectuntur; nam unum pondo vigintiquinque ejus grana largitur, quod cum quovis acido edit conflictum, in aëre deliquescit, syrupum violarum viridem reddit, & argenti solutionem demittit. Sal istud alkalinum, quod in Thermis invenitur, suam ducit originem ex spiritu minerali, qui quoties cum calcaria terra, quae in ipsis fontibus exsuperat, coit, atque miscetur; tunc ob subtile acidum, quod in se foveat, in salem alkalinum degenerat. Patet quidem variis, multisque experimentis ex Chemia petitis, ex calce viva, creta, gypso, topheo, omnisque generis alkalinis terris, acidorum spirituum admixtione, vel etiam solummodo salis aluminosi vitrioli, ac communis, sales alkalinae indolis confici posse, cum quibus ipsissima experimenta, quae cum eodem aquarum sale instituuntur, aequè procedunt.

Sale communi adfluunt insuper nostrae Thermae, quod ex ipsarum aquarum analyse educitur. Nam ab ea crySTALLI cubicae consequuntur, quae ex omni communi sale sive ex aqua marina, sive ex gemmeo, aut ex fontibus, semper eliciuntur: omnis enim terra videtur salis particeps esse, ideoque nulla reperitur medicata aqua,

quae salem non sapit . Accedit quoque , quod in Transilvania , quae antiquae Daciae pars erat , quamplurimae falsae aquae reperiuntur , ac falsissile , & montuosum vegetat . Ptolemaeus loci cujusdam meminit duodecim millibus a Patavif-
 Zamosc. in sa distantis , qui Σαλίνας dicebatur . Nunc sunt ad
 Analect. c.19. Tordam , ubi sal effoditur . Origo autem falsarum aquarum , non ex mare , ut antiqui falso opinati sunt , sed ex eo emanat , quod aquae interiora terrae loca permeantes , per communes , aut alius salis mineralis venas effluunt , partesque ejus liquatas secum trahunt , unde superiora petentes , falsos , ac medicatos progignunt fontes , quorum quidam abundantissimo sale , quidam modico sunt imbuti , prout solum ipsum minori , aut majori salis copia abundat , vel aquae ipsae illud absorbent .

Non deest pariter nitrum , quod non multum a salis communi natura abhorret , etsi minoribus constet particulis , unde & subacre est , ac magis gratum , quam sal . Repertum autem est in nostris Thermis , aquarum destillatione pluries repetita , nitrum , nam omni aqua funditus evaporata remanent quaedam oblonga , & paullulum acuminata , ac pellucida corpuscula amari saporis , ac subfrigidae sensationis , quae quum in modica

dica aqua resolvantur, clarissime demonstrant naturam salis nitrum habere, quod, ut doctissimus Hermannus Boerhave in sua *Chemia* opinatur, evidenter apparet, nec alkali esse, nec acidum, nec ex se inflammabile, omniumque salium facillime fusile ad ignem; non solum igne leni funditur totum sine crepitatione, manetque fustum instar aquae purae, nullam patiens naturae suae mutationem, ac nihil fere quidquam exhalans; sed nunquam sic fustum flammam concipit, nec calefcit, aut fit acrius. Nitrum in crystallos sexangulos, tenues, longas, & aliququaliter solidas concrefcit, quae sua latera parallelogramma habent. Sunt tandem aquae in nostris Thermis singulari ac exquisito nitore, & eximia levitate praeditae, quae tanta est, ut commixtis quibusvis liquoribus & acidis, & alkalinis propriam claritatem integram, atque intactam servant, necnon frigefactae hydrostatici instrumenti ope coelestes aquas levitate superare expertus est Crammerus. Praestantissimae enim aquarum dotes sunt non solum puras, limpidasque eas hauriri, sed & levissimas esse, unde earum fontes peculiari quadam, ac incredibili salubritatis nota condecorantur, & eximiis in medendo pollent viribus. Hinc Athenaeus tradit Homerum aquam pellucidam, & claram

Part. III. Process. 128.

com-

II. deipn. p 41. commendasse ; imo τὰ δὲ δὴ κέρου καὶ πλέον τιμῆς ἄξιον
 ἡμερτον καλεῖν, & eam, quae ob levitatem caeteris prae-
 fertur, optabilem appellare. At inquiet aliquis ;
 quum Thermae nostrae limpidissimae fluant, sa-
 lium, aliorumque mineralium steriles plane esse
 oportere. Verum id contra evenit : namque ex
 analyse a diligentissimo, & peritissimo Medico
 Joachimo Crammero in Thermis ipsis facta, non
 modo sal commune, ac nitrum inibi repertum
 est, sed & terra adstringens, atque humor qui-
 dam sulphureus, & bitumen olens, in quo sal
 alkali fixum inest. Harum quidem claritas non
 alia ex causa fit, ut opinor, nisi quod inopes ut
 plurimum sunt materiae terrestris, ac tantum-
 modo tenues, & subtiliores quorundam elemen-
 torum particulas adsequuntur. Medicatae enim
 aquae, prout plures sinus, terraeque anfractus
 praetervehuntur, ita variis imbuuntur virtutibus
 subterraneorum corporum, quorum aut vires,
 aut substantiam, aut utrumque secum trahunt.
 Hinc optime dixit Athenaeus ποιεῖ δὲ τὸ γεῶδες καὶ τὰς
 ἐπὶ χροῇ τῶν ὑδάτων, aquarum talis color est, qualis ter-
 rae, quam lavant. Et Plinius, quippe tales sunt
 aquae, qualis terra, per quam fluunt, qualesque
 herbarum, quas lavant, succi. Et quidem in Asia
 lacus Sinnaus circumnascente absynthio infici-
 tur.

II. p. 42.

XXXI. 5.

tur . Laudandae igitur nostrae sunt , non modo ob nobilem , praestantemque naturam , verum etiam quoniam in novem dispertiuntur fontes , qui etsi omnes iisdem elementis excellant , ampliore tamen , aut minore eorum copia , quam sibi adnectunt , utilissimae diversis morborum generibus curandis evadunt ; ideoque merito laudem , quam Plinius Bajanis aquis dedit , adsequi ^{xxx1. 2.} possunt . *Nusquam tamen largius , quam in Bajano sinu , nec pluribus auxiliandi generibus aliae sulphuris , aliae aluminis , aliae salis , aliae nitri , aliae bituminis , nonnulla etiam acida , salsave mixtura :*

At silentio praeterire , priusquam ad ulteriora progrediamur , non expedit , VIR EXCELLENTISSIME , studium , ac diligentiam Crammeri viri rerum Chemicarum experientissimi , qui in observandis nostrarum Thermarum elementis sedulo stillavit aquas , ut tam laudabili methodo sulphur , nitrum , aliasque minerales particulas jam supra descriptas , ex aquis erueret , ac secerneret , quae postea Excellentissimus Comes Andreas Hamiltonius summa humanitate mihi communicavit , ut ex distincta elementorum ingredientium detectione non solum earum naturam , vires , ac proprietates ad Mechanices normam possim dirigere , & perscrutari ; verum etiam utilita-

litatem , ac praestantiam in sanandis morbis de-
 tegere . Medici quidem , qui fontium mineralium
 principia scrutantur , vel balneo-mariae aquam
 exhalant , vel vitreis vasibus ipsam stillant . Sed
 prior modus , quoniam a fuligine , favillis , ato-
 misque vix sibi immunitatem tutam praestare po-
 test , incertior est ; unde alterius usus crebrior ,
 veritatisque eruendae aptior . Nam foeces , quae
 ab ipsa destillatione residuae sunt , optime possunt
 distingui , non solum figura , colore , saporeque ,
 verum etiam odore , tactu , virtute , seu operan-
 di vi , atque efficacia . Solent enim sales in cry-
 stallos diversae figurationis , prout varia earum
 est conditio , una simul coacervari . Hinc com-
 munis in cubicas efformatur , & nitrum in sexan-
 gulos tenues , longasque . Insuper sali nitroque
 color albus est , vitriolo viridis , sulphuri flavo-
 virescens , rubet tandem ochra , palletque : sic
 sapor nitri falsus experitur , & amarus , falsusque
 vitrioli , atque acris . Distinguuntur quoque com-
 modissime , si unumquodque eorum candenti la-
 mine injiciatur : etenim quod funditur ut lac ,
 alumen est : sulphur liquatur , suoque odore se
 noscendum praebet : sal vero stridore patescit ,
 atque nitrum tacite fluens praeterlabitur : fer-
 rum autem , aes , aliaque metalla aegre digno-
 sci

sci queunt ; sola tamen sedimenti corruptio eorum existentiam nobis manifestat , quod vel aceto acri, vel aqua rodenti prompte corrumpendum est, atque his liquoribus exsiccatis , vel absumtis , in ejus superficie excrementa visuntur , in quibus aerugo aes, ferrugo ferrum inesse aquis significabunt : sed nulla alia usque adhuc optima ratio inventa est ad explorandum an ferreae particulae in Thermis adsint , quam sedimentum ipsum in pulverem redigere , atque admoto magnete , attentissime observare , si ex eo aliquid ad se trahat , quod certissimum indicium est , ac solidum argumentum in iis ferrum contineri .

Plures denique alias vias adhibuerunt etiam in aquarum mineralibus indagandis , nimirum ut cognoscatur , an in Thermis sal acido-volatile ab alkali solutum insit : usi sunt tinctura florum malvarum , quae ruborem in acidis liquoribus , viroremque in alkalinis statim inducit ; idque facile expertus est clarissimus Regis in examine , quod anno 1699. de aquis Thermalibus Balarae in Gallia Narbonensi instituit ; nam , infusa in eas eadem tinctura , subrubere coeperunt . Ita & spiritus vitrioli in aquis patefit infusione tincturae heliotropoli , per quam rubedo excitatur , vel tincturae gallarum , quae nigredinem in eis pro-

I

gnit ,

gnit , non fecus ac si cum vitriolo ipso commisceretur . Sic denique quum perquiritur , an sulphur in Thermis existat , usurpatur pruna , quae in loco satis obscuro aquas superinjecta , praeter crepitum , quem salinae partes edere solent , coeruleas quasdam flammulas elicit , quae accensum pyrium pulverem olet , quin primo ruborem , mox nigrorem acquirit , scintillis aliquibus emissis . Experitur etiam papyrus , quae in aquis sulphureis infusa , unguine quodam illinitur . Et tandem si aliqua aquarum substantia in spiritu vini per aliquod temporis intervallum soluta fervetur , particulae quaedam pingues supernatantes emergunt . Demum quod sensibilis sulphuris indicium est , terrestris ejus pars , postquam ab omni sale purgata , si in eundem spiritum vini immergatur , post aliquot dies sulphur in Thermis existens , oleosae ad instar alicujus membranulae , in liquoris superficie apparet .

Detecta igitur, VIR EXCELLENTISSIME, Herculanae aquarum natura, illustratisque singulis earum elementis, nunc quibus morbis curandis optimae, ac praestantes ipsae judicentur, differemus . Et quidem jam supra miram, & indicibilem earum levitatem, nitoremque ostendimus, quo nihil efficacius, nihilque magis integritati corporis

poris conservandae , morbisque explendis aptius
 cenferi potest . Communi enim Medicorum sen-
 tentia non solum veterum , sed & Recentiorum ,
 leviores , atque puriores aquae mirifice pro sani-
 tate tuenda commendantur , unde toto conatu ,
 & vehementi studio ad harum indolem noscen-
 dam animum applicuerunt . Inter eos prae cete-
 ris emicuit clarissimus Hippocrates , qui in aureo
 libello *de aquis* salubrium characteres , notasque
 nobis demonstrat ; ac signa quibus bonae ab in-
 festis distinguendae sint , diligenter enumerat . Sum-
 ma profecto partium tenuitas , exquisita puritas ,
 & maxima levitas in causa sunt , cur aquae mine-
 rales validissima vi adversus morbos , ac mirabili
 polleant efficacia . Quapropter , quoniam neminem
 fugit , quod reliquis indotibus , quibus aquae lau-
 dabiles fiunt , puritas , ac levitas praecipuae sunt ,
 quae fontes peculiari quadam salubritatis nota in-
 signiant ; fateri convenit nostras aquas , utpote le-
 vissimas , purissimasque , ob eximias in medendo
 prodesse facultates . Nam egregie conveniunt iis ,
 quibus partes interiores tendinosae , atque nerveae
 molestis distensionibus torquentur , & gravissime
 cruciantur , ut in malo hypocondriaco , colica ,
 asthma , aliisque affectionibus spasmodicis contin-
 gere solet , praesertim si balneum non nimis cali-
 dum ,

dum, sed tepidum usurpetur; quoniam non omnes diu excessivum ipsarum fervorem ferre valent; atque ideo iis casibus potest uno, ex nostrorum fontium numero, magis remotiori ab sua origine, veluti minus fervido, tutissime uti; quin etiam frigefactae, intusque haustae excellentem quamplurimis morbis opem adferre queunt. Puriores sane, ac optimae aquae iis potissimum experimentis dignoscuntur, nempe si vacuo Antliae pneumaticae positae, aëreque extracto, bullulas undique confertimque emittant, ac denique oleo tartari per deliquium, ut Chemici dicunt, vel lunae, aut sacchari solutione instillatis non perturbentur, neque aliquid impuri demittant. Huiusmodi medicatae aquae rarissimae sunt, ideoque in summo habendae pretio, quoniam adprime sanitati opitulantur, valetudines, morbosque acrius arcent, ac tandem quasdam chronicas affectiones digerunt, & sanant. Siquidem minimas corporis vasorum angustias, atque tenuissimos percurrentes meatus, ad interiora viscerum penetralia perveniunt, ibique dilutis densis, lentisque humoribus, denuo ex vasorum excernentium ostiis promptissime egrediuntur, iisque rationibus perpetuam, bonamque valetudinem praestant.

Maximo item, atque praestanti adjumento nostrae

strae Thermae aegrotis sunt ob sulphureum illum ;
 ac mineralem spiritum , qui terram omnem pene-
 trans , aquas non modo acidulas , sed & calidas
 inficit : hac tamen differentia , ut illae , utpote
 frigidae , ipsum etsi volatilem diutius coërcent ,
 quod tamen in Thermis non accidit , ubi ob ca-
 lorem promptissime in auras dissipatur . Quapro-
 pter improbanda , ac profecto rejicienda est illo-
 rum consuetudo , qui eas non sorbent ubi erum-
 punt , sed dissita in loca asportandas curant . Nam
 non minus propter eorum incuriam , qui incaute ,
 & sine diligentia aquas ipsas in ampullis excipiunt ;
 verum etiam ob itineris longinquitatem , multum
 illius subtilis elementi evolavit , unde aegrotan-
 tibus nil , vel parum prodesse experimur . Hinc
 quoties necessitas postulat medicatas aquas longif-
 sime advehi potandas ab iis , qui aegrotant ; se-
 dulo angustioris orificii vase firmiter eas includi
 oportet , atque non ultra ejus medium exhauri-
 re : ea namque est cujuscumque generis aquarum
 mineralium indoles , ut subtilis , ac spirituosa ea-
 rum materies semper superiora petat , quod ex-
 perimento etiam confirmatur . Si enim ipsae in
 ampullis receptae , ac aliquo temporis intervallo
 conservatae , in machinam Boyleanam immittan-
 tur , longe abundantio rem bullarum copiam su-
 pe-

periores progignunt , quam inferiores : non alia ratione , quam quod illae majore subtilissimi , atque elastici spiritus quantitate sunt refertae . Tandem mineralis hic spiritus integram aquarum texturam tutatur , earumque corruptionem prohibet ; ac propterea inutiles redduntur , ubi spatium aliquod in vase relinquitur vacuum , vel non accurate occluditur , itaut circumfuso aëri pateat aditus .

Dissert. to. II.
edit. Ulmae
1726.

Clarissimus Fridericus Hoffmannus in sua doctissima de principiis & virtutibus praecipuorum medicamentorum Germaniae fontium dissertatione diligenter investigat , ac in disquisitionem ponit , an incomparabilis illa mineralium aquarum virtus , quae jure merito valentissimis medicamentis adnumerari potest , salibus , aliisque elementis adscribenda sit ? An vero cuidam subtilissimo principio , quod tantarum virium vehiculum existat ; quanquam non facillime in nostros veniat sensus ? Et sane celeberrimus medicinae professor , ac Philosophus acutissimus illius spiritus efficaciae , ac eximiae naturae universam praecipue acerbissimos dolores molliendi , atque levandi facultatem adsignat , pluribus , diversisque argumentis , quae magni momenti sunt . In comperto enim habetur , Thermas non modo ac acidulas aquas longo temporis spatio liberiori aëri , ac praesertim calido ex-

po-

positas , vel evaporationi , aut destillationi subiectas mirifice immutari , & pristinum saporem , peluciditatem , & claritatem , ac demum vim ipsam una cum gallis tingendi , necnon suam saluberriam virtutem funditus amittere . Accedit insuper , quod si sales Chemica arte educti terrae iterum cum aqua etiam purissima commisceantur , nunquam tamen ipsissimae naturae ac virium humor prodire queat . Quod apertissime demonstrat , minerales aquas tenuissimam materiam possidere , quae celerrime in auras se diffundit , sensibusque minime subjacet , atque elasticitatem summam continet . Quam ob rem ex his dilucide apparet egregiam medicatarum aquarum vim ab arctissima commixtione hujus subtilissimi elementi cum particulis fixioribus salinoterreis deducendam , ac derivandam esse , quarum nexu dissoluto non amplius aegrotis opitulantur . Igitur tenuissimus hic spiritus aethereo-elastice omnibus medicatis fontibus admirandam inspirat facultatem , quam gravium morborum curationi prodesse experimur . Universos enim aquae minerales humani corporis canales libere pervadunt , densosque liquores excellenti ejus spiritus elasticitate solvunt , atque ex his quidquid mali est , praestanter extrahunt materiamque maxime glutinosam evocant , necnon
 fa-

sales , acresque particulas , quibus sanguis abundat , leniter simul & reprimunt & emolliunt .

Patefactis igitur eximiis nostrarum Thermarum dotibus , quae cum a levitate , nitoreque aquarum maxime commendantur , tum ab aethereo-elastico spiritu,quem copiose possident,nunc superest earum usum , viresque expendere ob sulphur , bitumen , nitrum , salemque , quorum tenuissimis , exilibusque particulis sunt refertae , uti ex analyse constat . Ac de sulphure in primis sermonem instituamus .

Quis sane prorsus ignorat sulphur mirabiliter calefacere , humoresque excoquere , vehementiusque discutere , & emolliendi , exsiccandique naturam possidere ? Utebatur ideo inter alia medica-

De Superfoet. menta Hippocrates sulphure ad uteri suffitus , imo
p. 265.

De Morb. si aqua ex uteris effluat , ipsum una cum anseri-
mul. ii. p.664. no adipe delingere jubet . Apud Dioscoridem , at-
v. 124.

ix. de simpl. que Galenum prolixiorem observamus sulphuris
facult.

xxxv. 15.

historiam , vires , usum , ac methodum praepa-
randi ex eodem remedia . Plinius pariter ejus fa-
cultates , atque indolem diligentissime exponit ,
ideoque quoniam calefacit , & concoquit , ac de-
nique corporum collationes discutit , emplastris ,
malagmatisque apud veteres miscebatur . Itemque
renum , & lumborum doloribus una cum adipe
praescribi ab ipsis mos erat . Adjuvat quoque tuf-
ses

ses suspiriosas ; & purulenta extuscentes, non solum in ovo sumptum , sed & suffitum . Podagricis cum aqua , & nitro illitum conducit , ac insuper potu & balneo prava in cerebro redundantes humores , omnesque totius corporis fluxiones frigidas deficcant : cordis palpitationes a frigidis tumoribus derivatas curat , cachexiam emendat , viresque roborat . Utile ac praestantissimum etiam experiuntur artuum doloribus a Venerea lue profectis , quin & hydropem frigidam exsiccat , pituitosos , & crassos flatus solvit , steriles mulieres foecundat , & matricem tumentem , atque induratum commode lenit , & confirmat . Sulphuris usus hydropicis opportunus Galeno habetur , quo usum De Composit. ad eandem valetudinem , ac inflationes profitetur . med. secund. loc. IX. 3. Asclepiades item cum aliis simul , quae vim discutientiendi habent , uti & Andromachus saepe illud adhibuerunt : imo & Galenus ipse ad nervos laesos usurpavit pluribus cum aliis remediis adnexum. III. 2.

Quantum vero sulphuratae aquae aegrotantibus tutissima sint , non minus ex veteribus Medicis , sed etiam ex Recentioribus comprehendere possumus . Plinius eas probat his verbis : *Est autem utilis sulphurata nervis* . Oribasius adhuc has nervos emollire , atque resolvere , doloresque sedare refert , quanquam ventriculum relaxare , ac

K

per-

In Synops. 1. 29.

De Curat. diut. morb. 1. 5. pervertere falso opinatus est. Aretaeus quoque eas commendat pro aegrotorum refectio-
ne, atque

De Sanit. tuend. iv. 4. Galenus affirmat, consuevisse multos Vere, vel Autumno ad excrementa evacuanda, vel dejecto-
riis medicamentis uti, vel sponte manantibus a-
quis, quibus aut sulphuris, aut bituminis, aut ni-
tri vis inesset. At experientia tandem exploratum
est quantis polleant viribus Thermae sulphureae,
quae variis in regionibus e terra exiliunt: hinc Pu-
teolis deprehenditur quaedam aqua bulliens sul-
phure referta, quae deducta ad privatos usus in
balneis mirum in modum frigidis capitis affectio-
nibus, artuumque cruciatibus opitulatur, aurium,
oculorumque morbis medetur, viscera corroborat,
splenem attenuat, flatibusque discussus uterum ab-
stergit. Sic balneum aquae Cajae in Viterbien-
si regione quum sulphureae naturae sit, uterinis mul-
tum favet passionibus, ut a mulieribus praecipuae
dicatur. Nam menstrua primis diebus adhibitum
provocat, exsiccat, firmatque uteri lubricita-
tem; eaque de causa quidem recte existimarunt
sterilitatem sulphure emendari: hujusce indolis
forfitan erant aquae Synveffanae, quae *sterilita-
tem foeminarum abolere dicuntur*: vel aqua illa in

Theoph. ix. histor. plant. p. 1167. edit. Amst. Thespiis, quae itidem *παυδόγονον εἶναι γυναιξίν*, *prolem
mulieribus largiri* dicebatur. Sulphur quoque ro-
bo-

borat reliqua viscera , membraque , & juncturas relaxatas instaurat .

Sunt & ad oppidum Bada dictum in Helveticis quaedam medicatae , ac sulphureae aquae admodum calidae juxta Linagum amnem , quas antiquissimi fuisse usus testatur Cornelius Tacitus , *Hist. i. 67.*

qui diu haec loca incoluit : In praesentia saluberrimae sunt ob sulphur frigidis admodum , & humidis naturis , histericisque passionibus , ac mulieribus foecunditatem impartiuntur . Faciunt pariter ad ventriculi imbecillitatem , jecorisque tollunt , ac lienis obstructions , detentos menses , & suppressas id genus purgationes aequae provocant . Existunt insuper plures aliae variis in locis sulphureae aquae , quarum virtutes enarrare heic omittimus ; quippe omnes in discutiendis hujusmodi cruciatibus versantur , ob sulphur , quod Plinius *Harpacticon* vocari a celeritate avellendi , *xxx. 15.*

refert . At valentius adversus cutis affectiones sulphur convenit . Antiqui enim , ut ex Galeno habetur , sulphur , quod trahentis ac abstergentis est facultatis , necnon calidum , & tenuissimis partibus constans , non solum ictibus venenatorum animalium resistere observarunt , verum etiam pso-
De Simpl.
virtut. ii.
ras , ac lichenas , & lepras cum resina terebinthina sanare solet . Terebintha quidem ceteris prae-

xxxv. 15.

stat, quin & digerit, ac abstergit, itaut scabiem curat, & quae in profundo sunt supra alias resinas magis attrahit, ac foras repellit. Plinius, *auferit* (sulphur) & *lichenas a facie cum terebintbi resina, & lepras*. Et infra: *Vitilignes vivum nitro mixtum, atque ex aceto tritum, & illitum tollit*.

Strab. viii.
p. 347.

Sed auxilium, opemque majorem in curandis morbis, qui cutim inficiunt, Graeci ab aquis sulphureis, quibus hujusmodi aegrotorum corpora ablueri solebant, experti sunt. Hujusce naturae fuisse

De Simpl. me.
dic. facult. xi.

suspicio aquas in antro Anigriadum Nympharum in Elea fitas, quae *ἀλφὸς δὲ καὶ λεύκας καὶ λειχῆνας, alphos, vitilignes, & impetigines* sanabant. Galenus vir doctissimus tradit, virum quendam elephantiasi laborantem profectum esse ad aquarum calidarum usum sponte nascentium in Mysia Asiae non procul a Pergamo. Sic etiam Aretaeus elephantiasi laborantibus, quam *τιλικὸν κακὸν, ingens malum* appellat, *λατρὰ φύσει θερμὰ, θειώδη balnea sponte calida sulphurata* praescribit. Elephantiasis Aegyptiorum peculiaris erat morbus. Lucretius

vi. 1112.

Est Elephas morbus, qui propter flumina Nili Gignitur Aegypto in media, nec praeterea usquam. Galenus multos in Alexandria suo aevo elephantiasi correptos affirmat, quam antiquissimis tem-

De Praedit. ii.
p. 114.

poribus in Syriam (unde Hippocrati *νῆσος Φοινικίη*

audit) Hebraei ab Aegypto profecti devexerant: Plut. Symp. VIII. Probl. 9.
 tandem sub Pompeo Magno, qui Syros subegit,
 Romam commigravit, uti prius in Graeciam pe- Cels. III, 26.
 netraverat. Sunt enim aliqui morbi, qui ab una
 in aliam Regionem propagantur. Sic & luem ve-
 neream post novi orbis detectionem ex America
 in Europam Hispani detulerunt: sic etiam vario-
 larum morbus Hippocrati, aliisque Graecorum
 Medicis, atque Latinis plane ignotus, ex Syria
 atque Aegypto saeculo undecimo aerae Christia-
 nae ad nos deductus per eos, qui variis expedi-
 tionibus bellum sacrum adversus Arabes suscepe-
 re pro recuperandis locis religiosis, in quibus Je-
 sus Christus *σωτὴρ ἡμῶν* mortem obiit, ut in *Huetia-*
nis ostendit doctissimus Daniel Huetius.

Sed de iis jam satis, nunc in viam redeamus.
 Aquae pariter nostrae salubres habentur adversus
 quasdam aegritudinum species, quoniam bitumi-
 ne abundant. Fuit sane bitumen ab Hippocrate
 una cum aliis propriis remediis adhibitum in uteri
 suffitu *ἄσφαλτον κριθῶν ἄχυσαν ζυμίζαν ὑποθυμίνην*, *bitumen ad-* De Nat. mus-
mixtis bordei paleis ad suffitum admoveo. lieb. p. 575. Uteba-
 tur eo Galenus, ejusque virtutem, atque vires ob
 moderatam calefactionem exsiccandi, ac glutinan-
 di praedicat. Est enim pinguis, & oleosus succus
 plurima aërea, ac ignea substantia temperatus,
 lu-

VI. 15.

De Bell. Jud.
v. 5.

xxxv. 15.

I. 85.

p. 31. edit. Lu-
gd. Bat. 1685.

lumen atque flammam promptissime concipiens :
unde in medicina discutiendi , emolliendi , atque
glutinandi facultatem possidet ; ideoque in sacris
Bibliis מרבק *glutinosum* appellatur . Sic & Plinio
visum , *sequax ac lenta untura bituminis ad omnem
contactum adhaerens* . Solino vero : *adeo lentum mol-*
litie glutinosa , ut a se nequeat separari ; & a Jo-

sepho δι εὐτονίαν προσήσεται τῷ μηρύματι τὸ σκάφει , *tenacitas
bituminis , ob quam ad compages navium perutile* .

Atqui ante alios Plinius bituminis vires commen-
dat , quibusque morbis proficiat , diligenter enu-
merat : oculorum suffusionibus , & albuginibus ef-
ficax , lepras , lichenas , corporisque pruritus ju-
vat : adversus podagram illitum , optimum reme-
dium etiam est , atque ad dentium dolores : tuf-
sim veterem , & anhelitus cum vino potum emen-
dat : eodemque modo praescribitur dysentericis ,
nam sistit alvum : mitigat adhuc lumborum cru-
ciatus , atque articulorum : sanguinis effusionem
reprimat , ac coercet , vulnera colligat , nervosque
glutinat . Dioscorides affirmat uteri , & sedis pro-
cidentiae valentissimum esse medicamentum , at-
que mulierum purgationes cum vino , & castoreo
potum elicere . Demum clarissimus Philosophus ,

ac Medicus Henricus ab Heers in sua *Spadacrene*
asserit , se vidisse Germanos ad oculorum suffusio-
nes ,

nes , & albugines maximo cum adjumento illud adhibuisse , itemque ad lepras , lichenas , corporisque pruritus . Bitumen quippe est pici simile , ut definit Svidas ἄσφαλτον δὲ ξηρίον ἐστὶ πίκτη ὁμοιον , *bitumen autem medicamentum est pici simile* : Quin Avicenna bituminis virtutem refert esse קריב מן קיה אלופת *vicinam virtuti picis* . Hinc Kimchio חמר , *bitumen* , תפת מן *species picis* . Pix enim asthmaticos juvat , & purulentos : pice tumores crudi concoquuntur , & ad glutinandum plurimum valens , ut memoriae prodidit Galenus .

Inter bituminosos fontes laudantur summopere ii , qui aliquem tenuissimum vaporem , vel bituminis fastigium in se complectuntur , eoque unguine diluti , aquas etiam cum nitore emittunt : quapropter a sapientissimis adprobantur Medicis , non modo in balneis , sed etiam in potibus , quum bibentibus non adeo insuaves sint . Hanc sane ipsissimam naturam continent Thermae nostrae , nam minimam subtilissimamque bituminis materiam largiuntur . Hae igitur quum ejus multas nanciscantur partes aëreas , calidas , atque humiditas , non solum attenuant , sed supra alia balnea peculiari facultate corpus , ejusque morbidas partes emolliunt . Quin & pro moderato bituminis calore modice etiam digerunt , attrahunt , siccant-
que ,

que, & denique glutinant: hinc ulcera commodissime conjungunt, atque recentia brevi ad cicatricem perducunt, ut in nostris Thermis experimur.

In Italia quoque existunt ipsissimae indolis fontes, veluti Bais, ubi quoddam balneum a Petreolo cognominatum, quo scaturit aqua partim diluta, partimque cum liquoris id genus specie supernatante: quam usu hactenus medicatam experiuntur, ac omnem pruriginosam, & humidam cutis maculam exsiccat, contracta emollit, extenditque convulsos nervos, crassaque extenuat corpora, fluxiones sistit, gravedines, raucedines, idque genus similia corrigit, atque reprimit. Hujus etiam naturam sapit balneum *Culma*, quod ad Avernum situm est, licet majorem sulphuris partem contineat, unde exsiccat valentius, minusque mollit. Ab Antiquis item commendatae sunt bituminosae aquae a potationibus. Sic Vitruvius eas in potibus ad interiora corporis vitia laudat. Archigenes, qui Neronis tempore vixit, & multo postea Aërius, atque Paulus Aegineta ad propinandum ipsas dabant, veluti efficacissimas affectionibus intestinorum, atque vesicae, quin & mulierum inflationibus, & praefocationibus, & vulvae scyrro perutiles, necnon pudendorum ulcusculis siccandis. Denique ex Galeno cholicis, nephriticis, ac Ileï do-

lo-

loribus profunt. Improbantur tamen aquae illae, quae sincero refertae sunt bitumine, vel ubi ejus liquamen innatat. Quippe crassae sunt, & plusquam marinae, graves, ac pro assidua resiccatione amarae; unde merito veteres, inter quos Galenus, Paulus, & Oribasius, corporis sanitati adversari judicarunt, quoniam sensuum instrumentis nocent, & maxime oculos ledunt, caputque replent, & impense exsiccant. Hujusmodi sane erat fons Agrigentinus, quem *lacum* perperam vocat Solinus, inque ipso *oleum* supernatare scribit, quum non oleum, sed liquidum bitumen, quo, vice olei, utebantur Siculi, quine ejus natura bituminosa arguebatur ex eo, quod tradidit Strabo, quoniam vi. p. 275. nandi imperiti in eum demergi non poterant. Cujus rei causa bitumini palam adscribenda, quia idem in Asphaltite lacu Judaeae usuvenit, ut ἀκολύμβοι in eo fluitent, nec mergantur. Hunc Agrigentinum fontem Athenaeus ἐν τῇ Καρχηδονίῳ ἐπικρατείῃ ii. p. 42. collocat. Ejus tamen oleum sive bitumen, adversus jumentorum morbos, & scabiem valere Dioscorides, Plinius, & Athenaeus adnotarunt: quae indole lacus Asphaltites etiam gaudebat.

Expositis bituminis facultatibus, nunc de aliis elementis, quae in nostris etiam Thermis reperiuntur, differendum est, & in primis de nitro.

L

Hip-

De Morb. Hippocrates adhibuit τὸ λίτρον Αἰγύπτιον ; *Aegyptium*
p. 1057. *nitrum* ad conceptum , simul cum coriandro , &

succino compactum ; necnon in clysteres inferebat cum melle , oleo , aliisque remediis , quibus etiam suppositoria formabat , quae Graece βαλάνοι , πρόσθετα

De Simpl. dicuntur . Apud Galenum invenitur pariter nitri
vi&. II. usus , quod siccare , ac digerere ex sua calida natura tradit ; quin si intro sumatur , multo magis quam sal , crassos , tenuesque humores solvit , atque attenuat .

Hinc laudat multum , & effert λίτρον Βέρνικον , vel Βερνικάριον , *nitrum Berenicium* , aut *Bernicarium* veluti optimum , & maxime molle , ac tenuium partium constans , ducta ut opinatur ab oppido Trogloditarum Berenice appellatione . Unde quondam in Aegyptum advectum Plinium *Aegyptium* vocasse existimo , & Galenum ἐν τῷ περὶ ἐμπορίων *Alexandrinum* . Doctissimus autem Salmasius censet a Beronice , quod Antiquis fuit electrum , sive succinum , hoc genus nitri rubri sic dictum esse , quod sane Hippocrates adhibuit , & quandoque Aegyptium , quandoque rubrum nuncupavit . λίτρον dicebant Attici , quod alii λίτρον . Hoc quoque Latini usurparunt , qui lymphas dixerunt , quas Graeci νύμφας , unde lymphatici οἱ νυμφολήπται . Namque Graecia pro ν in multis saepissime confundebant .

Mul-

Multae, vel potius innumerabiles sunt medicinae, in quas nitrum ingreditur, ab eodem Plinio xxxI. 10. memoratae, inter quas praecipuum obtinent locum illae, ubi cum fico illitum, vel decoctum in passo ad dimidias partes, oculorum cicatrices, & genarum scabrities extenuat, aut cum melle injectum visus claritatem adfert, ut experimento comprobatur. Nitrariae enim salubres, visusque incolumitati utilissimae; nam in eis foffores non lippiunt. Prodest quoque dentium dolori, sed si cum pipere in vino colluatur, aut cum porro sit decoctum: denique vitilignes albas cum cimolia creta, atque aequo aceti pondere in sale illitum emendat, ac pruriginem alumine permixto tollit. Ex cinere, nitro, & cimolia veteres fecerunt lixivii genus, quo in balneis sordes eluebant. Aristophanes

Ὁ πονηρότατος βαλανεύς, ὁπόσοι

In Ran. 723.

Κρατῆσαι κυκησιτέφρα

Ψευδονίτρα τε κονίας

καὶ Κιμωλίας γῆς.

Balneator omnium pessimus, quotquot

Tractant turbantem cineres,

Salsoque nitro mistum pulverem,

Et cimoliam terram.

Ad quae verba Scholiastes ἡ Κιμωλία νιτροποιὸς γῆ ἐξ ἧς τὸ νίτρον, *cimolia terra nitrifica, ex qua nitrum.* Hinc

in Dionysium Eustathius ἡ κίμωλος περὶ κρήτων , ἐξ ἧς ἡ
 κίμωλος γῆ , ἐπιτηδεύει εἰς νίτρον κατασκευὴν , *cimolus circa cre-*
tam , ex qua cimolia terra apta ad nitri praeparationem . Hinc ματρωνικὸν νίτρον , vel παρθένιον , quo matro-
 nae , & virgines in balneis utebantur . At nitro-
 fae Thermae magni usus veteribus fuere adversus
 varia morborum genera , uti ex Galeno liquet ,
 qui summis laudibus nitrosas balneas extollit pur-
 gandis meatibus omnibus efficacissimas . Quin &
 Theffalus , qui sub Neronis imperio vixit , atque
 Themisonis methodicam sectam non minus am-
 plificare , quam & ejus principia mirifice emen-
 dare studuit , nullum esse praestantius medicamen-
 tum hepaticum , aut nephriticum , vel pleuriti-
 cum censebat , quam nitrosas aquas , quem im-
 merito redarguit Galenus . Plinius item commen-
 dat balneas nitrosas etsi arte factas adversus pa-
 pulas , pustulasque : imo podagricis in balneis ni-
 tri usum , atque atrophis , opisthotonis , & teta-
 nis summe proficere tradit . Demum ejus spuma ,
 vel flos , quam Graeci ἀνθὸς νίτρον vocant , Vitru-
 vius *nitri florem* , in lavacris olim plurimi fuit
 usus , ut paullo ante diximus .

De Simpl.
 med. facult.
 v. 12.

v. 13.
 xxx. 10.

Nitrosae aquae potissimum a falsis distinguun-
 tur , quod amarorem ipsae sapiunt potius , quam
 falsuginem , & quo magis purum continent nitrum ,

eo sunt amariores . Hae quidem ob acres , subtilioresque ejus particulas , quas in se foveant , densum , atque viscidum sanguinem , ceterosque corporis humores incidunt , & extenuant , vimque habent egregie detergendi . Interdum vero lassant alvum , urinas cient , & sudores evocant : mirum in modum renes purgant , eosque vehementer roborant , pulsas , atque solutis arenulis ; imo & contra vesicae calculos mirificam praestant opem . Hinc si adstringenti aliqua substantia praeditae sunt , aut minutissimis ferri particulis affluunt , veluti in nostris Thermis experimur , partibus nutritioni addictis , intestinorum levitati , & hepati celerrime subveniunt . Praecipuam vero facultatem nitratis aquis in purgationibus adtribuit Vitruvius post Theophrastum , qui postremus in libro *περὶ ὑδάτων* Nili aquam ventrem solvere dixit ob *μίξιν λυγρώδη* , *admixtam quandam vim nitri* .

Ap. Athen. II.
P. 42.

Ejusmodi naturae recensentur aquae Cutiliae in Sabinis , etsi frigidae , ab antiquis Scriptoribus celebratae . Hae nimirum ob praeclaras virtutes in usum quoque medicum fuerunt receptae , ac tanta celebritate , ut pro urbis vicinate , aërisque salubritate , & ipsius agri amoenitate plerique Romanorum civium atque amplissimi etiam ordinis in ipsis aestivare quotannis consueverunt . Corpus
nam-

Plin. xxxi. 6. namque depurgant, ac strumarum minuunt tumores, utilesque potui, necnon aptissimae stomacho, nervis, & universo corpori. Denique Celsus in vulgatissimo, pessimoque stomachi vitio, quod
 IV. 5. *resolutio* dicitur, & qui cibi non tenax est, aptum, ac salutare suadet *consistere in frigidis, medicatisque fontibus, quales Cutiliarum*. Quibus adde apud viam Flaminiam sub praeruptis Apennini jugis inter Isaurum fluvium, & Ariminum medicatarum aquarum scatebras, quae quoniam nitrosae, salulae cum modica ferri substantia, collatis experimentis, vacuandi vim per alvum, & per urinas possident, sicque omnium membrorum nutritionis vitiis utilimae: hepatis, intestinorum, ventriculi meatus, renes, uterum, ac vesicam purgant. Existunt vicissim in Bajana, atque Puteolana regione multae nitratae aquae, quae potari ab aegrotis solent, & valentissimae sunt renum affectibus discutiendis, quoniam ductus urinarios aperiant, abstergunt, ac firmant; arenulas, mucosque hisce in locis haerentes expellunt, & mulierum fluores ex uteri imbecillitate ortos egregie sistunt.

Alias quoque, & superioribus longe praestantiores vires ac utilitates Thermae nostrae possident ob quandam etsi tenuissimam ferri substantiam,
 quam

quam ex terrae visceribus , per quae transeunt , secum rapiunt . Antiquitus fane , ferratae , ac naturales aquae quibus morbis proficere possent , medicis non erat ignotum . Oribasio enim comper-^{In Synops. r. 29.} tum , ipsas ventriculum , & splenem juvare vel Caelio Aureliano , qui aquas ferrugineas , quas Graeci *σιδαιζσας* dicunt , pro elephantiasi adhiben-^{De Morb. chron. lib. r. p. 492.} das jubet . Arabes postea laudibus eas summo-
pere extulerunt , nam quotidie aliqua cum moderatione epotae viscera fortiter corroborare solent , ut Rases & Avicenna , prima medicinae Arabicae lumina , opinantur . Sic & Mesues in sputo sanguinis aquam ex minera ferri bibendam praecipit . Quin ubi desunt naturales , aquas praescribunt arte ex chalybe praeparatas in potationibus , hoc est in quibus ignitus chalybs sit pluries extinctus , quoniam pluribus vicibus reiterata ejus extinctione validiores fieri chalybeatas necesse est .

Has quidem antiquitus in medicina fuisse , auctor est Plinius : *Calefit etiam ferro candente aqua in multis vitiis , privatim vero dysentericis* , ferri namque natura prae aliis exsiccat , atque adstringit . Medici utuntur communiter hisce chalybeatis aquis in membrorum omnium nutritionis vitiis a tabida praesertim intemperie natis , in quibus & mediocri refrigeratione & maxime robore opus est :
im-

v. 48.

xxiv. 16.

imbecillia namque & relaxata membra , ac viscera confirmant . Hinc Dioscorides aquam vel vinum commendat , in quod candens ferrum sit demersum : vasa nimis laxa constringit , quibus elasticam vim deperditam reddit ; quam ob rem chalybs laxatis virginum morbis optime conducit , nec non primis visceribus maximam vim conciliat , ut bonus conficiatur chylus , inque vasa lactea propellatur . Fuit etiam ferri rubigo in remediis , quae ut Plinius refert , *deraditur humido ferro e clavis veteribus* . Quapropter quoniam vi pollet ligandi , ficcandi atque repurgandi , emendat alopecias , ac peropportuna ad scabrities genarum , pustulasque totius corporis , atque ad scabiem sanandam cum cera , & oleo mista , qua podagra etiam lenitur . Squama vero ferri ex acie , aut mucronibus derafa veluti acriori vi , quam rubigo , adversus oculorum epiphoras assumebatur : sanguinemque sistit , quum vulnera maxime ferro fiant , reprimit etiam mulierum profluvia , atque hemorrhoides compefcit . Componebatur ex ea , ac cimolia creta , & cera acre ceratum quoddam purgandis ulceribus fistulisque optimum .

At multiplices amplioresque vires ferratae aquae natura sua erumpentes largiuntur : opitulantur enim obstructis , atque spleneticis , non
alia

alia ratione , nisi quoniam exsiccant , villosque viscerum densant atque adstringunt , quodque reliquum excrementi remanet, foras ejiciunt . Proban-
tur quidem tam in potationibus , quam in balneis ,
nam quae abstergendi praeditae sunt facultate , cu-
jusmodi multae reperiuntur in Italia , evacuant
per alvum , & per urinae meatus , atque utilissime
forbentur in hepaticis , renum , & vesicae vitiis ,
quin & vomitioni obnoxium ventriculum firmant,
intestinorum levitatem , ac omnem fluxum emen-
dant , juvantque in hydropis principio , nam vi-
scera firmant . Tandem mensium muliebrium fluo-
res inhibent , involuntariam seminis excretionem,
nocturnasque pollutiones corrigunt , albidam , &
quae laxatis renum habenis continuo effluit , dia-
betem firmant . Verum ferratae aquae , ubi in bal-
neis adhibentur , praestantiores afferunt opem .
Quippe tremulos tetanicos , ceterosque paralyti-
cos adjuvant ; necnon podagricis non confirmatis ,
iisque , qui Ischiade vexantur , & articulationibus
laborant , efficacissime subveniunt . Antiquissi-
mum in Hetruria balneum *vesicatorium* dictum a
Scribonio Largo , quem Galenus laudat , inter exi-
mias proprietates , quibus pollet , salubrius habe-
batur vesicae morbis persanandis . Bajanae item ,
quae ferrugineae sunt naturae , ebibitae , jecori ,

M

sple-

spleni, ventriculo, renibus, utero, omnibusque internis malis a relaxatione partium ortis eximie opitulantur, imo & pulmoni etiam conferunt, quoniam aliquid bituminis participant, unde siccant, abstergunt, ac roborant.

Quod superest, aliqua de salis communis effectibus, quo Thermae nostrae abundant, in medium proferamus. Sal Aegyptium frequentissime praescribit Hippocrates ad foetum mortuum expellendum, ac ventris sanguinem educendum cum testudinis marinae cerebro, & croco item Aegyptio in glandes efformatum, vel suffitum. Alibi *αλξ Θεβαϊκον*, salem Thebaicum adpellat uteri affectionibus, atque mulierum mensibus evocandis peropportunum. Sales omnes adstringunt, exterrunt, purgant, reprimunt, extenuant, siccant, atque exedentia, & excrescentia compescunt.

Aquarum falsarum utilitas, ac praestantia veteribus Medicis haud ignota fuit, quas Galenus *De Meth. med. xiv. 15.* iis suadet, qui obesitate onerantur, atque ideo praedicat illas, quae in Lesbo oriuntur, & a Mytilene non minus, quam stadiis quadraginta distant, traditque viribus & colore tales esse, quales fiant, si quis florem salis aquae marinae misceat. Quin & hydropicis optimas, reliquisque etiam tumefactis idoneas fatetur. Oribasius quoque aquas falsas

fas affirmat capiti & thoraci ab fluxione infestato ; In Synop. I. 19.
 itemque stomacho perhumido adjumento esse ; nec-
 non Caelius Aurelianus , qui saeculo quinto post Reines. var. lect. III. 17. p. 651.
 Christum natum floruit , summopere conducere De Morb. chron. II. I. p. 361. Amst. 1722.
 paralyticis ait , si marinis natationibus utantur , Lib. I. p. 492. v. 4. p. 576.
 quas etiam probat in elephantiasis curatione . De-
 nique in vesicae passionibus aquas salvas laudat ,
 & quae nitri habent qualitatem .

Antiquorum vero nullus aquarum marinarum
 in medicina magis excellentiam patefecit , quam
 Plinius , ubi veterum medicorum , quorum scri- xxxx. 6.
 pta compilavit , sententias recitat , valde valere in-
 quit adversus nervorum vitia , quoniam natura sua
 calefaciunt , itemque fracturas , ossaque contusa
 ferruminare . At quoniam corpora nimium sic-
 cant , praestantissimum judicat , & frigido mare
 uti . Veteres namque Medici maris aquam per se
 efficacissimam discutiendis tumoribus putarunt , at-
 que si illa decoqueretur hordeacea farina , utilis-
 simam esse parotidis . Praescribebatur etiam olim
 in potionibus ad purganda corpora , bilemque
 atram , aut sanguinem concretum reddendum , quin
 & in quartanis bibendam dedere , ac in tenesmis ,
 articularibusque morbis . Tandem in clysteres
 marinam quoque infundebant tepefactam ad tor-
 mina , & choleram . Quapropter errasse videtur

De aer. loc.,
& aq. p. 284.

Plin. xxvi. 3.

v. 24.

xiv. 8.

In Rud. act.
II. 7.

Hippocrates, qui eos fortiter objurgat, qui ad evacuandam alvum aquis falsis utebantur: locum Hippocratis sic Latine fecit clarissimus Foësius. *At vero de aquis falsis propter imperitiam falluntur quidam quodque alvum solvere existimentur, quum maxime alvi dejectioni repugnent. Indomitae enim sunt, & coqui nequeunt, proindeque ab eis venter potius adstringitur, quam eliquetur. Cujus sententiam rejecisse videtur Asclepiades, qui aetate Magni Pompei orandi magister ad medicinam se convertit, nam quibusdam morbis aquae marinae potum jubebat veluti in sacro, ut Celsus indicat, Asclepiades quoque falsam, & quidem per biduum purgationis causa bibere cogebat, iis, quae urinam movent, rejectis. Vinum aequae τεθλασμένον marinum saepe aegrotis ad bibendum dabat, ut ita melius ad interiora ob acutas falsis particulas penetraret, atque vehementer poros aperiret. Graeci quidem quoddam clarissimum vinum aqua marina mistum, quod Plinius Bion sive Biaeon, vocasse tradit, habuerunt ad plurimos valetudinis usus excogitatum. Hinc Plautus*

*Quasi vinis Graecis Neptunus nobis suffudit mare:
Itaque alvum prodissparavit nobis falsis poculis.
quin non modo maris aquas ad expellendas innumeras aegrotationes, cum in potu, tum in balneis*

neis usurpabant, verum etiam navigationem praescribebant, quam phthisi affectis imponere mos fuit, aut sanguinem egerentibus, unde Aegyptum navigabant Romani non propter se, sed propter longinquitatem navigandi.

Salvae igitur aquae in balneis vehementer exsiccant, adstringunt, contrahunt, abstergunt, purgant, cutimemendant, humorum excrementitia auferunt, & nimiam corporis crassitiem longo usu extenuant. Scabiosis, leprosis, elephantiacis, maculatis, vitiliginosis summopere proficiunt: artuum extuberationes prohibent, inflationes, atque aedemata discutunt, unde podagricis, & articulorum malis medentur. Hypochondriorum distensiones mitigant, ventris, intestinorum, ac uteri flatus disterminant, albos mulierum fluores, ac vulnerum ulcera purgant, & demum oris exulcerationes secundum Dioscoridem collutae leniunt, gingivarum tumores compescunt, dentium foetorem tollunt, eosque a putrefactione, & corrosione vindicant.

Diversa tamen est ipsarum ratio, quum intro absorbentur, quoniam tunc laxant alvum, purgantque intestina, praesertim iis, qui eas bibere non consueverunt, contra vero assuetis alvum siccant & adstringunt, largiterque epotae jejuno cor-
po-

pore, ut Rasis opinatur, eximie laxant; acri enim sua qualitate irritantes vim expultricem possident, atque pondere ipso comprimunt, & alvum deiciunt. Potatio item falsarum aquarum continua praecipue in esculentis multum nocumenti affert, etenim, ut Dioscorides animadvertit, caput implet, falsos, densosque gignit humores, ad scabiem, & pruritum corpus disponit, & sanguinem corrumpit: dysenteriam porro excitat, vel tabe afficit, quod plerisque navigantibus, qui aquarum dulcium penuria marinas bibunt, contigisse ex Galieno constat, atque ex Vitruvio colligimus Troezenae Cariae oppido salmatis assuetos potibus, & cibis, quoniam dulcibus carebant aquis, tumoribus, vel pedum vitiis laborasse.

Cognitis igitur peculiaribus Thermarum nostrarum elementis, viribus, ac utilitatibus, facillime intelligi potest, quantum salubriores ipsis pharmacis sint adversus innumeras, multiplicesque corporis aegritudines: praecipuae enim ac insignes medicamentorum proprietates, quibus universa non minus theoria, sed & praxis medica innititur, ad hoc potissimum referuntur, ut obstructions eliminent, infensas, ac noxias mitigent materias, deperditum fibrarum robur fulciant, ac denique inutilia e corpore proscribant. Quae cuncta ipsae
 Ther-

Thermae nostrae melius exequi possunt. Quippe ob elasticum, aethereumque spiritum, quo imbutae sunt, atque alkalini salis mixtionem, & ob ipsius humoris copiam, ac pondus, liquores in tubulorum alveis stagnantes incidunt, ac eluunt, unde obstructions dissipant; fluidi enim corporis motus magis in minimis, quam in magnis vasis promovetur, nam ibi nifus solidarum partium major existit, quum parvam habeant diametrum: nam ex hydraulicis constat, proportionem solidi ad fluidum contentum eo magis augeri, quo minora fiunt vasa; imo ipsius salis alkalini indole acidus, atque austeros in primis viis existentes succos obtundunt, ac temperant, viscidumque sanguinis mucum dissolvunt, atque crudos, & incoctos diluunt humores. Quin & ferri particulis solidarum partium labefactatam, ac corruptam vim restituunt: omnisque generis excretiones egregie promovent per universa corporis emunctoria, per alvi, vesicae, cutis, salivalium ductuum vias, superfluas, & impuras extrahunt fordes, absque virium oppressione, cunctisque denique corporis visceribus, & organis opitulantur: quae sane non efficiunt cetera praestantissima medicinae remedia. Usus quoque Thermarum in balneis summopere sanitati conducit, nam duros tumores emolliunt,

cu-

cutis meatus aperiunt , partesque corporis nervo-
sas , ac musculosas , quae ob lentum humorem
ibi stagnantem proprium amiserunt robur , miri-
fice firmant , & spasmo , ac rigore vexatos le-
vant , unde iisdem de causis paralyticos , ac om-
nes , qui contractas , imbecillas , languidas , &
tumidas habent partes , adprime juvant . Praete-
rea foedos cutis morbos extergunt , scabiem re-
siccant , impetiginem tollunt , & omnia hujus ge-
neris mala exterminant .

Demum , ne quidpiam reliqui desideretur , quod
ad integram Thermarum nostrarum commenda-
tionem pertinere videatur , rationi absonum non
est , aliquid de alio quodam fonte , qui non longe
scatet ab iis , quos jam memoravimus , cursim ,
& breviter attingere . Is enim eo magis summo in
pretio , atque in aestimatione habendus est , quo-
niam praestantissimus in Gallici morbi curatione
ab omnibus experitur , ac praesertim prodest , &
frequentatur a militibus , qui hac aegrotatione
corripi solent , non minus in ejus aquis absorben-
dis , quam corpore saepe abluendo : unde ab in-
colis communiter *luis venereae fons* hodie nuncu-
patur . Summopere exoptabam exactam de hoc
lavacro , uti de aliis feliciter obvenerat , analysin
habere : qua de re pluries Excellentissimum Do-
mi-

minum Comitem Hamiltonium obsecravi, qui a CAROLO VI. Imperatore semper Augusto illius loci custodiam imperiumque tenet, ut eam diligenter ab aliquo peritior Medico illuc effici juberet, attamen vel ob incuriam illorum, qui medicinam ibi exercent, vel propter bellum, quod adversus Scythas a Germanis in praesens agitur, obtinere nullo modo potui, ut quibus constent corpusculis, qualive praeditae sint facultate hae Thermae praecognoscerem.

Non defunt tamen nobis ex variis, diversisque argumentis conjecturae, rationesque ductae, ex quibus rerum summam deducere facillime valeamus; ac in primis cogitandum est, hasce lymphas temperatae caliditatis esse, quae defluxiones ideo excitare nequeunt, neque humores incendere possunt: ob quam Gallico morbo laborantes earum usus adjuvat, & in potibus, quibus hepatis adustio refrigeratur, & in balneis siccando ulcera, atque impetigines ex ipso ortas eluendo. Lues quidem venerea hepar, ut plurimum, veluti primariam quamdam arcem adurere, ac evertere solet, indeque tanquam tyrannus cunctam sanguinis, & humorum omnium compagem de more labefacit, atque ideo multiplices, detestabilesque in aegrotantibus producit cruciatus non solum pro morbi

saevitia, sed & pro aegrotorum temperamentis ; ac loco partium, quas afficit. Quamobrem a calido, & sicco naturaliter balneo nil in hoc aegrotationis genere consequi potest adjumenti. Nam morbus ipse calida affectio est, & quaedam hepatis inflammatio, quin cum materia, ex qua ingeneratur, phlegma sit crassum, & contumax, solet, hujusmodi Thermarum usu, magis obdurari ob maximos sudores, quos abunde elicit, uti experientia detectum est.

Et quidem praeteritis saeculis, quoniam vix comperta erat tantae contagionis immanitas, saepe eveniebat, ut qui sese calidissimis Thermis commiserant, raro aliquam senserint utilitatem. Quamplurimi enim aut inflammatione, aut artuum doloribus, vel tandem febribus fuerunt correpti, plerique in ipsis lavacris periisse visi sunt, unde coeperunt Medici eas detestari, & Gallico morbo oppressis denegare; ab eis enim humores liquari compertum est, meatusque patefieri, & juncturas humefaciendo laxari facilesque reddi defluxionibus recipiendis. Id ipsum etiam contingit in balneis, quae nimio calefcunt sulphure. Validissimae quippe sunt in producendis iisdem effectibus, uti saepissime fuit observatum. Ex quibus clarissime deducitur hunc fontem in nostris Thermis Dacis,

cis , de quo nunc sermo habetur , non nisi tenuissimas sulphuris particulas possidere , & ut facile persuadeor , multum resinae , & nitri in se immixtum continere , quo hujus morbi causas expellere possit . Hinc in errorem Fracastorius celeberrimus medicinae professor illapsus est . Fatetur enim nihil , aut parum Aponensia balnea in oppido Aponi sita , & Porretana in Apennino in finibus Bononiae , atque Pistorii iis prodesse , qui fortiter luem Gallicam patiuntur , non alia ex ratione , nisi quia leviora haec sunt . Ignoravit sane legitimam horum fontium indolem , nam utpote natura sua calidissimi nocent potius , quam profunt hoc malo aegrotantibus ; tenaces enim exiccant humores , eorumque decubitus gignunt . Contra Calderianae Thermae , quia mitiores , ac minus calidae existunt , idcirco utiles observantur , sic dictae a Calderio vico , qui minus decem millia passuum ad sinistram Italiae regionem a Veronensi civitate distat : quae excellentissimae sunt non modo nostris temporibus , verum etiam antiquis , hodieque maxime celebrantur ob aëris subtilitatem , agrique amoenitatem . Effluunt denique omnium consensu aquam claram , ac tepidam , sapore , atque odore non ingrati , quae quasdam ferri in primis continet , atque etiam salis , nitrique particulas :

unde falsula sentitur, & tandem est pertenui sulphuris parte referta, ex qua tepida fit; itaut ob suae ipsius naturae praestantiam in usu est apud Veronenses Medicos in potationibus, balneis, ac fomentis.

Memorantur quoque a Scriptoribus plurima alia lavacra variis in locis sita, quae ob minerales particulas, quibus abundant, non modo operam diversis morbis adferunt, sed omnibus etiam quibus venerea laborant, opitulantur. Hujusmodi est nobilissimum lavacrum ferrugineae naturae, quod in pago Avinionis in agro Senensi juxta viam Romanam xx. lapide reperitur. Constat enim multis aquarum scatebris, quae ex diversis mineris manare videntur, nam diversas praeseferunt qualitates, ac frigidae, calidae, crassae, & tenues experiuntur: atque alios inter morbos ulcera antiqua, foeda id genus cutis affectiones, ac luem item Gallicam persanant, si moderatione aliqua adhibeantur. Laudantur praeterea pro hoc malo Albulae Thermae, quae adversus calidas viscerum intemperantias, ac praecipuae hepatis, & quae ex Gallico oriuntur affectu, valde conferunt in balneatione, & in potu propter insignem, quam obtinent siccandi qualitatem, atque ideo reprimendis humoribus, ac persanandis ulceribus, quae ex
de-

defluxione fiunt , utilissimae sunt : Postremo ferratae aquae , quae in civitate Neapolis ad oram maritimam erumpunt , unde eminet collis quidam Lucullanus olim dictus , ad expellendum e corpore virus pestiferum , quod a Gallico morbo progignitur , quotidie a Neapolitanis Medicis praescribuntur , ea tamen methodo , ut aegrotantes pluribus iteratis crateribus eas matutina ora in media aestate bibant , tunc enim temporis majori vi absterforia pollent . Abstergunt enim mediocriter ac per urinam potissimum ebibitae morbidas excretionesejiciunt , quamquam per alvum , quoque nonnullis vel per vomitum proficiant . E duobus autem fontibus fluunt nihil , aut parum inter se dissimiles . Utraeque tamen frigidae sunt aestate , hyeme vero tepidae . Maranta qui acute admodum , & concinne primus harum aquarum naturam investigavit , aliquam in eis sulphuris portionem , & ferri detexit .

Gravissimis hisce in morbis curandis uti aquis medicatis , absque quadam corporis praeparatione , diaeta , atque methodo aptissima , peritissimi medicinae professores saepius noxium , & nonnunquam periculosum experti sunt . Quam ob rem ante omnia necesse est corpus ipsum diligenter praemunire , primasque vias blande purgare , ne aquae
clau-

clauso per villosam tunicam transitu , stagnet ,
 corpusque tumidum reddant , & nauseam , ac vo-
 mitum molestissime promoveant . Insuper atten-
 tissime in balneationibus cavendum est , ut aridi ,
 extenuati , febre , inflammatione , asthmate , he-
 mophtisi , aliisque calidis morbis laborantes eis
 prorsus abstineant ; imo si corpus depressum sit ,
 ante ipsam balneationem optimis , sanisque ali-
 mentis nutrire , ac reficere oportet : ac si pravis
 humoribus abundat , purgetur cathartidis , & ve-
 nae etiam sectione , si opus est . Praeterea imbe-
 cilles semel in die lavari possunt per horae dimi-
 dium ; firmique contra ad horam integram , atque
 si morbus postulat , & vires ferunt , bis in die la-
 ventur ; mane una , vel altera hora ab ortu solis ,
 & vespere quatuor , quinque , vel sex horis a pran-
 dio , hac tamen diligentia , ut vespertinum balneum
 matutino brevius sit . Tandem aegri balneo egre-
 dientes linteo calefacto obvolvantur , mox clau-
 sum cubiculum intrent , ac in lecto bene tecti col-
 locentur , ut sudare possint : sudore deterso dor-
 miant , deinde ambulent , & a frigido se abstineant
 aëre , cibum , potumque morbo congruum , &
 moderate sumant : alvum quotidie apertam ha-
 beant , atque cucurbitulis , & scarificationibus
 utantur , emplastra vero , & oleosa lenimenta fu-
 giant ,

giant , quae cutis poros replent ; & Thermalis aquae expirationem valde ac saepe cum periculo impediunt .

In potationibus etiam adhibenda quaedam ratio , quae necessaria est , ut hominibus variis aegrotationibus vexatis succurratur . Quapropter summopere optandum foret , ut aquae epotae , in sanguinem , humoresque infundi possint , ac permixtae , per universos corporis meatus libere , ac facillime labi , & demum per omnes excrementitios ductus intro expelli valeant : quumque id fieri nequeat in corpore , ubi sanguis abundat , expedit , ut incisa vena superfluous mittatur : qua in re summo opus est consilio . Namque non solum aegrotorum vires examinandae , atque corporis habitus (interest enim inter valens corpus , & infirmum , inter tenue & obesum) sed considerandum quoque est morbi genus . Praeterea ad exoptatam curationem feliciter impetrandam confert , ut perspiratio libere , & expedite fiat , eaque de causa Thermalium potum aestivo tempore inchoare juvat , ac mox omittere , quum bruma supervenit . Urinae item considerandae , ex quibus saepissime aegrotantium status , & conditio pernoscitur . Animus tranquillus , omnibusque curis vacuus sit , iis , qui ad medicatas aquas accedunt , atque exactam

victus rationem observent, omniaque studiose evitent, quibus salutaris earum progressus impediri, & perturbari possit ciborum maxime varietatem, quae morborum est scaturigo, ut dixit Antipha-

Apud Clem.
Alex. 11. Pae-
dag. p. 60.

nes Delius Medicus τῶν νόσων αἰτίαν τῶν ἐδεσμάτων πολυειδίαν.

Quam ob rem aptum, & maxime congruens videtur in nostris Thermis, idoneum, & peculiarem constitui Medicum, ut data opera aegrotis, qui aut balneum, aut potum adhibent, omni diligentia, ac cura praesto sit, modumque iis utendi praescribat, & primo ipsarum vires, morbique qualitatem inquireat, ut si aliquid inopinate accidat, statim succurratur. Solent enim varia, ac molesta his, qui Thermalibus aquis utuntur, contingere, quae aliis valentissimis remediis arcere convenit; unde Medici praesentia utilis, ac necessaria censetur, qui non solum aquarum naturam ante scrutatus fuerit, verum etiam aëris temperiem, locique situm, atque indolem sedulo observarit: mox singulis annis diligens Medicus Thermarum analysin iterum ac saepius conficiat, quoniam nonnunquam evenire solet, ut per alios telluris meatus fluant, ac diversa, & noxia metallorum effluvia absorbeant, quae ipsas inficiant, hominibusque adversa progignant.

Et sane apud veteres non alia ratione constituebant-

bantur multiplicis muneris Medici, nisi ut melius, ac consulto mederi quibusdam peculiaribus morbis possent, quibus alicujus status, & professionis homines laborare solent. Hinc apud eos audiebantur, non tantum qui quasdam corporis partes solummodo curabant, vel certi doloris sanitatem pollicebantur, veluti *ocularii*, *dentarii*, *auricularii*, alique, sed & qui alicui collegio, vel hominum coetui inserviebant, ac in primis qui nomen militiae dederant, unde **OPTIO VALETUDINARII** in Pandectis, & in marmoribus. Romani quippe militibus aegris, ac vulneratis valetudinarium praeficiebant, quem sibi ministrum, & adiutorem Praefectus castrorum optabat, unde ei nomen: quive exercitu ad proelium prodeunte *valetudinarios*, idest aegrotos, qui manebant in castris, *inspiciebat*. Hos Medicos posterior aetas primum *deputatos*, deinde *scribones* vocavit, quas voces Graeci quoque suas fecerunt. Rectius autem *πολεμικοὶ militares* nuncupantur; nam Medici, qui exercitum sequuntur & ipsi *πολέμῳ militant*, quamvis enim pugnam non capebant, tamen pugnae causa comparantur. Clarius Modestino *militum Medici* dicuntur.

Leg. 1. π. de extraord. cognit.

Leg. 6. π. de jur. immunit.

Apud Grut. ccccxix. 9.

Leg. 13. π. de re milit.

Leg. 33. π. ex quib. caus. major.

Erat autem in castris Chirurgus militaris, cuius munus circa duo praecipue versari ait Hippocrates

De Medic. p. 22.

tes χειρουργίῳ κατὰ στρατίῳ γινομένων τραυμάτων, & ἐξάρεσιν τῶν βελέων,
ut & vulnera curet, & tela extrahat, additque eam
 Chirurgiam a Medicis urbanis ignoratam non ali-
 ter quam militando posse comparari τὸν μὲν ἔν μέλλοντι
 χειρουργεῖν, στρατεύεσθαι δὲ καὶ παρηκολυθηκέναι στρατεύεσθαι ξενικοῖς.

*Is igitur, qui hanc manus operam exercere cupit, ut
 externos exercitus sequatur oportet. Quod verbis do-*

Hipp. lib. v.
 Epid. p. 1161.
 & vii. p. 1240.

cuit, exemplo etiam comprobavit. Tychoni enim
 ἐν τῇ πολιορκίῃ τῇ περὶ Δάτον, *in oppugnatione circa Datum*
 (quae urbs Thraciae Stephano est, & ab Herodo-
 to memoratur) ὑπὸ καταπέλτε *catapulta* in pectus ictο,
 adstitit Hippocrates, sed manum admove-re noluit,
 curamque omnem extrahendi de pectore vulnerati
 hastam Medico militari permisit non invitus. At
 praeter vulnera, contusiones, luxationes, fractu-
 ras, pluribus aliis causis obnoxii milites sunt, qui
 ideo clinicorum operam exposcunt, unde hac ra-
 tione Medicus clinius militaris in exercitu itidem
 extabat, qui arte sua quoscumque expellebat mor-
 bos, in quos vulgo milites incidere solent, frigore,
 vel calore, labore, mutatione, locorum situ, aë-
 ris intemperie, corporis curandi negligentia, aut
 alimentorum improbitate. Hinc in marmoribus

DCXXXIII. v.
 CVIII. 4.
 Leg. i. Cod. de
 profess. & me-
 dic.

habetur **MEDIC. LEGIONIS**, vel **MEDICUS**
COH. Et in Cod. Justiniano *Medicus legionis se-*
cundae adiutricis.

Habebant itidem Graeci quosdam Medicos Gymnasiis addictos, qui Athletarum dietam curabant, eorumque munus erat scire quae cujusque motus, & exercitationis, pro sanitate tuenda, vel Galen. de va-
let. tuend. 11. reparanda, vis ac potestas esset. Agebant praeterea alii peculiare in gymnasio Medici, qui Athletas, ubi ipsorum quispiam morbum nactus esset, curabant. Eorum quoque munus erat cavere, ne quis se exerce-
ret crudus, de qua re ex redditu lotii colore judicabant. Hunc morem imitati sunt postea Romani, qui ludis gladiatoriiis plurimum delectati Medicos statuerunt, qui gladiatorum curam gererent, ut Quintilianus in declamationibus, & antiqua quo- ccccii.
que marmora testantur, in quibus legitur:

Τ. ΑΙΛΙΟΣ ΑΣΚΑΝΠΙΑΔΗΣ ΣΕΒΑΣΤΟΥ

ccccxxv. i.

ΑΠΕΛΕΥΘΕΡΟΣ ΙΑΤΡΟΣ ΛΟΥΔ. ΜΑΤ.

Hi praeerant gladiatoribus in ludo contusis, unde iis potationes dabant, ut internos dolores sedarent, & praecipue potum lixivicum, quem Plinius tradit xxxv i. in fin.
valere ad convulsa viscera, aut contusa lenienda. Sanabant vicissim eorum vulnera, quae in arena accipiebant, quum *vorsis armis*, ut Plautus ait, hoc est non amplius obtusis, sed acutis pugnabant; imo & victus rationem sedulo curabant. Apud Graecos quodam edulii genere ex faba, & ptisana concinnato gladiatores uti quotidie consueverant, ut testis est

De Alim. fa-
cult. I. 19.

Galenus. Opus enim gladiatorum non viriū erat, sed dexteritatis, ad quam corpus flexibile perficiebant.

Supereſt tandem , VIR EXCELLENTISSI-
ME , ut popularem errorem , ac veterum excutia-
mus , qui tenet plerumque eos , qui nullis alienarum
artium adminiculis innixi , fortiter objurgant , vel
cachinnis excipiunt alios, qui ad ſcribendum adgre-
diuntur de rebus , quas ab ipſorum munere, ac pro-
feſſione alienas cenſent : ignorant enim vaniloqui
iſti , ſe qui ludificant dictis delirantibus atra bile
perciti, quantum diſciplinæ, ingenuæque artes in-
ter ſe connexæ ſint , quantumque adjumenti uni ex
alia accedat . Qua de re ſalubrius ipſis foret Anty-
ciras ſorbere meracas , ut ex animis infaniam , quæ
tanquam caprificus inhaeret , penitus evellerent.
Namque Tibi , VIR SAPIENTISSIME , plane
perſpectum eſt , præclariffimos viros , etſi medici-
nam non exercuiſſent , ejus tamen ſcientia magno-
pere delectatos doctiſſima pervulgaffe volumina .
Hinc Salomon in rebus Medicis verſatiſſimus, atque
Alexander Magnus , necnon Attalus Rex Pergami,
qui de agricultura libros etiam ſcripſit , & Mithri-
dates Rex Ponti , ſua ætate maximus , in reliqua
ingenii ſui magnitudine , medicinae peculiariter
fuit curioſus : de qua plura in arcanis ſuis ſcripta
reliquit . Juba Rex utriusque Mauritaniae in vo-
lu-

luminibus ad Cajum Caesarem Augusti filium de Arabia plurima de rebus Medicis inseruit, ac tandem Romanorum Imperator Adrianus summo opere fuit medicinae peritus.

Omitto & antiquissimos Poëtas, Homerum praecipue, qui primus doctrinarum, & antiquitatis Parens, innumera de herbarum virtute, ac proprietatibus, deque aliis, quae ad medicinam pertinent, versibus expressit, ut praeteream quoque Musaeum, & Hesiodum. Quid dicam de praestantissimis Graeciae Philosophis, qui medicinam illustrarunt? quid de Pythagora? qui sapientia clarus, volumen de herbarum viribus exaravit, quod a quibusdam Clemporo Medico adscribebatur, verum ipsi pertinax fama, antiquitasque vindicavit. Sic quoque Empedocles ejus auditor, quam multa de medicina docuit, necnon Alcmaeon, Epicharmus, Eudoxus, Timaeus, Eraclitus, caeterique, qui Pithagorae scholae nomen dederunt, medicinam perfectissime studuerunt, atque Philosophiae adjudicarunt. Quid de Democrito summo Philosopho ac Geometra dicamus? qui non solum continuo animalium corpora fecabat, ut eorum structuram cognosceret, unde *aetatem inter experimenta consumpsit*, sed pera-

Petr. Arbit.
in Satyr. 88.

gratis Perfidis, Arabiae, Aethiopiae, Aegyptique regionibus de herbis plura scriptis mandavit, deque

ho-

hominis natura , de peste , de morbis , de prognosticis, de diaeta, & tandem de aegrotationum causis differuit . Quid de Platone , Theophrasto , aliisque inter Graecos excellentissimis ? qui quanquam a medicinae exercitatione abhorruissent , tamen de ejus materia scriptitarunt . Quod factum etiam a Romanis , quorum gravitas hanc artem exercere non permittebat . Hinc apud eos claruit Virgilius , qui Georgicorum libris multa Medica descripsit , atque Cornelius Celsus , qui de Medicina libros reliquit doctos quidem ac disertos , omnemque doctrinam ex Hippocrate , & Asclepiade hausit . Ubi omittam Marcum Catonem , omnium bonarum artium magistrum , qui latine herbarum usus fuit persecutus , etsi paucis dumtaxat attingit , bovum etiam Medicina non omissa . Cajus insuper Valgius eruditione spectatus, libros de eadem materia etiam confecit , ac ad Augustum direxit . Plinius denique ipse , qui summis dignitatibus in republica perfunctus , perfectissime tamen Medicinam comparavit . Nostra quoque tempestate vixit Alphonsus Borellus Neapoli natus , qui nunquam artem professus est , at praeclara de Medicina specimina memoriae , posteritatisque reliquit , necnon primus mechanicas leges in eam summa cum utilitate ac laude invexit : quae alii postea amplissime auxerunt . Nec silentio praec-

praetereunda clarissima Oliva Sambuco, quae inter doctas, atque eruditissimas Hispaniae foeminas floruit. Sic enim praeclare de hominis natura scripsit, ut medicinam fecisse videretur. Quin ante alios fortissimis argumentis ostendit hominem plantae speciem praefere, atque ingeniosissime in utrisque solidarum partium, & humorum analogiam descripsit, quod postea demonstravit ac perfecit Marcellus Malpighius vir clarissimus, qui summo studio, diligentiaque anatomen ipsarum in lucem dedit. Haec super Dacicarum Thermarum praestantia, & utilitate differebam. Quam ob rem, ut ea grato animo accipias, **VIR EXCELLENTISSIME**, Te magnopere rogo.



F I N I S.

Die 3. Martii 1739.

IMPRIMATUR,

F. Joseph Maria Chiesi Provicarius S. Officii Mantuæ.

VIDIT

Franciscus Bersellus.

*Menda, quae irrepsērunt in primam Dissertationem
sic corrigito.*

	Menda	Corrēctiones.
Pag.		
35 v. 14	Φερεάρχς	Φερεάρχς
41 v. 7	PRAF.	PRAEF.
46 v. 10	post liquet, adde.	Ad victoriam de Da-
		cis referendam Inscriptionem Albae Ju-
		liae in Dacia repertam suspicamur.
46 v. 17	PRAEFFECTVS	PRAEFFECTVS
50 v. 22	Antonianam	Antoninianam
66 v. 5	dele sub	
67 v. 5	adde post Albae in palatio veteris Tabu-	
	larii extabat, nunc vero ad scalas Bi-	
	bliothecae Cefareae.	
82 v. 12	Nypbarum	Nympharum

*Menda, quae irrepsērunt in secundam Dissertationem
sic corrigito.*

39 v. 20	corporis	corporibus
54 v. 12	dele sunt	
64 v. 22	lamine	laminae
82 v. 11	Βερίνκιον	Βερίνκιον
106 v. 22	clinius	clanicus

